

**SIXTH LEGISLATIVE ASSEMBLY OF MIZORAM
(FIFTH SESSION)**

LIST OF BUSINESS

**FOR SEVENTH SITTING ON WEDNESDAY, THE 25TH MARCH, 2010
(TIME 10:30 AM to 1:00 PM 2:00 PM to 4:00 PM)
MEMBER PRESENT**

Pu John Rotluangliana, Deputy Speaker at the Chair, 11 Ministers and 25 Members were present.

QUESTIONS

1. **Questions** entered in separate list to be asked and oral answer given.

PRESENTATION OF REPORT

2. **Pu. K. LIANTLINGA** to present to the House the Third Report of Committee on Government Assurances of Sixth Mizoram Legislative Assembly.

DISCUSSION AND VOTING ON DEMANDS

3. **Pu R. LALZIRLIANA** to submit to the vote of the House various demands under his charge.
4. **Pu S.HIATO** to submit to the vote of the House various demands under his charge.

DEPUTY SPEAKER : Rorelna dik chu lui angin luang sela, felna chu luipui kang ngai lo angin luang rawh se.

Amosa 5 : 24

Aw le, zawhna leh chhanna kan la nghal ang a, starred Question No 81-na zawt turin Pu John Siamkunga i lo sawm ang.

Pu JOHN SIAMKUNGA : Pu Deputy Speaker, Public Works Department changtu Minister zahawm tak chhan atan heng zawhna te hi ka zawt e.

- a) Tuipui Darzo kaiah hian RCC lei (Double Lane) PSC Box (Girder Bridge) dawh tumna a awm em ?
- b) Dawh tum nise engtiang anga sei nge anih dawn ?
- c) Khaw engzatin nge chhawr ang ?

DEPUTY SPEAKER : A chhang turin kan Chief Minister zahawm tak a awm loh avangin a aiawh tura ruat kan Home Minister zahawm tak I lo sawm ang.

Pu R. LALZIRLIANA, MINISTER : Pu Deputy Speaker MLA zahawm tak Pu John Siamkunga zawhna chhanna chu -

- a) Tumna mumal tak a la awm rih lo.
- b) A chung a chhan na ang hi a ni e.
- c) Lei hi dawh zawh chuan khaw 16 in an chhawr ang.

DEPUTY SPEAKER : Zawh belhna Pu John Siamkunga i lo sawm ang.

Pu JOHN SIAMKUNGA : Darzo lei saw a pawimawh hle a. Tunah hian he lei lian dawh hma hian lei te zawk suspension Bridge dawh tumna a awm em ? Tin, tuna ka zawh tak R.C.C Bridge double lane tura concept paper te buatsaih peih a ni tawh em ? tih kha ka zawt nawn e.

DEPUTY SPEAKER : Chhang turin Pu Zira Deputy Leader i lo sawm ang.

Pu R. LALZIRLIANA, MINISTER : Pu Deputy Speaker, a zawhna Darzokai-a Double-Lane a R.C.C Bridge dawh tur kha crore 47.77 D.P.R siam ani a, fund hi khawi atang berin nge kan hmuh ang tih hi ka zawh mek ani. Tin, chumi kan dawh hmam suspension bridge 1 ton pick-up truck ang chi dawh tura buatsaih ani a, DPR hi DoNER Ministry ah thehluk tawh ani e.

DEPUTY SPEAKER : Starred question No 82-na zawt turin Pu B. Lalthlengliana i lo sawm ang.

Pu B. LALTHLENGLIANA : Pu Deputy Speaker, Starred Question No. 82-na R.D. Minister zahawm tak chhan atan V.C. NREGS hmang diklo te hi Sorkarin engtinng e tih a tum tih ka zawt e.

DEPUTY SPEAKER : Chhang turin Rural Development Minister changtu Pu R. Lalzirliana i lo sawm ang.

Pu R. LALZIRLIANA, MINISTER : Pu Deputy Speaker MLA zahawm tak Pu B. Lalthlengliana zawhna chhanna chu, NREGS hmang diklo V.C. an awm anih chuan dan angin an chungah Sorkarin action a la ang tih a ni e.

DEPUTY SPEAKER : Zawh belhna, Pu B. Lalthlengliana i lo sawm ang.

Pu B. LALTHLENGLIANA : Pu Deputy Speaker, NREGS hi kan hriat theuh angin V.C ah hman dikloh na a nasa em em mai a. Ka bialah chuan a detail deuhin kan zawt anga, ni 15.3.2009 ah V.C ten ni 20 inhlawhna ah cheng 500 chhungkaw tin hnenah an cut a, chhungkaw 247 ah, a vaia cut chu cheng 1,23,500 a tling a. Chu chu Sesih to Khuangleng kawng hlui chei nan an hmang a. Hetianga tum nga (5) an cut a. A vaia pawisa V.C ten hnathawk tute hnena an cut hi Rs. 3,92,544 (cheng nuaih thum sing kua sanghnih zanga sawmli pali) ani a. JCB leh Bulldozer hire nan Rs 1,18,000/- an hmang a. A balance Rs 2,74,544/- hi VC ten an ei ral ringawt niin a lang a. Chu chu DLAO Champhai hek ani a. Mahse, DLAO hian Sesih V.C-te hi a hum tlat avangin Sorkar thleng lovin engemaw ti ti a tih khawtlai niin a lang a. Khaw khat V.C. ten Rs 2,74,544/- kum khat chhung pawh a an ei ral duh anih chuan he NREGS hmang hian thingtlang khua hi a chei hleih theih dawn loh niin a lang a. Chumai chu ni lovin Aibawk ah hian in 341 a awm a, chu chu YMA in NLUP baseline an survey na a ni a. Chutih lai chuan Job Card hi 369 a awm a. Chuti chuan Aibawk ah 369 atang khan mi 161 an in hlawh tir a. Mi 208 te kha/chhungkaw 208 te kha Rs 600 kan pe ang che u a, Rs 500 hi V.C ahrawn theh lut ula, chuan thawk lovin pawisa in dawng ang tiin an in siam rem a. Khang an dawn zawng zawng kha Rs 1,04,000/- ani. Falkawn ah hian ni 6.1.2010 a sanction construction of gravity pipe line to Ramhawh tih chu departmental work a sanction ah dah ani. R. Vanlaltluanga Congress Unit

President Rs 50,000/- in an thawh tir a. A bak zawng hi khawi ah nge a awm ? tih kha kan Minister zahawm tak hian min chhang thei bawk sela. Muallungthu ah hian mak ang reng deuh chu work side pakhat ah construction of RCC slab culvert Tahkaihnaar tih ah hian Rs 1,25,00 departmental work a thawh tura tih ani. Department hian a thawh chu an thawk a, mahse an thawk chhe viau ani. Chawlhni hmasa khan ka va tlawh tawh a, chumi hmunah vek chuan Construction of Retaining wall at Pu Saia huan tih ami leh Construction of R.C.C Slab Culvert at Bungkawn hnar Rs 1,49,565 leh Rs 1,25,000 hi chu construction of R.C.C Slab Culvert at Tahkaihnaar ah khan department in a an thawh tawhnaah khan he work pahnih hi an bel leh ta a, avaiin Rs 3,99,565 a ni, Pu Deputy Speaker, tikhan hmun khatah hna 3 project Director atanga sanction kha a kal khawm ta a, a hmun a enin departmental work in a daih hle a. Hetiang khawp pawisa hi an hmanga, avai in Rs 3,99,565 an hmanga, a thawh nan hian Rs 50,000 in an zo theiin a rinawm. Pu Deputy Speaker kan hriat dan chuan bialtu M.L.A. hi a inrawlh thuk hle niin an sawi a, V.C. tinah Rs 10,000 te, Rs 20,000 te block fund atan chhun luh tur a ni tih thupek a awm a. Falkawn hian Rs 10,000/- chu an pe lut ngei a, B.D.O. kal tlingin Report kan dawn danin chumi tling khawm chu a ni mai thei. Pu Zothanmawia, Congress Block President hian Aibawk R.D. Block atangin Rs 10,000 a draw a, chu pawisa Rs 10,000 a draw chu khawi atanga draw nge a nih tih kha ka zawt duh a. Pu Zothanmawian R.D. Block atanga Rs 10,000/- a draw hi V.C. ten Rs 10,000/- te Rs 20,000/- ten an pek khawm atanga a draw nge khawi atanga a draw nge tih report hi min chhang tel nghal teh se.

DEPUTY SPEAKER : Ngawirawh, zawhbelhna Pu Ramhluna sawn a lo hauh tawh a.

Pu C. RAMHLUNA : Pu Deputy Speaker, tukin zingah report kan dawng a, hei hi kan zawt chiang duh a. May 13.2009 khan NREGS fund a material component atangin Chhiphir V.C-in Rs 70,000 BDO atangin an draw chhuak a. Chumi atang chuan Rs 30,000 hi Zawlbuk detail nan hman a ni a. Rs 40,000 hi tun thlengin a hmanna hriat ala ni ta lova. Helai hi nichina kan Minister zahawm takin chhanna arawn siam tawh ang khan han enchian a, a tul anga action lak theih a ni ang em ? tih kha kan zawt e.

DEPUTY SPEAKER : Zawhna neitu bakah pakhat kan phal thin a.

Pu K.S. THANGA : Pu Deputy Speaker, a bialtu ka nih angin zawhna kha ka zawh ve a thiang lo ami ka ti deuh a.

Pu Deputy Speaker, ka lawm e. Tunah khan Farkawn bialtu zahawm takin zawhna arawn zawhah khan South-III bialtu MLA te pawh inrawlh angin (Pu B. Lalthlengliana) Pu Deputy Speaker, Farkawn bialtu ka ni lo) East Tuipui mawle, ka ti sual palh ani e.

DEPUTY SPEAKER : Kan Member-te hian bialrawn mention kher kha in tum thin a. Kan Member zahawm tak chumi khami chuan ti mai ula, kan bial hi a hming an thlak danglam hian kan la master lo hlawm niin ka hria a. A dik lo kan sawi zauh zauh thin a, kan fimkhur dawn nia.

Pu K.S. THANGA : Ka zawh duh chu Pu Deputy Speaker tunah khan eng emaw figure rawn ziah chhuah, rawn sawi chhuah te kha an nei a. Amaherawhchu, complain a awm a nih chuan, BDO ah ziakin report thehluh a ni ang a. Thil diklo a awm a nih chuan B.D.O in a tul angin Police ah, NREGS danah hian chutianga tih tur chu a ni a. MNF worker, mipuiten an rin tawh loh vanga an hnawltawh, chutianga bial hmasawanna daltu ten V.C ten tha an tih a, tha taka hna an thawh, an thawk thalo ani tih official lama sawi ngam si lo a, dawt a Party hmui dawthei ten a, an zawhna dawta an rawn puhna kha, House hian thu taka lak tlakah a ngai em ? tih ka zawt a ni.

SPEAKER : A chhang turin Minister incharge kan sawm ang a, amaherawhchu kha han chhan theih lem loh chi te pawh an zawt a, a thiam ang angin han chhang teh se.

Pu R. LALZIRLIANA, MINISTER : Pu Deputy Speaker, NREGS kan tih hi sum a tam a, inhlawh na ah pawh hian tun hma pawh khan buaithlak a awm thin a, heng zawng zawng hi tun thla sawm panga chung hian kan siamtha theilo a nih pawhin, mipuiin min thiam thawkhat; mahse siamthat chu kan tum tho. Tunah hian Pu Thlenga, MLA zahawm takin a bial lam chungchang a sawi te kha a hranin information kan la dawng hauh lo a, a duh angin kan chhang theiin ka ring lo a. Amaherawhchu, khawtlanga V.C enkawltute hian khaw tam tak ah inhriat thiamna hmangin assets siaman duh a, kawngpui tak tak siamte an duh a.

Pu B. LALTHLENGLIANA : Nichin khan ka sawi a DLAO ah hekna thehluh vek a ni a, mahse DLAO atangin a chhuak theilo a ni.

Pu R. LALZIRLIANA, MINISTER : Khati lai kha chu i rawn chhang deuh tawh a, tuna ka sawi kha chu rawn chhang la a awm tho a. Amaherawhchu ka sawi tum a chu, khaw tam tak hian JCB te danlo angin kawng lian tha zawk leh hlawk zawka pawisa hman an duh avangin an ruai a, hei hi hriat loh der thin a ni a. Dan ang chuan phal a nilo a ni. Amaherawhchu, kawng tha zawk emaw, playground puitling zawk emaw kan neih theihna a nih phawt chuan, thil tha lam Zofaten tan kan duh avangin heng hi kan tih tir thin a. Chutianga chuan khawkar kawng te pawh hi pawisa tel lovin tuman an sat peih tawh lova, hna tlangin an sat peih tawh lova. Tunhma chuan V.C an au a, hnatlangin kan sat mai thin a ni a. Tunah chuan sum a ngaih vek tawh avangin heng kan V.C-te pawh hian heng khawkar kawng chei nante an lo hmang anih chuan thil sual lutuk turah ka ngai lem lova. Amaherawhchu, sum kha la bang hnem lutuk anga sawi kha a dik a nih chuan khatianga ang kha anmahni contract thawh tur leh an

hlawkna tur atana Sorkarin NREGS hi a pek a ni lo tih erawh chu an hriat a ngai ang a, hrih hriat te pawh an tulin ka ring.

Tin, Aibawk lama thil thleng kha chu a hmunah te pawh kan lo tir ang a, kan Sorkar hnathawkte dik lo taka thawh hi kan hlauh ber a ni a, dik lo taka thawhna hnuaiyah hi chuan hmasawna kan nei dawn lo reng reng a. A thu hrim hrimin V.C ten dik lo taka thil an tih hi Central Sorkarin an hlau em em a. Chutiang chiah chuan helai Sorkar pawh hian a hlau ani. Tichuan, NREGS hnuaiyah dik lo taka thawktu te chu NREGS hian Act a nei a, 2005 Section 25 ang in dik lo taka thawkte chu cheng singkhat chawitir theih a ni a. Tin, FIR te pawh theh luh theih a ni a. Chutiang chuan, heng dik lo taka thawktute hi hrem theih a ni. IPC dan ang pawhin hrem theih an ni tih kha kan hriat a pawimawh a. Ruling Party tam tak hian ruling party an nih avanga dik lo deuha sum hman tumna hi khawi maw lai laiah a awm thei a ni, tunhma atanga thil kal tawh thin a ni. Hei hi a bialtute, Minister lam atang te a ngaihnathiamna a lo awm hian kha thilah chauh ni lo, thildangah pamhamna hei hian a hring chhuak thin a. Hei hi thil paw tak a ni. Chuvang chuan thil dik lo laite a awm a nih chuan heng hi siamthat kan lo tum ang tih kan hrih duh ani, bialtu MLA zahawm tak Pu Thlenga te, Pu Ramhluna te leh midang te pawh kha.

DEPUTY SPEAKER : Starred Question No. 83 zawt turin Pu K. Liantlinga i lo sawm ang.

Pu K. LIANTLINGA : Pu Deputy Speaker, Ka lawm e. Hon'ble Planning & Programme Implementation Department Minister ka zawhna, Starred Question No. 83 chu hei hi a ni e.

- a) Kum 2009-10 budget a NLUP sum crore 165 dah kha hman a nita silova, thildang tihnan hman a ni em ?
- b) Hman a nih chuan eng department ah te nge divert a nih ?

DEPUTY SPEAKER : A chhang turin Pu R. Lalzirliana, Minister, House Leader aiawhtu ilo sawm ang.

Pu R.LALZIRLIANA, MINISTER : Pu Deputy Speaker, M.L.A zahawm tak Pu K. Liantlinga zawhna chhanna chu crore 105, 2009-10 dah angin a rawn sawi a, hei hi a ni lova, crore 100 zawk a ni a. Crore za pawh hi a hmanna tur a remchan rih loh vangin pawimawh dang atan hman a ni tih kha a chhanna a ni a.

Tin 'b' na hi, NLUP sum dahna, Agriculture Department atangin heng department ah te hian re-allocate a ni. Agriculture department normal scheme ah, tlem dah a ni a, Horticulture, Animal Husbandry & Veterinary, Soil Water Conservation, Trade & Commerce, Rural Development, Public Works, R&B, Transport, Industries Power & Electricity department, Tourism, CADC, LADC, MADC, School Education,

Higher & Technical Education, Sports & Youth Services, Health Services, Public Health Engineering, Police Housing (Home), Urban Development & Poverty Alleviation Department, Public Works Department ah te hian dah a ni.

DEPUTY SPEAKER : Zawhbelhna Pu Lalduhawma

Pu LALDUHAWMA : Pu Deputy Speaker, ka lawm e. Tuna Minister zahawm takin Rs 100 crore kan Current Financial Year a awm an hmanna break-up kha a zat leh an hman te nen min pe thei ang em ? Tin, NLUP sum hman ban ala awm chuan chu pawisa bang chu a lapse mai dawn nge revalidate theih a ni nge, expenditure anga show a ni dawn nge, hman bang a awm loh chuan a tul lo ani mai a, kha kha ziakin minrawn pe thei ang em tih ka zawt a ni.

Dr. R. LALTHANGLIANA : Pu Deputy Speaker, kan zawh belh lawk teh ang hei ruling party in a flag shipped programme pawimawh tak mai NLUP hi a neih a ni a. Tin, Session hmasa te pawh khan phur takin keini pawhin mipui pawisa tur liau liau anih na bik zawn ah leh mirethei te dawmkanna tur a ruahmanna ani a khalampang in a an sawi thin kha ani a, kan ngai pawimawh a. Chutiang chuan lungrual tak khan kan passed a. Amaherawhchu, hetiang a vaibelchhe 100, nuai sing tel anih dan tur ang ni lem lova kan kalpui mai mai thin hi kan pawisa ruahman dan a hi ava fel lo ve mawle. Hetiang hi tun hnu ah chuan awm tawh lo sela. Awm tawh lo turin, pawh darh mai mai loh turin Sorkar hian hma ala thei em ? tih hi ka zawt duh a ni.

DEPUTY SPEAKER : Aw le, Pu K. Liantlinga kha a zawhna neitu a ni a, kan ko leh ang. A bak chu zawh belh tawh lovang.

Pu K. LIANTLINGA : Pu Speaker, ka lawm e. Hei NLUP kha phur takin 2009 October khan passed a ni a, 2009 kan phurna chhan kha Mizoram policy ah adopt a nih vang a ni a, Congress kha kan phurpui a ni lova, Mizoram mirethei, miharsa te chhanchhuahna tura Sorkar Policy anih vang zawk kha a ni a. Chutah chuan eng vangin nge thla sawmpanga 15 chhung hian hetiang programme an peih theih loh ? tih kha ka zawhna pakhat ah chuan nisela. Tin, helai ah hian expert an awm lo nge ni a, an thiam lo nge ni a, eng nge ni tih kha chiang taka min chhang turin ka duh a. A chhan chu Central ah pawh five year plan te a awm a. Hetiang chhung hian Central Sorkar meuh pawh khuan ruahmanna a siam ang hi chu kum khat chu sawi loh thla thum chhung hian implement turin programme an siam a, fund te pawh hi an hmang chhuak nghal zung zung thei bawk a ni. Chutiang a nih laia, keini Sorkar India ram State ah pawh State te ber te zing ami te hian hetiang hi kan hman theih loh ? Kan hmanhmawh vang ni lovin kan Government hi a inefficient em tih kha ka zawt a ni ?

DEPUTY SPEAKER : A chhang turin Minister aiawh tu kan sawm leh ang. Mahse member zahawm tak ten in lo hriat atan a changtu Minister tak

anah loh vangin in duh angin a chhang thei lo a nih pawhin in lo hre thiam dawn nia. Pu R. Lalzirliana i lo sawm ang.

Pu R. LALZIRLIANA, MINISTER : Pu Deputy Speaker, ka lawm e, MLA zahawm tak Pu Lalduhawma zawhna kha a break-up department kan semna zawng zawng kha ziaikin ka pe thei a, tunah pawh a duh chuan ka sawi mai thei a, a ziaik i duh tawh mai a, a lawmawm e. Tichuan a hman loh nuai 400 leh tlem kha chu tunah hian hman tura buatsaih mek a ni a. Vety kan tih ang chi ah te ar leh vawh, bawng vulhte leh Industry te leh khatiang ang eng eng emaw tih theih tur awm ah, chutiang tan chuan tunah hian ruahman mek a ni. A dang department semna kha chu nakinahrawn sem nghal kan tum ang e. Tichuan

DEPUTY SPEAKER : NLUP scheme hnuaiyah zawk a ni pek an tum tawh ni.

Pu R. LALZIRLIANA, MINISTER : Ni e, NLUP scheme hnuaiyah vek management tih ang chi te, i duh chuan kanrawn pe ang, a theih vek, zep ruk leh eiruk kha a awm lo a nia. Pu Deputy Speaker, MLA zahawm tak Pu Thangte an hemi crore 100 lai kan lo pass tawh han sem darh leh ringawt mai kha a tih chi loh a ni a tih kha, ni e, kan duh dan pawh a ni bik chiah lova. Amaherawhchu, NLUP hlawhtlin ngei ngei kan duh a, chutiang kan duhna lam ah chuan sem sawk sawk ru cheng nuai khat chu han tih ang chi a kha thil tih hleih theih loh ani a. A scheme te fel taka ruahman a ngai a. Chu vang chuan, hei hi a nih na tura dah kha kan ti hman ta lova. NLUP hi kan sem hman ta lova. NLUP atana dah ngawr ngawr ringawt a kha a tul hranpa lova. Sum lo la kal leh tur, Central in Planning Commission in a aia tam zawk daih min pe leh dawn tih confident kan neih ngam avangin, kan neih ang chiahin tunah pawh hian minrawn pe leh ta a ni a. Chuvang chuan, department dang indaih lo tam tak an lo awm avangin, hei hi tangkai zawk a hman a ni tih kha kan sawi duh a. Tin, NLUP hi zawhna neitu Pu K. Liantlingarawn tih ang khan nikum March thla ah kan pass lova. A original zawhna ah hian arawn hre sual deuh hlek tawh bawh a, zawh belhna ah pawh hian a hre sual deuh hlek niin ka hria a. October zawh ah khan Budget Session kan nei a. kha tah khan kan Pass kha a ni a. Engpawh nise, kha lai kha chu khatiang ang taka thil pawh a ni chuang lova.

Engvangin nge hetiang ang hi an tih theih loh tih kha, a chhanna ah chuan kum 2009-2010 chhunga hman tur Sorkarin NLUP ah crore 100 a dah ngei a. He NLUP implement tur hian implementing Board pawh din nghal a ni a. Chutah chuan Board chuan Zoram pumpuia YMA te tanpuina in Beneficiary thlan tur te a Base Line Survey an nei a. Chung chu duh angin alo fel fai chiah bik lem lova. Heng te pawh hi helai atanga kan hriat emaw, kan tih kha NGO-te pawh in an hnathawh-te pawh kha an lo hre Chiang chiah bik lem lova. Chuvang chuan, khang te kha siam that an ngai phawt a.

Tin, NLUP in a tum ber hi kuthnathawk tute nitin tha hi asset a siam nana hman ngei hi ani tih kan hria a. Chuvangin, thingtlang lo nei a an thawh chhuah aia a let tam taka he NLUP hmang hian hlawkna an hmuh kan duh a ni tih kha kan han sawi

leh duh a. Chutiang chuan chhungkua nuai khat chuang zet hi eizawna ngel nghet siam sak tur a nih avangin plan siam thiam a tul hle a. Anmahni a an tih mai chuan an hlawhtling leh lo vang tih kan hlau va, an thar chhuah lakkhawmna turte, kalkawng siamna turte leh a hralhna tur lam thleng a ngaituapui a ngai a ni. Kan MLA zahawm tak tak ten in duh ang kha kan rilru pawh a ni a. A pawng a taka rethei zawkte hnen a heng sum hi sem tur a ni lova, NLUP hlawhtling zawk a kan tih theih nan chuan tlema rethei chung deuh, rethei ve tho si te pawh hi kan sem tel a ngai in kan hria a ni. Kan ram leilung, sik leh sa mila a chin turte, a climate awmzia hrang hrang atanga an chin tur te kha tih chhuahpui an ngai ta a. Chutiang a nih lai chuan kan han thlan tir a, kan thlan tir kha an ram leilung mila tha tur Horticulture te, Agriculture mithiam ten an han sawi chhuah pawh duh tawk lovin, kha ti lo lam, inlum atanga tih theih chi, kan lo pe lak lawh tawh nge, kan rethei lutuk ka hre lova, chutiang ang chuan Ar leh Vawk te kha a tam ta lutuk a, hei hi hlawhtling ngei se kan zavaia kan duh angin tih that leh a ngai ta a ni. Ti tha tur chuan Sorkar thil alo ni ve tawh a file kal chhungte pawh a rei a, kan hman ta lo a ni tih kha ka hrih duh a. Kan Prime Minister-te, India ram Planning Commission member zahawm tak tak te pawh hian he thil hi ngaw siam leh na tur te, Forest Station atana thil tangkai a ni tih an hriat avangin min phurpui a, Mizoram ah mai lo pawh kan DPR, kan scheme-te an han en in tuna kan han tih thar leh ah hian India ram State tam zawk pawh hian Introduce ve se an duh hial ni pawhin kan lo hria a, chumi avangin kan DPR hmasa ah kha chuan crore 2250 bawr vel kan beisei lai in tuna min final review chu crore 2900 lai kan nei ta hi alawm kan ti a. Chutiang chu kan hman loh chhante a tlangpuia kan chhan theih chu a ni e.

DEPUTY SPEAKER : Awle, Starred Question No. 84-na zawt turin Pu Lalthansanga i lo sawm ang.

Pu LALTHANSANGA : Pu Deputy Speaker, ka lawm e. Public Works Department changtu Minister zahawm tak chhan atan ka Starred Question No. 84-na.

- a) Keitum to Artahkawn NEC road Black Topping mek hi eng hunah nge peih fel a nih theih ang ?
- b) Agreement siam ang in thawh zawh hman a ni angem ?
- c) Khankawn to Lungchuan PMGSY road hi engtiang a thui nge ?
- d) Estimate engzat nge ?
- e) Eng hun chhunga zawh tur nge ? tih ka zawt e.

DEPUTY SPEAKER : Pu R. Lalzirliana, Chief Minister aiawhtu ilo sawm ang.

Pu R. LALZIRLIANA, MINISTER : Pu Speaker, MLA zahawm tak Pu Lalthansanga zawhna chhanna :

- a) January 2011 ah hian zawh tum a ni.
- b) Nilo ang.
- c) K.M 4 a thui a ni.
- d) Estimate chu Rs 262.34 lakh a ni.
- e) Contract agreement ang chuan September 2010 a zawh tur a tih ani.

DEPUTY SPEAKER : Zawhbelhna Pu Lalthansanga

Pu LALTHANSANGA : Pu Deputy Speaker, Ka lawm e. Keitum to Artahkawn Black Topping mek kha Km 4 ti khan a sawi a. Hei hi nge ni a, Khankawn to Lungchhuan hi, a sawisual em ni aw ka ti deuh hlek a. Zawhna pahnih a ni a.

Hei Keitum to Artahkawn NEC fund atanga Black Topping hian Work Order hi 5.10. 2006-a pek tawh a ni a, a zawh hun tur hi March, 2008 a ni a. Amaherawhchu, tun thleng khian la tih loh a ni a, tlemte an ti a. Tunah khian Khawlailung khawlai an ti a, an tawp leh ta a ni a. Chutiang chuan khi hna khi chhumbung deuh maia thawh a ni a. Hei Tlumte thlira kan lo thlir a ni a, crore 29.8 a ni a sanction pawh kha. Tin, Pucca side drain pawh hi awm tur niin a lang a, Khita khawih khi a rem chiah si lo a, Khitiang te pawh khi a specification hi chiang deuh hlekin ziakin emaw, hna hi 2011 chumi thla tih ang deuh khan min hrilh thei em ? tih kha ka zawt duh a. Extention of time kha eng chen nge pek a nih ?

Tin, Khankawn to Lungchhuan PMGSY road hi 2009-2010 ah khan PMGSY Scheme hnuaiyah tih a ni a. Chumi a a landan chuan Chekawn to Lungchhuan tih a ni. Khankawn to Lungchhuan ni loin Chekkawn atanga Khankawn hi Km 17 dawn emaw niin ka ring a, ka sawi sual loh chuan Khankawn atanga Lungchhuan hi chu Km 4 emaw vel a ni ang a, hemi work order an neih dang hi a tang ta daih mai a. Chekawn to Lungchhuan tih tur ni awm tak kha Khankawn to Lungchhuan an ti a. 2009-2010 PMGSY Scheme hnuaiya he project an neih hi a dik ta lo em ni aw ? tih turin. Hei hi min hrilhfiah thei em ? tih kha kan zawt duh bawk a ni.

DEPUTY SPEAKER : Ka sawi tawh ang khan changtu Minister tak a awm loh avangin, aiawhtu tan pawh a har mai thei a. A zawttu kha a chiang zawk mah mah hmel niin a lang a. Eng pawh nise a chhan theih ang ang chhang turin Pu Zira i lo sawm ang u.

Pu R. LALZIRLIANA, MINISTER : Pu Deputy Speaker, Pu Sangtea kha helaiah hianin Khankawn to Lungchhuan tih a ni a. Khankawn to Lungchhuan tih ni loin Chekawn to Lungchhuan kha ni zawk awm tak a ni 4 Km kha. Engpawh nise a Km ah kha chuan han buai lo phawt mai ila. Contract hna reng reng hi rin aiin a har a. Hengte pawh hi POL te an lo harsa a, Tin, lung thilah hian a lo harsa em em a, churang chuan a hun taka an zo thei lo hi a department lam pawhin pawin an ti a, nawr ve reng a ni. Churangin tunah hian engzat nge extention of time a neih chu information kan

dawng rih lo a, kan MLA zahawm tak kha department lam te pawhin an lo hrih thei turah ngai ila.

Pu LALTHANSANGA : Pu Deputy Speaker, Keitum to Artahkawn Black Topping extension of time zawk hi a ni a ka zawh ber a chu. Khankawn to Lungchhuan Black Topping hi chu thawh tan mek a ni. Pu Deputy Speaker, tawngkam hnihkhat leka kan sawi duh chu. Hemi Black Topping har lutuk khian Public health a disturb nasa em em a. Nausen nisela, hritlang awmna in Aizawl ah te, Serchhipah te an lo kal a; tin, puitling nise hna an thawh loh phah a. Khi khian an economy ah nasa takin set back a siam a. Chu chu kan hmanhmawhna em em pakhat a ni a, thui se chu thu hran deuh a ni a. Chuvang chuan extension of time kha eng kha nge tih kha ka hre duh deuh a.

DEPUTY SPEAKER : Nakinah demand lam zawng kha chu in la sawi ang a. Tunah chuanin a zawhna lai teah khan.

Pu R.LALZIRLIANA, MINISTER : Pu Dy. Speaker, Kan tanpuive hial zawk teh ang. Kei pawh khatiang a harsatna kha, Saitual ka bial ah te pawh khian kan tawk nasa khawp mai a. Kawng bula in nei chu, kawngka an hawng thei lova. Tin, an hawng ngam bawh lova, hrisel lo in hritlang awmna khi a tam phah lutuk a, ti thuai thuai turin kan ti a, an ti hlei thei lova, chuvangin Pu Lalthansanga kha a zawhna kha kan zawhpui anga. A rang thei ang berin heng hi full swing a ti turin kan ngenpui a nge. Chu chu i duhtawk mai ang.

DEPUTY SPEAKER : Contract hna hi a hun takah an zo lova, heng hi kan ram hian a buaipui, kan Minister zahawm takin a tih ang deuh khan kei pawh chair atang hian kan bial chung Mamit to Bairabi kawng khuk zia te khu a zawh hunah zo selang chuan a khu lo tur a ni kan department lam te pawh an tan deuh a ngai a nih chu. Le, Starred Question 85-na, Pu Lalduhawma zawt turin i lo sawm ang u.

Pu LALDUHAWMA : Pu Deputy Speaker, Industries department Minister chhan atan MLA tan an bial a sem tur Puanthuui khawl, Mistiry bungrua, Thirdeng bungrua ang te kha engatinge a awm tak ngai loh tih a ni e.

DEPUTY SPEAKER : A chhang turin Minister Pu S. Hiato Industries department i lo sawm ang.

S. HIATO, MINISTER : Pu Deputy Speaker, Member zahawm tak Pu Lalduhawma zawhna chhanna chu -

Mizoram Annual Plan Budget hi pung bawk mahse, Industries Department Budget hian tlakhniam lam kum 2008-2009 atang khan a pan zel a, Grant-in-Aid atan pawisa a awm loh vang a ni.

Pu Deputy Speaker, ka sawi belh duh chu, Mautam a thlen dawn avang khan mipui hnena tam chhawmdawlina tur lam hawiin Budget siam ni rawh se tih a nih avangin, tam chhawmdawlina atan khan min cut ta a. Tunah hian kum hmasa lam a kan hmuh aiin tlem plan sum (nuai 400-ai tlem in) kan hmu ta a. Tam la awm zel anga kan kal avang hian pek belh kan nih loh avangin hemi grant hi kan nei tlem niin a lang a ni.

DEPUTY SPEAKER : Zawhbelhna Pu Lalduhawma

Pu LALDUHAWMA : Pu Deputy Speaker, hma kan sawn zel dawn emaw han tih lain , Budget a tlem ta tial tial mai leh tunhma MLA ten kan bial mirethei eizawna atana kan pek thin te thlenga tihtawp a ni ta zel mai hi a lungchhiat thlak ngawt mai. (Deputy Speaker Tukin chu kan mike hi a chiang lova, zingah pawh khan kan lo lut tlai thelh a, an siam mek a, a rawn tha leh mai ang chu maw.)

Pu LALDUHAWMA : Heng hi kan bial chhunga mipui rethei tak tak te chanpual a ni thin a, khang chhe te te an dawn avang-a chhungkua lo in tungnung ve hram hram tam tak veng tinah kan nei theuh a. Department sum a lo tlahniam deuh a nih pawhin miretheite hrut zawnga tlakhniam tir kha a dik dawn em ni ? Mipui zinga a rethei berte chanvo tam tham pawh ni lo hi chu ngaihtuah that dan a awm hram lo maw tiin ka zawt nawn duh a ni.

Pu NIRUPAM CHAKMA : Pu Deputy Speaker zawh belhna Industry department hi nichina MLA zawhna bungraw sem chungchang kha NLUP hnuai trade te hi Industries Department hian a nei ve dawn a. Chuvangin Mistiri bungrua te, Cement machine te a insen kha awmzia a awmlo a ni. NLUP ah a lut vek dawn si a, a hranpa a tih a ngai tawh lo. Tun thleng hian kan Minister hian tul ala ti em ni ?

DEPUTY SPEAKER : Minister ilo sawm ang.

Pu S. HIATO, MINISTER : Pu Deputy Speaker, Member zahawm tak Pu Duhawma sawi kha a dik a. Hmasawn zel tur kan nih laiin khawi trade-ah te emaw chuan kan lo hniam bik nate a awm thei a. Mahse hmun tam takah, Industries-ah pawh hian hmasawna te kan nei a. Hei Handloom-ah pawh kumin ah hian Central atangin nuai 52.45 te pawh kan han hmuh belh a. Chu chu inhriat atan ka duh a.

Tin, Chawngte bialtu MLA sawi ang khan kumin NLUP ah hian Industries Department atang hian trade 28 vel pek tur kan nei a. Tah chuan Puanthui

khawl tih te, Mistiri te kha an thlan chuan NLUP atanga cover tur tho kha a ni a, a tam zawk hian. A chang duh, a mamawh tak tak te hi chu a cover theih kan ring a.

Tin, kei pawh application ka hmuh tam ber hi Puanthui khawl te, Mistiri bungrua te, thir denna tur te hi a ni a. Mahse provision kan neih theih tak loh avang hian kumina kan pek theih loh tur thute kan lo hrih a. Mipui an beidawng em em a, pawl kan ti a. Amaherawhchu, Sorkarin heta MLA zawng zawngin an ngaipawimawh anih chuan remchang dapin revised estimate ah kan lo ngaituah ang a, Finance lam pawhin tlawm an ngai ang a, kan mamawhte min hriatpui turin kan beisei a ni.

DEPUTY SPEAKER : Awle zawhbelhna (vawi khat) kan pawm leh ang.

Pu LALDUHAWMA : Zawhbelhna, ka lo hriat thawi danin NLUP ah heng trade te hi telh anih dawn avangin heng scheme lo awm sate hi tihtawp a ni tih thu ka hre tlat mai a. Heng mirethei chanpual hi NLUP a awm hma daih atanga kumtin a awm thin kha a ni a, NLUP a awm ta cheng a tih belh ahneka tihtawp tak daih kha a va fel love, NLUP avangin tih tawp a ni ta tih hi a dik em ? tih ka zawt duh a. NLUP sum a dawng tu tur ten an nghahhlel em em lain Sorkar in a sem hman lo ti siin, a beneficiary-te kuta lut miah lo tur zawng in PWD ah te, Electric Department-ah te Transport Department leh a dang dangah an divert hman bawk si a. Industry department pawhin NLUP hi a sum hi a dawng ve tho si a, programme awmsa tibuai lo hian a kalpui theih mai lawm ni. ?

DEPUTY SPEAKER : A changtu Minister sawm ila, kha kha zawhna ah chuan duh tawh ang.

Pu S. HIATO, MINISTER : Pu Deputy Speaker, ka sawi tawh ang khan 2006-2007 ah khan nuai 1904, kan hmu a. 2007-2008 ah nuai 1255.85 ah kan tlahniam a. Tin, mautam a nih khan 2008-2009 ah hian nuai 1357 ah min dah ta a ni ? Adhoc Grant-in-Aid ho tam tanpuina tur lama kal tur a nih avangin pek tlem a ni ta a. Kumin ah hian khami kalzel avang khan Rs 1318 lakh chauh kan hmu ta a. Chuvang chuan mirethei puanthui khawl te, Mistiri bungrua te kha kan sem thei ta lova, pawl kan ti hle a. Tin NLUP chu an thlan chuan lehlamah chuan Grand-in-Aid hi tih tawp hmak ni lovin NLUP hnuai trade zingah tailoring te, knitting te, mistiri te, carpentry te an thlan chuan NLUP atang pawh khan an hmu ve dawn a ni tih kha ka sawi tum zawk a ni.

DEPUTY SPEAKER : Awle Starred Question 86-na zawt turin Pu K. Liantlinga i lo sawm ang.

Pu K. LIANTLINGA : Pu Deputy Speaker ka lawm e, Minister Sports & Youth Services Department chhan atana ka zawhna chu :

- a) Mini Sports Complex Pitarte tlanga sak hi Central atanga sanction hi hmuh kim a ni tawh em ?
- b) Hmuhkim nise engtikah nge zawh fel a nih ang ?
- c) Rajiv Gandhi Stadium sak na atan hian sum engzatnge hmuh anih tawh ? tih a ni e.

DEPUTY SPEAKER : Chhang turin Sports & Youth Services Department changtu Minister ilo sawm ang.

Pu ZODINTLUANGA, MINISTER : Pu Deputy Speaker, Aizawl South-I bialtu member zahawm tak zawhna chhanna :

- a) Mini Sports Complex Pitarte tlanga mi hi Ministry of DoNER in cheng nuai 1359.52 a rawn sanctioned a, heta tang hian 1st installment ah Rs 410,90,000 a rawn released tawh a, tunah mai khan Rs 506,50,000 a rawn released leh a. State share hi Rs 45,60,000 a rawn released a, a vaiin nuaih 963.06 hi hmuh tawh a ni.
- b) Pawisa hi hmuh kim anih chuan thla 18 chhunga zawh tum a ni a. Target ang chuan Sept. 2010 a zawh tum a ni.
- c) Rajiv Gandhi stadium atang hian 12th Finance atangin 25 crore hi award kan ni a. Heta tan hian vaibelchhe 10.69 hi thu a released tawh a ni. Rajiv Gandhi Stadium hi engatinge Mualpui ah in sawn a min ti a, mualpuiah ? 12 Finance Commission in pawisa min pek hi hman hman loh kan hlau a. Assam Rifle Ground ah khan sak phalna a la awm silova, tunah pawh hian Pu Deputy Speaker, PWD Department changtuten theih tawp an chhuah a. 12th Finance Commission hi tun March thla hi a tawp hun a ni tawh si a, pawisa bang kan thawhna ang zawng zawng hi tunah Delhi ah te chenchilh in hemi buaipui tur hian an awm mek a ni, tih kha kan sawi tel duh nghal a ni e.

DEPUTY SPEAKER : Zawhbelhna Pu K.Liantlinga.

Pu K.LIANTLINGA : Pu Deputy Speaker ka lawm e. Tuna kan Minister in a rawn sawi ang khan, nizan khan lehkha ka hmu chiah a. Central Sanctioned leh State share sanction-na letter kha min rawn pe a, a lawmawm ti mai ila a ni mai awm e. Hemi ka zawh lai hian ka hriat loh avangin nizan ah ka dawng a. Tin, kan zawh belh duhna chu, Rajiv Gandhi Stadium chungchang ah hian a estimate hi crore 132 vel niin ka hria. Kha kha a contractor hian a thawk zel dawn nge thawk zel dawn lo ? Lammual ah khan Crore 25 tender kha a niin ka hria a. Tunah kan hriat ang khan helai House ah pawh sawi a ni a. a thawktu tak contractor hian thawk lovin Sub-Contract in

midang a pe niawmin kan hria a ni. Crore 25 chauh kha Ministry hmasa ah khanin contractor in a chhanna kha niin ka hria a. Ka hriat sual loh chuan, chuvang chuan thawk chak zawk tur leh hma la chak zawk turin Contractor hi thlak tumna a awm em ?

DEPUTY SPEAKER : A chhang turin a changtu Minister Pu Zodintluanga i lo sawm ang aw.

Pu ZODINTLUANGA : Pu Speaker, kan MLA zahawm tak khan keini aiin a lo hmu hmasa zawk a 2nd Installment tih leh State Share tih kha. Hei keini pawh tukin ah kan han zawng chawp ve a, kan han zawt chawp chilh a ni a. Kha kha House ah kan sawi chhuak duh a ni Pu Deputy Speaker.

Tin, Contractor chungchang kha he Contractor hi 1st phase tan chauh a tih a ni a. hemi a zawh a pawisa dang te kan hmuh chuan, a thawk chhunzawm tur a chu Sorkarin ala ngaihtuah ang a, an lo thawk tha viau a, thawk chhunzawm tur tih te a nih chuan nakinah an thawh that dan a zirin ala ngaihtuah anga. Tin, an Contractor ten a Sub-Contract a an pek leh pek loh chu Pu Deputy Speaker keini chuan Contractor in a hna thawh chungchangah a thawh that leh that loh te kan en a, a nawr pawh kan nawr nasa, a Department ang pawh in an tang a, an ven chilh nasa a. Khami Sub-Contractor te nena an intih thiam leh thiam loh a kha chu Sorkar ang chuan kan hriat puilo a ni e.

Pu B.LALTHLEGLIANA : Pu Deputy Speaker ka zawhna No.87 PWD Minister zahawm tak chhan atan. a) Khankawn to Khuangthing hi PMGSY hmanga laih tlang tumna a awm em ? b) Awm ni se engtikahnge ? c) Farkawn te Khankawn PMGSY kawng laih zawh tawh BRTF kuta hlan tumna a awm em ? d) Awm nise enge a chhan leh a pawimawhna.

DEPUTY SPEAKER : A chhang turin kan Chief Minister aiawhtu Pu R.Lalzirliana i lo sawm ang u.

Pu R.LALZIRLIANA : Pu Deputy Speaker, MLA zahawm tak Pu B.Lalthlengliana zawhna chhanna chu –

a) Khankawn te Khuangthing hi PMGSY a laih tlang tumna tunah hi chuan a la awm lo, tih a ni.

b) Farkawn te Khankawn PMGSY kawng laih zawh tawh BRTF kuta hlan tumna a awm em ? tih hi “Awm e” tih a ni.

c) Awm nise enge a chhan leh a pawimawhna tih chhanna chu – BRO ten long term plan of priority I General Staff Road hnuai develop turin an dah a, defence atan a pawimawh avangin hlan tum a ni, tih a ni.

Pu B.LALTHLEGLIANA : Minute tlemte chauh a awm tawh na a, Khankawn te Khuangthing hi kawng pawimawh tak a ni a. Khualzin veivak te tan phei chuan Khankawn atanga Farkawn lam kal dawn chuan, hetah Samthang lamah, chuan Vaphai ah, Farkawn a luh a ngai a. Chutiang chuan Farkawn atanga Khuangthing pan dawn chuan kual deuh maia kal a ngai a, Sairawkherh kual deuh ai hian a la kual zawk tih tur a ni. PMGSY danah khan mihring 250 awmna chin chu kawngpuia laih tlang vek tur tih a nih vang khan Khuangthing atanga teh emaw, Khankawn atanga teh emaw pawhin a theih ve ve avangin PWD Minister awm lo mahsela a aiawhtu Minister zahawm takin ngaih pawimawh hmasakah min neihsak sela a tha in ka ring a, khualzin veivak te tan, chubakah tuipei Mini-Hydel Project tih mek anih avangin khimi atan pawh kawng pawimawh tak a nih dawn avangin hei hi min ngaih pawimawhsak thei ang em? tih kha kan zawhbelh zawk ani.

DEPUTY SPEAKER : Awle, zawhna leh chhanna hun a tawp a. Engpawh nisela Minister in-charge pawh a awm lova, kha kha duh tawk ila. Chhan ni tawhlo mai sela, han chhan em em tur pawh a awm chuang love, min ngaipawimawh thei em? tih kha ani mai a. Thei e, tih kha anih mai hmel a, i duh tawk ang. Business dangah kan kal chho ang a, chumi hma in hei kan Member vawiin a lokal thei lo kan Chief Minister Pu Lal Thanhawla chu Delhi ah ala awma, tin, Pu R.Lalrinawma pawh Delhi ah Meeting pawimawhah a kal dawn a; tin, Pu Robiaka pawimawhna hmun dangah a kal bawk a. Tin, Pu R.L.Pianmawia hi a bial lam ami ten chhiat an tawk a, hengte hi vawiin ah an lo kal thei lo ani.

Awle, tunah chuan Presentation of Report kan ti a, Pu K.Liantlinga Member zahawm takin “The 3rd Report of Committee on Govt. Assurances of 6th Mizoram Legislative Assembly” hi House ah present turin ilo sawm ang u.

Pu K. LIANTLINGA : Pu Deputy Speaker, ka lawm e. Hemi report kan present hma hian tawngkam hnih khat lek sawi ka duh a. Hei Committee on Government Assurance hian Ministry hmasa a pending awm zawng zawng kha kan clear bakah, first session leh second session ami kha kan clear hman a. Amaherawhchu, session 3-na leh 4-na leh tun tum ami hi chu la tih loh ani a, tichuan pending kan nei lova, tichuan Pu Deputy Speaker i phalna leh he House zahawm tak remtihna in the Sixth Mizoram Legislative Assembly Committee on Government Assurance Report 3-na hi he House zahawm tak ah hian ka rawn present e. Ka lawm e.

DEPUTY SPEAKER : Copy kha han sem rawh u le. A copy sem nise. Tunah chuan discussion on Voting on Demand ah kan kal ang a. Minister pahnih Demand kan la ang a. Kan tih thin dan angin kan Minister pahnih-te Demand la kawp mai ila tha kan ti em ? Tha kan tih chuan tunah Pu R. Lalzirliana Minister-in a Demand No. 16,27 leh 38 te hi House ah rawn submit rawh se.

Pu R. LALZIRLIANA, MINISTER : Pu Deputy Speaker, on the recommendation of the Governor of Mizoram and with your permission, Sir, I moved the Demand No. 15, 27 and 38 for Rs 578,60,83,000/- only for meeting expenses during 2010-2011 in respect of the following Department Demand No. 16 Home (including Prison) Rs 332,66,60,000/- Demand No. 27 District Council Rs 137,71,40,000/- Demand No. 38 Rural Development Rs 108,22,83,000/- Total Rs 578,60,83,000/- Thank you.

DEPUTY SPEAKER : Pu R. Lalzirliana'n a Demand House ah a rawn submit a tunah Pu S. Hiato Minister in a Demand No. 25,40 leh 43 hi House ah submit dilve sela.

Pu H. HIATO, MINISTER : Pu Deputy Speaker on the recommendation of the Governor of Mizoram and with your permission, Sir, I submit the Demand No. 25, 40 & 43 during 2010-2011 in respect of the following departments.

Demand No. 25 Water supply & sanitation, Rs 98, 27, 49, 600/-

Demand No. 40 Industries Rs 28,93,47,000 .

Demand No. 43 Tourism Rs 5, 46, 87,000/- Total Rs 1,32,67,83,000/-
Thank you.

DEPUTY SPEAKER : Kan Minister ten House ah an Demand te an rawn submit a. Kan sawi ho kan chhonzawm nghal ang a, minute 10 kan tih thin kha a ngaiin i kal leh mai ang.

Minute 10 den den kan han sawi tan leh ang a, tunge sawi hmasa ang. Chawhma lam ah hian sawi tur hi kan inhmuh meuh thin lova, chawhnu lam ah kan inchuh leh deuh a, kan tlai leh viau thin a, chawhma lamah hian han sawi teh u. Sawi tur kan awm dawn na nge, pass rawn dil mai se, Aw, Pu C. Ramhluna ilo sawm ang.

Pu C. RAMHLUNA : Pu Speaker, ka lawm e, sawi tur ka ngah lutuk lova, churang chuan a hmalam ah kan ding ang e. A hmasa berin Demand No. 16 Home hi kan sawi duh a. Plan – Budget hi kumin ah hian 342 lakhs laiin a tla hniam a, mahse, hei hi chu 20% Plan-size increase ah khan an chingfel turah ngai ila. Home Department hi ka lawmpui a, Hei kawng hrang hrang ah hna an thawk tha viau in ka

hria. Dan leh Thupek chungchang thu ah te, Ram leh Tualchhung vawn fel chungchang thu ah te tan an la nasa a, chuvang chuan mipui tan pawh a thlamuan thlak hle in ka hria a, lawm thu ka sawi a, tin, kan Police Officer ho te tun hma a an huan ah te, in ah te hna an lo thawk thin ni ngei tur ani a, chu chu tunah hian titawp a nita te hi kan Minister chungah lawmthu ka sawi a.

Keimah ni bial lamah kal ta ila, S.P. Office Lawngtlai ah Quarter nen tha deuhin an sa a, a lawmawm hle in ka hria a. Mahse, a awm na hi a hla deuh hlek a, mipui tan pan a har viau mai a, a kawng tal hi ti lian deuh se, Black – Topped tha deuhin tlan zung zung theih nise, ava lawmawm dawn ve tih ka ngaituah a.

Tin, nikum lamah khan ka sawi tawh a, ka bial chhungah Bungtlang ah Police Out-Post kan nei ve a, an khawngaih thlak viau in ka hria a, motor an nei silova, khaw 20 chuang an enkawl a, harsatna hrang hrang an tawh a, kal ve zung zung te an ngai si a, motor kalna tur hi pek theih nise ava tha dawn em, tih ka ngaituah a, kan dilpui a nih chu.

Tin, chu bakah Police Housing ah hian nuai 500 lai mai an nei dawn in kan hria a, heng atang te hian Quarter pahnih khat te chu sak belh theih nise a tha in ka ring a.

Tun hma deuh khan I.R ho hi, Indian Reserved Police ho kha MAP ah engemaw kha an convert a. Kha kha an ti tawp ta daih a. Tu emaw chu kan han dilsak ve na a, hlawhtlin loh kha a tam riau a. Kha kha la hawn leh theih sela, sawnglaia kan bial ho te tan a tangkai dawn riau in ka hria a, ka han dilpui bawh a ni.

District Council chungchang thu ah hian Demand No. 27 ah han kal leh ta ila, nikum ai khan nuai 1840 lain an allocation hi a hniam ta daih mai a. Hei pawh hi 20% Plan Size increase lo awm tur ah hian engemawzat chu pek belh theih nise tiin ka ngenpui a.

Tin, helai District Council ah hian seat hnih min pek belh dawn in kan hria a, tun inthlan hma hian chin fel theih ni sela a lawmawm in ka hria, October thla in thlan hma hian. Tin, Grand-in-Aid an pek thin a hi a hun taka pek a nih thin loh avangin harsatna tam tak an nei thin a, a chhan chu hlawh tlem te te an ni a, chuvang chuan a hun taka pek a nih loh chuan hlawh chungchangah harsatna an tawh a, puk a ngai thin a, heng te pawh hi kan Minister zahawm tak hian min lo en sak se a tha in ka hria.

Tin, an in awm dan hi tlemin a fel hlel deuh in ka hria a, party feeling an la lian lutuk deuhin ka hria. V.C dissolve leh suspend te hi an tam riau mai a, chuvang chuan heng te hi he lampang atanga engemaw ti taka advice te pek a hetiang lampang ah hian an kut hi rang lutuk lo deuh hlek tura ngen nise a tha in ka hria a, Court ah kal a ngai a, Court ah te kan kal a, kan hneh leh si thin a, lehlamah chuan an tan pawh pawisa tam tak sen na a ni a, keini tan pawh ani thova, chuvang chuan hei hi lo enpui nise a tha in ka hria a.

Demand No. 38 ah hian lo kal tai la Rural Development ah hian, NREGS atana cheng nuai sangkhat zakua leh sawm kua leh panga kan dah hi State betting a share tur a nih ka ring a, tichuan a pumpuia kan hmuh tur hi a sang fu dawn in a lang a,

a thlamuan thlak in ka hria a, NREGS pawisa an hman dan hi chianguang deuh hlek a block lampang atanga an tih hi a tul in ka hria ani. Tunah hi chuan thawh tur mumal pawh hre mang lovin V.C ten job card an siam a, pawisa alo thleng a, tichuan mipui an thawh tir a, thawhtur mumal pawh an nei lova tih mai mai a tam viau in ka hria a. Chuvang chuan B.D.O block atang hian NREGS hnuai a an thawh tur, kumkhat chhunga an thawh tur niza an thawk chhuak dawn tih an hria a, kawng laih ani emaw thil dang tih te ani emaw project mumal tak siam a, thawh tir ni sela a tha in ka hria a. Hman ni deuh ah pawh khan monitoring cell te meeting kan neih na ah pawh block khat chuan kawng K.M 170 kan lai te an ti a, nimahse hmuh tur kha a awm lawi bawk silova, khatiang khan pawisa an seng teuh bawk si a, chuvang chuan plan mumal tak, fel tak siam a tha in ka hria a.

Tin, chubakah chuan, ni khatah Rs 103 an hlawh tir niin ka hria a, tunlaiah chuan ni khata cheng 103 in hlawhtir hi chu a tlem tawh deuhin ka hria a, vawksa Kg 1 Rs 160 te alo ni tawh a, vawksa Kg 1 pawh hlawh thei lo kha an ni tawh a, chuvang chuan hei hi tih san deuh atan a tha lawm ni tih te ka ngaituah a. Tin V.C ho hi ka sawi fo thin tawh ang khan, B.D.O office a kalna tur atan te leh thil dang dang atana an kal velna tur pawisa hi NREGS ah hian dah theih dan awm ta se, nikumah khan kan Minister khan kan ngaituah dawn a tiin ka hria a, mahse an lo dah anih pawhin an lo dah tlem deuh anih ka ring a, an in daih lo em em mai a, hei hi tih theih deuh nise tha in ka hria a.

Tin, IAY ah hian pawisa tam tak awm dawnin ka hria a, nimahsela IAY a pawisa kan pek theih hi chhungkaw pakhat tan Rs 35,000 te a lo ni a, tunlaiah chuan, engkim man a to tawh a, hei hi chu a tlem lua deuhin ka hria a. Chuvang chuan housing loan-a an tih ang khan MIG-ah cheng 80000/- a ni a. LIG-ah cheng nuaikhat leh singhni kan tih ang deuh khan IAY-a pawisa an pekte pawh hi khatiang em em in housing loan ang khan sanglo deuh mahsela, cheng 50,000 tal hian tihsan theih nive se ava tha awm e, tih kha ka ngaituah a, chu chu kan dilpui bawk a.

Tin, chu bakah chuan, IAY-a beneficiaries thlan chungchang ah hian BDO-te hian anmahni duhdan ang lutuk hian an thlang deuh hlekin ka hria a, MLA te pawh hi consult ni ve thei ila. A chhan chu kan han zin a, kan han kal a, mamawhtu an tam ve si a, min lo bawhbuai ve lo thei si lova. Kan han zawt a, BDO ten kan thlang tawh a, kan pe zo tawh an lo ti leh mai si thin a. Chuvangin MLA-te hi quota em min pe lo anih pawhin enggemaw ti taka associate ve dan, ruling party nilo mah ilangin ngai pawimawh der ve chu ni ila a tha khawpin ka hria a. Chu chu wawin hian ka han sawi duh bawk a ni.

Tin, Rural Housing atan family 2500 lai mai kuminah hian kan nei dawn a, Rural Housing a nihna ang ngei hian thingtlang lampang bialtu te hi min duhsak bik deuh se thain ka hria a. Aizawl khawpui te chu Rural Housing atana han pekve chi pawh ani lo mai thei a. Chuvang chuan bial 30 vel ah hian, hei hi insem ta ang ilang kan quota-ah in 80 theuh ang te chu neih theih dan kan Minister zahawm tak hian min ngaituah sak sela a tha in ka hria a.

Tin, IWDP-ah hi sawi leh ta ilang, hei Haryaki an ti a. Block hrang hrangah khan an thawk a. Hmanni ka zinna ah chuan kan enchhin a, IWDP-a hnathawh

hi duhthu a sam lo viau mai a. Thlai chi te an sem a, an thlai chi sem hi a nungtha thei tawk lo chi te kha alo ni a, an phun ve na a, a thi vek mai. Khangte kha ni a, hei hi Chiangkuang deuh hlek zawk a, a thawhdan hi Project Director leh BDO atang te hian ngaituahpui sela. Anmahni ngei hi a hmunah va kalin va chian se tha in ka hria a.

Tin, chubakah Civil Works te hi sawi hrehawm nilo se, han sawi ta ila. BDO office leh Project Director office atanga an hnathawk thenkhatte'n an lo thawh te hi a ni duh khawp mai a. Hengho te hi chu IWDP Committee kaltlanga thawh ni thei ngei sela tha in ka hria a. Social Education hnuaiah khaw 110 a awm a, hei hi Community Hall, sakna turte a ni a, bial tinah 2 theuh. Hengte hi chu kan Minister zahawm tak hian min pe thei sela a tha in ka hria a ni.

Tin, BADP leh BRGF hi a nihna ang ngei hian hmang thei ila tha in ka hria a. BADP ah hian ka bial chhungah chuan sawi hrehawm tak tak a awm a ni. A dik chiah chuan Minor Irrigation ah nuai 16-te an han dah tawp a, luiah min han thawh tir a. Meter 30 vel kha an han lai ve leuh leuh a, intake te tak te an siam a, nuai 16 an hmang zo der a. Heng hi Minister zahawm tak hian min lo enpui sela tha in ka hria a. A pakhat, Tuidumzau ami phei chu hmundangah ah divert leh nghal a, Block dang ah leh nghal. Advance in nuai 4.5 kha an lo la tawh bawk si a. Kha pawh kha la adjust loh in a awm a.

Chuvang chuan BADP te BRGF te hi chu, a area a mite ngei hian thawkin a hlawkna pawh tel thei sela tha hle in ka hria. Ka lawm e.

DEPUTY SPEAKER : Nichinah khan kan Member-te hriatthiamna kan puan ah khan telh hmaih ka nei a. Kan Speaker zahawm tak Pu R. Romawia kha a kawng a herh hlauh mai a wawiin a lo tel thei lo tih kha ka lo puang lova, kan puang tha leh ni sela. Tichuan Pu Lalthansangan han sawi ve sela.

Pu LALTHANSANGA : Pu Deputy Speaker, ka lawm e. Hei wawiin ah Demand 6 kan han sawi dawn a ni a, nimin ai chuan a tight lo deuh turah ngai ila.

A hmasa berin Home Department hi han sawi ila. Prison-te pawh tunah chuan tanna, inhremna nilovin zirna hmun, mihring nungchang siamna tur institution atan tih an nita te hi a lawmawm a.

Tin, hei kan Police-te pawh hi kawng hrang hrang ah an fakawm hle mai a. Amaherawhchu duh thawhna hi a na hma hle mai a. Kan chowkidar nau Pu F. Pahnuna huana an vuakhlum tak te pawh kha tun thleng hian la hmuh loh a ni a. Khatiang te pawh kha ka chowkidar nau a ni a, kan hnena awm reng thin a ni a. Chutiang lai te pawh chu rilru ah awm reng chungin kan sawi ani e.

Tin, Guwahati, incident chungchangah khan kan rama thil thleng thin hi a mak hlein ka hria a. Sawrkar hmasa ah khan Vairengte tlangval pahnih-kan Mizo tlangval-te Bagha pheia an thih khan misual, khuti lai vela khawvel thil taka zuk awm khan a hmasa berin a rawn thang a. Chutianga mifello tak mai zuk kal, kut anlo thlak ta ang a kan hriat kha a hnu chuan khatiang a mi tha tak tak mai, mahni chhungkaw

chawmtu, khawtlangah leh vengah pawh mitha tak mai an lo ni a. Chutiang chuan rilru ah he ka biala mi ngei mai Saidingliana Sailo, kum 17 mi an thah hian H. Lalhmingmawia nen, a third member plain mi hi a hming pawh hmanni khan kan Home Minister zahawm tak khan Pu Deputy Speaker, a rawn sawilo lehng hala. An thihna chungchangah hian kan hriat danah chuan documents, diary a awm a, name plate a awm a, chu bakah scorio registration diklo a awm a ni an ti leh ta mai a. Chutianga anlo than lai chuan an ruang lo thlen a an report ah chuan an ruang hmuhna hmun Panikhanti hmunah khan, thisen hi kutpah tiat vel hi a bua a, a bak bua a awmlo a, khami hmuna thi an nih pawh kha an ringlo a ni. A nutei-te a hmuna kal pawh khan an ringlo a ni.

Chuvang chuan kha incidents a kan Statements pek dan leh vawiin a a tute emaw kutthak deuh ten heti laia hnamdang an han ben deuh te khan khuti lampangah buaina awm theih dan hria in, Silchar L.O. chuan, fimkhur rawh u, tiin min rawn alert nghal mai a. Tun hma chuan chutiang chu kan ni thin. Kan Mizo-te engemaw hlek-ah rickshaw fare chungchanga buaina kan tawh pawhin heti lamah hian a hlauhawm ani tih hria in min zah thin ani.

Bamboo dance ti tawh mai ang, Mizo chuan Cheraw kan ti na a, Bambo dance ah chuan world record te kan neih lai khan keimahni nationalism chu vawiin ah hian kan phochhuak a ni lawm ni. Kan lawm a ni, ka member puite pawh kan lawm hle in ka hria. Amaherawhchu kan nationalism a bo dan zawk laia hi zuk ngaihtuah a ngai a. Keini Mizo hnamte hi kan in tan dan leh kan in tih dan tur leh kan than dan hi a chhe tlat mai a ni. Engatinge misual anga heng mite hi an tih mai. Saidingliana, ka bial North Vanlaiphai khua ngei pawh misual anga a thang ta hi keini a bial neitu tan leh a khaw mipui tan pawh hian a na ani. Tlangval feltak, Shillong-ah a awm reng a, inrinni a chhuk tur a ni a. Inrinni ah an rawn phone a, chhukna a hmuh loh avangin Sunday zingah a chhuk thla a, a ke a ulh avangin Shillong-ah a pi te bul a awm ani. Khatianga thihna rawn thlen takah khan a rawn than dan ah chuan hemi motor ruknaa tel ve ang khan a rawn thang ta mai ani. Bialtu nih naah hian na ka tih puia. Tin an mahni kha, khatianga kal annih na kha a pawh in point blank ni hian a hriat a. A bekah an kap a, a awmah an kap bawh ani, a thih loh an hlau dun em em mai a ni. An kahna kha a bek leh a awmah a ni ve ve a ni, Mizote kha an thi lovang tih hi an hlau em em mai ani. Khatianga rapthlaka in thahna te kha vawiin ah chuan, mithalo a ni ang a, ti ang zawng a, mahni Mizopui in tanna pawh nei lo, intanna engmah alert hmalakna pawh awm lova he kan nationalism an kal ta mai hian kan thu rawn tih danah hian Pu Deputy Speaker, kan Minister zahawm tak Home changtu pawh hian engemaw statement tha zawk leh dik zawkte a hmuh hma chuan tiang zawng in emaw, rumours a lo spread a nih pawh in hemi hi ven a tha hle in ka hria tih kan sawi duh a.

Kan Budget-ah hian 13th Finance Commission hian Border area a Police Station sakna tur hi crore 31 lai mai min han pe a ni a. Keini border area-ah kan awm a. Ka bialah khian a cover zau em em a, ka bial khi. Khi tah khian Police Station han awm dan tur a hi chu SI-I, ASI-I, Constable-15, Head Constable-2 awm tur ang ani. Mahse, tuna kan strength ah chuan SI-I, ASI-I, Head Constable-I Constable 8, tunah hian 1 hi transfer tura tihfel tawh ani. Tin, a building khi building 15 vel han awm a pawh khi 1985 te, 87-ah te 83 ah te sak ani tawh a ni. Assam type deuh vek a ni leh nghal a. Concrete building khi 3 a awm a. 87 a mi khi concrete building ani na a, te reuh te a ni.

Tin, hemi N. Vanlaiphai - Thingsai road atanga chhoha Forest office bula pen a ni a. Khimi a penna khi ½ km emaw vel a ni a. Ruah sur lai/fur lai chuan a kal hleih theih loh a. Chutiang khawp chuan a chhia a. BADP pawh hmuh kan in beisei laiin kan hmu ve thei si lova. Chutiang chuan khi laite pawh khi hemi 13th Finance Commission in a heti laia border area Police Station sak tur ah te pawh hian min lo telh ve turin kan ngen a. Tichuan, hemi staff strength tur angte pawh hi han nei ila. A chhan chu khiti lai chu khaw in er te te kan ni a. Kan Sport Minister zahawm tak mai hmalakna-ah hian, Pu Deputy Speaker, PYKKA te kan han ti a. Hmanni ah final ah khualliante kan han ni a, bialtu nihna angin. Chumi-ah pawh chuan khawtlang ho kha security-ah an han awm a. Police in a thelh rual ani tawh lo. Force ina han thelh chi a ni tawh lova. Khawtlangin kan thelh a, a bialtu ber pawh kha kan tel lo chauh ani. Chutiang khawp chuan khilai khi sensitive area tak mai ani a. Tin, chubakah chuan border area ani a. Chungte chu kan sawi duh a. An fakawm rual rual hian duh thawhna hi a na thin a ni.

Tin, District Council chungchangah hian Pu Deputy Speaker, Chawngte te pawh District Headquarter turin Kamalanagar te hi an rawn ngen ta a. Vawiin ah hian hetiang angte kan entertain a, kan tih zel chuan keimahni Mizoram unity hi chhe thei a ni tlat a ni. Chumi chhethoi anih na ah chuan hengte pawh hi kan ngaituah tel a ngaiin ka hria. Vawiin ah hian keimahni ram lo ni thin pawh a hming an thlak avanga nita lo te pawh a awm nual ani.

Rural Development han kai leh ila, ka bial ah hian IWDP hi kan nei ve nual a. Tunhnai mai ah khan IWDP-III ah hian Zuva bikah pawh khian project kan han thehltut, zuva zau khi hecter 5000 vel a nia, a product khi atawp ta vang vang mai a. Hmanni a North East Director lo kal khan a project kha kan han thehltut ani a, IWDP ah hian shed committee ang hian kan kal a, chumi Guide Line revised 2001 kha kan hmang thin a ni a, chumi hnu-ah chuan Hariyati 2003 hi kan hmang leh ta ani. Hemi Hariyati hi VCP ten a committee hi an din a ni a, chuvangin hetia a committee hi din mai anih avangin an duh kha an in hrilh zawk zawk a, hetiang hian a awm ta ani a, chuvangin IWDP a pawisa hmanna hi tuman kan hrelo a, last quarter ah emaw te hian awareness an nei tan chauh a ni mipui hian, chu aia chuan 2001 Water Shed Committee ang hian a committee hi thlan nita se, awareness a zau a nga, publicity alo zau a nga, tichuan a tha zawk in ka ring a.

Hariyati guideline hman anih avang hian kan product hi a chhiat phah ani. Pu Deputy Speaker ka lawm e.

DEPUTY SPEAKER : Demand pakhata kan tui vak hian demand dang kha kan va kai leh hman thin lova. Pu Nirupam Chakma.

Pu NIRUMPAM CHAKMA : Pu Deputy Speaker, ka lawm e. A hmasa ber in Minister zahawm tak takte hnena lawmthu sawi ka duh a. A bik takin Tuichawng bial ADC pumpui ani a, an department hrang hrang atangin kum khat kalta ah scheme tam tak min siam sak avangin lawmthu ka sawi duh ani.

Pu Deputy Speaker, a hmasa berin District Council chungchang ka sawi duh a, Unstarred Question 16-na Assembly Session March, 2009-ah khan zawhna pakhat ka siam ani. Please furnish a location of Annual Plan Fund to various Departments in Lawngtlai and Saiha District indicating clearly the salaries and other Administrative cost component and also development work cost component during the Financial year of 2005-2006 to 2008-2009 in Unstarred Question zawhna ka siam a. Mizoram pumpuia District Council chungchangah hriatloh tam tak a awm avangin, thenkhat chuan impression thalo deuh an nei a, fund tam tak hmu ang ah an in ngai a. Chuvang chuan khami clear nan kan Annual Plan Fund atangin District council ten engzat nge an hmuh ? Tin, District Council bakah khan line department Sorkar line department hrang hrang te hmangin kan Plan sum hi District ah engzatnge (kan District ah) a kal saiha leh Lawngtlai ah tih kha ka zawt a. Chumi chhanna ah chuan Grand Total expenditure of Plan Fund for all departments in 6th Saiha and Lawngtlai Department. (Hei hi District Council teh in a ni a). 2005-2006 ah khan 55 crore 33 lakhs 14 thousand 2006-2007 kumah khan 45 crore 25 lakhs 72 thousand ; 2007-2008 ah 50 crores 82 lakhs 92 thousand ; 2008-2009 ah 57 crore 77 lakhs 34 thousand chauh ani. Hemi kumah hian Annual Plan Fund hi 1000 crore ani Pu Deputy Speaker. Out of one thousand crore Saiha leh Lawngtlai District ah Plan Fund hi District Council-te tehin 57 crore 77 lakhs 34 thousand chauh ani. 100 crore pawh a tling lo. District Council population hi 16% ani a, chuvangin 16% chu kan hmu tur ani. Mahse 67 crore 77 lakhs 34 thousand chauh ani min pek. Amaherawhchu kan Sorkar atangin Chief Minister zahawm takin, kan Minister leh MLA te pawh in District Council-te hi an duh sak ve a. Nikum ngei ah pawh khan fund min pek dan chu hetiang hi a ni a. District Council ringawt R.E ah 38 crores ; tin, Budget Estimate ah khan 57 crore 5 lakhs ani a, tin Financial Year kalta chung khan almost double in a pung ani. Chutah chuan District Council thum ah line department hrang hrang State Sorkar hmangin tam tak an tih pun sak avangin lawmthu ka sawi duh a. Hei kan Chief Minister a awm lo na in kan Finance Minister i.c Chief Minister aiawhtu Deputy Leader, kan Home Minister zahawm tak hnenah pawh District Council Affairs changtu anih na ang pawhin lawmthu ka sawi duh ani.

Tin, District chungchang ah hian nichin ah Member zahawm tak khan Kamalanagar ah District Headquarter ngiat vangin kan unity tichhe thei zawnga a sawi hi ka pawm lo. Mahni ta dil chuan unity a ti chhe thei lo. Kamalanagar dil avanga unity ti chhe thei tura ngaih bik hi ka pawm thei lo. Pu Deputy Speaker, khatiang ngaihndan nei chuan unity a ti chhe thei zawk a. Pek leh pek loh thu chu dang ani a. Pek tawhsa ti puitling thei silo kha ani. An dil vang chauh va unity ti chhe thei anga an ngaihndan hi ka pawm thei lo reng reng.

Tin, District Council chungchang ah hian Sorkar hmasa MNF Sorkar tih sual ani a. Congress Sorkarin Chhimtuipui District bifurcation hi 28.7.1990 ah siam ani a. Hei hi Cabinet Minute ani. Chuta kan rel chu Chhimtuipui District hi District pahnih ah a awm ang a. Chhimtuipui East District leh Chhimtuipui West District ani. Chhimtuipui East District ah chuan Mara District Council te a telve ang a. Sangau Sub-Division a telve ang a. Chhimtuipui river hi boundary ani ang a. Chhimtuipui West District ah chuan CADC te a tel ang a, Lawngtlai Sub-Division te a tel ang a, Head Quarter chu Lawngtlai leh Saiha ani ang. Mahse MNF a sawrkar ta a. District hming te

pawh Chhimtuipui West/East-te ti lovin Lawngtlai District te Saiha District te tiin hming kha an vuah ta a.

Tin, chubakah Sangau area Sub-Division hi Lawngtlai District ah an dah ta ani. Tuna thil awm dan Administrative arrange chu Mara District chauh, District pakhat a awm ta ani. Keini Chakma leh Lai District hi Lawngtlai District ah kan awm a. Administrative arrangement Congress in a siam leh MNF in a hnu a hma a lak dan chu danglam tak ani. Pu Deputy Speaker, chuvangin discrimination kan ti lo thei lo ani.

Engatinge Council pakhat hnuaiiah D.C a awm lai in keinin kan dil ve hi engnge a pawina a awm ? District Council hnuaiia mihring tam ber, area zau ber chu Lai District Council ani a. Mara L.A.D.C atangin a tam, population pawh a tam, area pawh a tam, mahse Lai leh Chakma District Council hi District pakhat hnuaiiah kan awm ve a. Khangte kha an inchuh reng a. Chu chu mi tam tak hian kan hriat loh anih avangin. Tin, District Council leh Sixth Scheduled period ah chuan Autonomous District Council tin ah D.C an awm tur ani. A chhan chu D.C te countersigned tu an ni a. A fund te D.C counter loh chuan hman theih ani lo. Sanction pawh D.C through in a kal vek ani.

Tin, Pu Deputy Speaker, Home Department ah khan 13th Finance Commission in fund tam tak Police station sak tur chungchang ah award a siamah khan 31 crores kan hmu ta a. A lawmawm hle a. Keini chhimlam border area a awm te tan chuan kan mamawh hle a. Nasa taka min siamsak turin kan ngen a.

Tin, Tourism Department chungchang ah Pu Deputy Speaker, kan sawi duh chu, MNF Sawrkar laia min tih tawp sak, min cancelled sak Tourist Lodge hi kan nei thei dawn a, Minister chungah pawh lawmthu ka sawi duh a.

Tin, Chawngte hi Tourist destination plan ani a, about 5 crore sanction mek ani a, Tin, engemaw zat hmuh ni tawh in ka hria a. Tin, Chahkhang ah te, Niawhtlang ah te, Beraw tlang ah te convention centre sak nan more than 4 cores sanction ani a.

Tin Chawngte destination atan more than 4 crore, Tourist Destination Palak atan 4 crore aia tam. Tin Maubawk Tourist Circuit atan 5 crore 95 lakhs te kan hmuh ah hian Minister zahawm takin chak takin hma a lak avangin lawmthu kan sawi duh a. Sawi tur tam tak a awm a. District chungchang ah kan sawi tam avangin ka sawi hman lova paw ka ti a. Ka lawm e. Pu Deputy Speaker.

DEPUTY SPEAKER : District lamah i tui lutuk deuh ani tiraw. Tunge sawi leh dawn le, Pu Lt. Col. Z.S. Zuala.

Lt. Col. Z.S. ZUALA : Pu Deputy Speaker ka lawm e. A hmasa berin nichin a kan Member zahawm tak Pu Lalthansanga'n Pu Saidingliana thih chungchang a kan Home Minister zahawm tak report atang khan misual anga an thihna ang hawi zawng kha chuan a report lova. A statement kha ala awm reng a. A sawi kha pawnlam an ti ti a sawi ani tih kha hria ila a tha in ka hria a. Kan Minister zahawm tak report ah

khan khatiang lampang kawng kha engmah a awm lova. Tin, Guwahati area khu Mizoram Police area of responsibility chu nise chu an man tawh pwh ani mai thei a. Mahse kan Police ten khulai ah thuneihna an nei tlem em a.

Pu LALTHANSANGA : Pu Deputy Speaker, a statement ah zawk khan a nia report ah ni lovin, document eng eng emaw te an chinfel a.

DEPUTY SPEAKER : Eng pawh nisela lo ngawi lawk rawh u. House a Statement pek kha discuss leh sawizawm tur ani lo. Kha kha chu in hre dawn nia. House a Statement base kha chuan engmah sawi a tul lo ang.

Lt. Col. Z.S. ZUALA : Ka han sawi duh kha chu a statement pek ah khan misual angin leh Anti-national element an ni e tihna ang kha a awmin ka hrelo. A nih chuan kha kha nakinah in prove pawh a ngai mai thei e.

A hmasain berin, Home department hi a Sorkar lai deuh hi sawi ka duh a. Tuna kan sawi ang khan misual man lampang hi tun Sorkar kaihhruaia hnuai ah hian an chak hle a. Tunhma a an man theih loh pending case te chu a la awm ang a. Khangte kha chu case har bik te a awm a, awlsam deuh te pawh a awm a. Kha kha chu kan sawi pha lova, mahse criminal leh anti social element sort out (man chhuah) chungchangah hi chuan an chhuanawm hle in ka hria.

Tin, a dawt lehah chuan Police Housing kha an sawi duh hle a. Kan bialah chuan MAP an awm a, a tam zawk IV Grade te khu an enkawl tha hle na chung in Pucca building emaw Assam type ah hian an awm pha lo deuh hlek a. Anmahnia insa chawp te an awm a. Hemi Police housing a pawisa tam tak hmuh belh tur ah hian an tel ve turah ka ngai. Tin, an electricity leh an water supply khu a tha viau na chungin session hmasa a kan sawi tawh ang khan min lo ennawn sak leh sela chu a lawmawm hlein ka hria.

Tin hmanni khanin 3rd MAP kha khutilai stadium hawn ni khan an fatu a, an bei nasa a, khami ni khan Minister te pawhin an commend nasa a. Mahse hengte pawh hi an ti kumkhua pawh ani chuang lova, once in a blue moon an tive chauh a ni mai a. Hengte pawh hi exercise a tling a Police anih avanga fatu theih loh pawh ani chuang lova. An han tih kha chuan Training exercise chi khat kha a ni mai a. Huan samte pawh kha kan sawisel a, amaherawhchu an han fakna lamah kha chuan exercise chikhat ani an tih ang chi kha a ni leh mai.

Tin, Fire Station, Fire Service ah hian Aizawl South lamah sawn Fire Station kan nei lova. Vanneihthlak takin tun kumah hian kangmei kan la tuar lova, nikum khan tum thum kan tuar a, tahchuan fire fighting equipment lo thlenna tur khan hun te a duh tam a. Hetianga khua a ro zuallai hi chuan engemaw chen chu temporary pawhin min dah sak thei se tihte pawh kha Home Minister zahawm tak pawhin min hriatpuiin ka ring a. Hei tun kumah hmun hrang hrang ah kangmei a chhuak nasa hle a.

Minister-in minrawn hriatsak se langin a theih chuan khawro zuallai tal hian fire fighting equipment minrawn dah sak se tih kha ka han beisei ani.

Tin, Home Department hnuai hian SAINIK Welfare Department hi han sawi kai ka duh a. GIA-ah hian tun kuma a tamna hi nuai 39.90 a ni a. Hetah hian GIA, Financial Assistant World War-II veteran te tan tun kan Sorkar hian min tihpun saka, heng avangte hian lawmthu sawi a ngaiin ka hria a. Sipai bangte hi chhawmdawl an ngai a, kan chhawmdawl loh chuan sipai tang turte kan nei lovang tih te pawh hi a hlauhawm a. Chuvangin hetiang hma an la hi a lawmawm hle in ka hria a.

Rural Development ah hian NREGS hi han sawi nawn leh ka duh a. NREGS ah hian helai ah municipal area in ni e tih mai avangin, Aizawl South-II a village tam tak min cut saka, allotment kan han ena, Allotment ah a pangngai reng 2000 lakh hi ani tho si a.

Tlangnuam pawh khi NREGS ah hian an cut a, hna inchhawp lak lawh te pawh an nei a, chungte pawh chu an chawlsan tawp mai a. Hengte hi min ennawn sak thei se chu a lawmawm hle in ka ring a.

Rural Development hnuai ah Tlangnuam BDO hi tunah hian Mission veng ah a office a awm a, a chang chuan zarkawt-ah te an han awm zar zara. Tlangnuam ah khian BDO office tur tha deuh mai a awm a. Kum kalta khan tuna kan Rural Development Minister zahawm tak ho hian a hmun te pawh kan han thlir ho tawh a. Khilai ah khian min sak sak dawn niin kan hria a, khingte pawh khi a rang lam in min sak sak thei se chuan a lawmawm hle dawn in ka hria.

Tin, Public Health Engineering Department ah hian Greater Aizawl Water Supply hi hmanah khan (DoNER) Minister Many Shankar Ayer khan a rawn hawng a. A hawnni atang khan thil fello te alo lang tan emaw ni aw ka ti a. Naute lianpui kan hring dawn emaw kan tih laiin naute te tak te alo ni ta maia tia chanchinbu a ziak te kha kan hmu a, hei hi kan mamawh, Aizawl khawpui hian kan lo thlir leh nghah hleh a ni a. A bik takin Aizawl 'S' area lamah pipe phum te pawh hi an tan dawn tawh niin kan hria a, kan lawm hle a. Tunah hian tui supply hi nikum lam ai kha chuan tun stage ah chuan a tha zawk in a lang a. Mahse improve-na tur tam tak a awmin ka hria a. Conservation hi kan chak lohna pakhat niin ka hria a. Tin leakage hi a awm nual mai a, hei hi Department ten uluk zawk a fangin inspection te hi nei sela chuan tui tam tak hi kan spare thei in ka ring.

Industries ah hian Geology & Mining Department te an awm a. Tuna ONGC in a Oil Exploration an tih hi uar zawkin an kalpui zel turah ngai ila. Hengte hi kan nghahfak ve ani a. Oil kan laih chhuah chuan kan ram te pawh hi tlemin a lo hausang a, Revenue te pawh kan lo ngah ang tih hi kan nghahfak ani tih ka sawi duh a.

Tin, Tourism hi an ti tha hlein ka hria a. Amaherawhchu develop na tur tam tak a awm a. Mizoramah chuan heavy equipment leh thil tam tak industry kan siam thei lova. Amaherawhchu Tourism ah hi chuan Natural Geographic Condition te hmanng tangkai hian tourist tam tak an chawh chhuah theih dawn a. Amaherawhchu hmanni a Beraw tlanga kan in tha tak kang te kha vanduai thlak ka ti a. Hmanni lawka an sak

zawh niin ka hria a. Electric wiring ah defect awm ni awm khan an sawi a. Hengah te hian sub-standard equipment an hmang tih a chiangin ka hria a. Khati laiah khan crore 1 dawn man thil hote a kan han ti kang te kha a uiawm a. Hengte hi a theih chuan enquiry hi tise, a culprit chu hrem ngei nise tih hi kan sawi duh a.

Tin, Cheraw kan a Guinness Book of World Record a kan han tel ve tur kha a lawmawm ka ti a. Art & Culture Minister leh a team leh NGO/YMA ho zawng zawng kha congratulate ka duh a. Hetah hian Tourism Department pawh hi an tel ve hle in ka hria a. Khatiang hmang tangkai khan kan Tourist te pawh hi kan develop nasa thei dawnin ka hria a. Chuvangin kha kha kan han sawi hram a ni e. Ka lawm e.

DEPUTY SPEAKER : Pu S. Laldingliana

Pu S. LALDINGLIANA : Pu Deputy Speaker Demand No. 43-na Tourism ah hian sawi tur a tam viauin ka hria a. Amaherawh chu a khaikhawm nan leh a bul tan nan chuan lawmthu sawi ka duh a. Hei, Tourism ah hian hma kan sawn hle mai a, thil lawmawm tak niin ka hria a. Zoram hmun hrang hrangah chhim leh hmar chhak leh thlang ah Tourist Lodge kan nei chho ve mek a. Kan hawng mek a, hawn leh mai tur te pawh kan nei chhova. North Vanlaiphai ah te, Farkawn ah te, Tuipang ah te, Vawmbuk ah te, Hrangchalkawn, Thingsulthliah, Zokhawthar, Hnahlan, Saiha, Bualpui, Saitual, Darzo tih te pawh sak zawh thawkhat tawh niin hawn leh mai turte an ni a, hei hi a lawmawm hle in ka hria a. A chhan chu Pu Chairman, kan hriat theuh angin Department dang hian tun hma inspection Bungalow kan tih te, Rest House kan tih ang te kha an nei ta meuh lova, tin ala awmchhun te pawh hi maintain hleih theih loh anih avangin, ramchhung leh ram pawn a khualzin te hian kan rinpui ber chu Tourist Lodge hi ani ta vek mai a. Hei hi thil lawmawm tak niin ka hria a. Hemi kawnga kan hmasawna hi a langsar viauva, 2009-2010 chhung khan kan ram hi Tourist 5832 zetin min rawn tlawh ani. Hei hi thil chhinchhiah tlak tak niin ka hria a.

Amaherawhchu hetiang a Tourism a hma kan sawn lai hian thil pawimawh tak hmaih thil kan neih chu a department kan enkawl dan hi duhthu a sam lo hle ani. Pu Chairman, tunah hian Tourism Department a thawktu hi $\frac{3}{4}$ te hi chu M/R employee vek an ni. Nghet lo vek an ni, chutiang chu anih avangin dan lo angin heng M.R employee tamtak te hian sum an khawihthe a ngai a, Sorkar phal hauh loh dan alo a ni a, mahse thawktu in daihlohna avangin he department hi a kal mek ani. Chubakah chuan Department in kan rawih mek te hi an kum a over mek a, hetiang din hmuna an din avang hian a thawktu te hi rang taka kan regularized hi a tha in ka hria ani. Tin, Pu Chairman, Thingtlang bialtu ka ni a, ka bial chhungah pawh tun hma chuan New Lungrang ah khuan P.W.D. hian Inspection Bunglow an nei thin a, mahse kum engemaw zat kalta atang khan an maintain zui thei tawh lova, tunah chuan thlenna tur reng reng kan nei tawh lo ani. Hengte pawh hi kan Minister zahawmtak hnenah kan sawi a, kumthar ah chuan sak theih tur angin hmalak chhoh ani ta hi alawmawm hle in ka hria a ni.

Tin, Demand No. 25-na Water Supply & Sanitation chungchangah hian tawite han sawi duh ka neih chu, kan hriat angin nikumah khan thal a rei em em a, tui

kan harsa khawp mai a, khang hun chhung zawng zawng khanin kan bial chhung khawthlang lampang a bikin Lungrang ah te, Ruallung ah te tui lak tur awm silo tui motora chawi tur awm baw silo ah te khan department in mamawhna, harsa tak kara min siam sak kha lawmawm ka ti a. Kuminah pawh he department scheme hnuai, rain water harvesting scheme hnuai atangin tuizem kan siam mek a. Tin, tuizem siam theihlohna hmunah pawh sintex kan sem thei ta hi lawmawm ka ti hle a ni.

Tin, Demand No 38-na Rural Development hi thingtlang bialtu kan nih angin he department hi kan in nghahna ber ani mai a. IAY te hi hmeithai chenna in neilo, sak that ngai te in sak tur kan pe te hi a lawmawm hle a. Amaherawh chu hemi thu ah hian sawi ka duh chu, Congress an nih leh MNF an nih hi bialtu ten kan thliar lova, a mamawh hnenah pe turin kan recommend mai thin ani. Mahse chutiang karah chuan official level ah hian thlak danglam a awm thin ani. Hei hi chu tih tawhloh nise tih ka tarlang duh a.

Tin, BADP hnuaiyah thingtlang hmun tam takah Community Hall te kan sa thei a, khelmual te kan lai thei a, tuikhur te, public bathroom te kan siam a, hei hi a lawmawm ani. Mahse Pu Chairman, BADP area in a cover loh, thingtlang khaw tam tak mamawh ve em em tu an awm a ni. Hei hi engtin nge ni ang tih hi rilru ah a awm thin a. BADP in a cover ve loh hi cover theih tur a hmlak dan a awm thei em ? a mamawhtu ve tho an ni si a tih kha ka han tarlang duh a.

Tin, Demand No. 16 na Home chungchang ah hian ka sawiduh chu lawmthu ani. Kan Home Minister zahawm tak hnenah sawi tul in ka hria. Sorkar hmasa kha Law & Order ah a fail a, pawl zawng zawng an nuar emaw tih tur khan ram pum kan nuar kha ani ringawt a. Khatiang atang khan tunah hian kumkhat lek chhung hian Law & Order kan vawn dante kan hmu a, a lawmawm hle in ka hria. Tual thi, chhuichhuah harsa tak te pawh kan Police ten an chhuichhuak thei ta zel a, kan Minister hian kan Police Force te hi heti taka mobilized theih, a motivate theih hi aw ! tih hi ngaihtuah tham tak tling in ka hria a ni.

Tin, traffic chungchang thu ah te pawh hei duhthu chu ala sam chiah lo, Aizawl khawpui kan thliar chuan Traffic chungchang thu-ah hian hmalakna thar tam tak kan hmu a. Hei hi khawpui cheitu anih rualin hmasawanna a ni in ka hria a, a lawmawm ka ti ani.

Tin, Fire & Emergency service chungchangah hian 13th Finance Commission recommend ang khan crore 20 he department tih changtlunna tur atan fund dah a ni tih kan hria a. Hei hi a lawmawm a. A bikin Aizawl khawpui pawn lamah Lunglei te saw mak ang reng takin Pu Chairman, a rei tawh teh lul nen, Fire Station kan neih pawh Sub-Station ala ni tlat mai a, tun thleng hian Lunglei hnu a District rawn piang thar zawkte hian Station puitling hi an nei si a, chuvangin Lunglei ah sawn a bikin Fire Van (kangthelh Motor kan tih) ang chi te hi kan in daih lo em em a, kum tin kan buaina thin a ni a, kan Minister zahawm tak hian heng te hi min hriat sak sela, Station puitling ah min hlankai sak sela tih kha kan sawi tel duh bawk ani. Pu Chairman, Ka lawm e.

Pu K. LALRINTHANGA : Pu Chairman ka lawm e. Home Department No. 16 chungchang ah hian kan sawi ve duh chu Sorkar thar lo piang atanga hma an lakna ah hian lawmthu ka sawi duh a ni.

Chutih rual chuan han ngen duh te pawh ka nei tel thova, Sorkar thar alo pian atang khan Zoram ah tual thihna te hmun hrang hrang ah kan hre thin a, Chuta tang chuan Home Department-in hna an thawk a, kan police ten khuah khirhna tel lovin hna an han thawh chuan an vannei thei ta hle mai a. Pathian malsawmna an dawnte pawh ani anga. Kan hotu Minister changtute leh hotu tena an kaihruaina atanga vanneihna lo kal chho te pawh a ni ang a. Thil sual tihna lo thleng, ruk rukte, tualthihmate, khatiang kha man ani ta fo hi lawmawm ka ti a. Sorkar thuneitute chungah lawmthu sawi ka duh a. Chutih rual chuan Anti-Corruption Branch hi DIG kaihruaina hnuaiah dah a lo ni ta a, chumi kaihruaina hnuaiah chuan kan Police te pawhin case an chhuithiam theihna turin training pek an lo ni chho ta zel a. Amaherawhchu, training pek an lo ni chhoh rual rual hian hun kal tawh ah khan thil sual eng eng emaw, corruption chungchangah te pawh ani mai thei e, tihna hi a tam hle a. ACB hnuaia hnathawk hote hian mi hi an rawn kawm ve zeuh zeuh thin a, chuta an sawi thin chu kan hah lutuk a tih hi ani a. Report a tam viau tawh ni awm tak ani. Chuvang chuan Anti Corruption Branch a hnathawkte hi tihpun atan a tha awm mange aw tih hi thinlungin a ngaituah a. Chutianga man power te a lo tam deuh hlek chuan sualna te hi hai chhuah a lo awlsam deuh hlek turah kan ngaihpuve a, chu chu ka han tarlang leh duh a.

Khu kan hre thina Serkhan-Bagha road a Saiphai kalkawngah leh helai Rengtekawn atanga Phaisen kalkawngah khuan smuggling hi a tam hle thin a, Phaisen kawng lampangah khu chuan Home Minister zahawm takin I.R. te min dahsak tawh a. Chutih rual chuan heng an sualna thil drug leh zu te hi an la phur tlang fo in a lang a. Saiphai lampang kawngah chuan kalkawng khu a that vak loh avangin mipui an tlan tam lova. Sualna kawng han tihna tur atan hian, ati duh tute tan kal a chakawm mah mah a, a kawng a chhiat lutuk avang khuan mi nawlpui an kal tam loh avangin. Khulai ah khuan kan Sorkar hian khatiang venna tur ang chi check gate ang te kha Saiphai ah khuan dah a tha hle in ka hria a. House leh kan Minister zahawm tak bulah te kan lo thlen tawh thin na in min lo ngaihthlak sak leh turin ka duh a.

Rural Development Department hnathawh hi keini Serlui bial te tan chuan a lawmawm khawpin ka hria a. Kumin ah Rs nuaih zali zet mai rangva inchung tur min han dah sak leh mai hi Mizoram tan lawmawm kan ti hle a. Keini biala kan buai na ber chu inchung tur hi a ni, kan mangang ani. Mau a tam a, Mau rawn thang chhuak leh atangin mau hnah a awm mumal ta lova, mau hnah hi inchung atana an hman tam ber a ni a. Heng thlakna tur atan inchung tur Rural Development Department atangin kan Minister in a ruahman a. Mi 2500/- zet chang thei tura an siam hi lawmawm ka ti hle a, a chungah lawmthu ka sawi duh a. Engnge maw zat kha kan chanve theih ka in beisei a. Chutih rual chuan IAY chungchangah khan nichina kan member zahawm takin a sawi ang khan IAY sanction a rawn kal hian bialtu MLA te hian a rawn kal tih kan hriat rual khan a dawngtu tur beneficiary thlan chungchang ah hian harsatna tur kan tawk deuh a. Kum hlui khan pakhat chu Bairabi ah avaiin an pe vek ringawt mai a, chu chu a fel lo in ka hria a, rualkhai deuh hlek a sem ni thei se, Bilkhawthlir Block khuan Serlui constituency leh Kolasib constituency a huam a, constituency pahnih a huam rual

khuan IAY sanction rawn kal zawng zawng kha Bairabi ah pek ani ta ringawt mai a. kha khan a mamawh tak tak, mahni in sa theilo, in sak sak ngai, mamawh tak tak an awm rual khan an chang ve ta lo kha a paw hle ani. Hun kal leh tura chuan tiang kha ni tawh lo se tha in ka hria.

BADP hmang hian Zoram Border area development alo ni thin a. Keini area Serlui constituency khu backward area tak mai ani a, international border kan neih ve loh avang hian BADP hi kan chang ve lova. Chuvang chuan, a thlakna tur hi engnge awm thei ang aw; hetiang deuh hlek hi eng nge awm thei ang tih hi ngaihtuahna kan nei a. Chuta tana tha ber nia kan hriat chu kan ram Sorkar hian BRGF hi Chhinlung hill development council area ah hian hman theih dan kawng min zawn sak ve thei ta sela chutiang chuan an tangkaipui hle ka ring ani. Tourism Ministry, Zoram Tourism in an hmalakna hi lawmawm ka tia, kan bialah chuan Tourist Lodge ah te kan thleng thin a. PWD hian Bungalow hi an nei mumal tawh lova, thlenna tlak hi a awm tawh mang lo ani. An hotute hnen ah department officer te hnena kan sawi in, maintenance fund atangin kan repair thin a, khatiang fund kha kan nei si lova. Chuvangin kan bungalow te pawh hi kan duh tawh lo, tih te a awm thin a. Chutiang te anih avang chuan thingtlanga han zinin thlenna tur hi kan hmu mumal lova, kan party mi leh sa te hnena thlen lah hian opposition mi leh sa te kha an mit alo kham ang tih te a hlauhawm ve riauva, mamawh hrang hrang te an nei a, khang ah khan an rawn kal hreh ve deuh ang tih te hi hlauhawmna lai te pawh a awm ve a. Chuvang chuan lai taka bialtu MLA te kan awm theihna turin Sorkar riahbuk tur Tourist Lodge hi khawtin ah hian min dahsak mai sela a thain ka hria a. Chutiang chuan Sorkar hian hma min laksak se a thain ka hria.

Thil pakhat ka han sawi leh duh chu Pu Deputy Speaker, khawngaih takin min zawh tir turin ka ngen che a. Tourist Department in a heng hmun pawimawh Tourist ten an tlawh tur hmun an siam ah hian, changkang taka siam hi a tha vak lovin ka hria. Kan Chief Minister pawh hian ava kal hian a sawi zeuh zeuh thin a, a hmun taka hi chu a original, tunhma a kan pi leh pu hun laia kan awm dan dik tak khan awm se an duh thin a. Chu chu han tarlan ka duh ani.

Tin, thil pakhat leh lawk Serlui 'B' Hydrel Project ah khuan kan Chief Minister te leh Tourist Minister te khan Tourist resort hmun siam a tha lawm ni tiin an en a, kha kha an tih hlawh tlin theih hram chuan a lawmawm hle ang tih kan tarlang leh duh lawk ani e. Ka lawm e.

Pu B. LALTHLEGLIANA : Pu Deputy Speaker ka lawm e. A hmasa bera ka sawi duh chu Demand No. 38, Rural Development ah hian ani a. BADP hi kan ram tan international boundary bawr a constituency nei te tan chuan development atan chen fakawm tak ani a. Kan ram ah hian he BADP Scheme hi a awmna pawh a rei ve ta viau a. Amarawhchu kan hman danah hian eng Sorkar ah pawh duh thu a sam lo hle thin in ka hria. Tunah pawh hian ka bialah BADP pawisa a hna kan thawh a that tawh loh avanga hman hleih theih loh kawng eng nge maw zat awm hi a pawiin ka hria a. Entirnan, Farkawn atanga Tiau chu Burma lamin an rawn laihtlang na a rei tawh a. Chumi pawh tur chuan, hun rei tak atanga laih kha ani a. Amarawhchu helai Sorkarin sanction engmawzat a dah hnu ah paw'n contract ah in pek thin anih avangin kan contractor hnathawk tu te hian tlem te thawkin bill an la a, an kalsan mai thin a. Tunah

khian tlang chu a tlang a, mahse kal hleih theih loh ang tluk ani. Khingte khi tha taka zawh theih nise chuan Burma ram atanga Bungrua lo lut turte, Tiau balu leh khimi in a kentel thil tam tak a awm a, chumi chu tun thleng hian tih hleih theih lovin ala awm a. Tin, Zura-lung atanga Theirikawn inkar kawng ah pawh hian nuai 10 chuang hman tawh ani a, tunhma kawng hlui widening, cheithat mai tur ani. Hmani lawk ah pawh nuai 3 sanction a awm a. Singnga pawh an seng lovang tih turin hna an thawk a, bill an la a, an kalsan ani leh mai a. Chutiang chu BADP hnuiaia kan hnathawh dan tlangpui ani. Vawiin a congress worker kan zuk sawina a ni chuang lo. A kal phung hrim hrim ah BADP hnuiaia hna kan thawh dan hi tha ka ti lo hrim hrim a.

Hei Lungmawi atanga Bualpui 'V' Hnahtial R.D Block hnuiaiah cheng nuai ruk sanction a awm a. Jeepable road tur ani a. Amaherawhchu Ft. 3 tla che che, a then phe chu footpath ang te ala ni a, chutiang chuan nuai 6 chu hman zawh alo ni leh ta mai a. Chutiang mai mai chuan hna Mizoram ah thawh ani a. Sorkar level ah chuan kan rilru leh ngaihtuahna te kan ram hmasawanna tur atan kan hmang vek in ka hria a. Kan worker level leh village level ah hian kan mite te hi kan veng seng lo niin alang a. Hei hi chak zawk a kan Minister chak tak hian hma a lak ka duh a. A chhan chu he Sorkar hi corruption dona kawngah nasa taka do tum, a zung nen lama phochhuak a, pho ro tum an nih avangin, kei pawhin khatiang thu a awm atang khan ka support nghal a. Hetiang a nih chuan kan ram rorelna development te hi a kal tha ang tih rinna nen ka lo thlir ani.

Pu Deputy Speaker chawhma lama NREGS pawisa V.C ten an hman dik loh chungchang kan sawi kha tawite sawi nawn leh ka duh Sesih khua bik kha chianguang takin tum nga, an sem ni leh thla nen, mimal tinte hnena an pawisa cut zat nen; tin JCB leh Bulldozer an rawih chhung darkar leh rate nen ka rawn ti vek a. An cut zawng zawng kha cheng nuai thum leh singkua leh sanghnih leh zanga sawmli pali ani a. JCB hman nana an hman kha cheng nuai khat leh sing khat leh sang riat ani. A bak nuai hnih leh sing sarh leh sangli zanga sawmli pali kha mipui hnen thleng lovin V.C ten an hmang ral ani tih hi chiang takin kan hria a. Khatiang thil chiang te kha chu Pu Deputy Speaker kan Sorkar hian en rang teh se. Chuti anih loh chuan kan ram kan rel dan leh kan kalpui dan hi a fello thui dawn lutuk in ka hria a. V.C ani emaw, MNF V.C pawh nise thil ti diklo ho chu kan ban ngam tur ani in ka ring a. Hekna kan thehluat a, Champhai DLAO in a ti tawp a, ti hian ka la ngai leh rih ani.

Pathian zara dam chuan he Budget Session zawh ah hian kei pawhin bial ka fang dawn a, hetiang a kan official te pawh in a hna tha zawk a kal theih na tur hmalakna min dal anih chuan a pawh in ka ring a. Chu chu kan sawi lang tel duh a. Tin, Muallungthu te pawh kha thil nih phung deuh hlek hi a awm a. A tira an sanction na kha construction of RCC slab culvert ah cheng nuai khat leh sing hnih tih ani a. Chulai hmun vek ah chuan hna dang (hmun hnih a mi retaining wall Pu Saia huan bul leh slab culvert bungkawr hnara mi nuaikhat leh singli sangkua leh zanga sawm ruk panga leh nuaikhat leh singhnih sangnga) department in an thawh na ah NREGS hi divert thiango a ni a, divert ani leh a. Hengte pawh hi a hmun ah ka va kal a, ka va en vek a. Nuaithum leh tiha thawh ani thei lo hrim hrim tih a chiang ani. Nichin ah, 'bialtu' tih kan sawi chhuak zawk a, a bialtu khan alo feel riau va, amarawhchu heng thil hi mihring an awm a, beng a awm a, mit an nei vek a, kan feel viau dawn a nih chuan kan tawng kam hman dan te, bial chhunga kan hmalak dante kan fimkhur a tha in ka ring. V.C tena material

component atanga NREGS hnathawh, khawtin V.C atanga cheng singkhat singhnih party fund, block fund atana a demand ang chi te kha a awm ani tih kan hria a. Chumi a nih avang chuan ka hriat theih chinah chuan Falkawn atang pawhin Cheng singkhat chu Block ah an theh lut ani tih ka hria. Chumi hnuah report kan dawng dan in congress block president Pu Zothanmawia mel 8 chuan Aibawk BDO ah cheng nuai khat a draw tih report te kan dawng leh a. Khatiang kha anih chuan he Sorkarin a tir atanga ram kaihhruai an tum dan an sawi thin a kha a peng thui dawn lutuk in ka hria a. Chuvang chuan kan Minister chak tak hian hei hi min lo enfel sak se a tha in ka hria a. IAY thlan dan tur chungchang fel lo te hi chu sawi sawi mah ila a fel hlei thei lova. MLA kuta bialtu kan nihna anga kan ngaihpawimawh zawng pathum li nga vel rawn ti ve tura min ti thei ani chuan a lawmawm turah ka ngai a. Tunah chuan permanent white list ah khung vek anih avangin khatiang khan a kalpui turah ka ngai a. Tin, chuti chung chuan party dang hming pakhat alo lan khan V.C ten party hruaitu ten enge maw ti ti a chhuhsak an lo ni leh thin te hi a paw thin a. Kan Minister chak tak hian mi venpui thei sela a tha in ka ring. A dawng tlak, a hmu tlak chuan hmu rawh se, dawng rawh se, hmeithai an in chung pawh silpouline a khuhphui ngai te pawh pui thei lova opposition kan awm hi a felin ka hre lova, tin heng thlan chungchangah hi chuan, ruling party pawhin harsatna in lo nei ve tho tih kan hria a. Heng hi bialtu mipui thlan kan nih ang in kan hriat ve kan participate ve hi chu a ngai ani tih kan sawi lang duh ani.

Pu Deputy Speaker, Tourism ah hian tawi te sawi ka duh a Farkawn ah Tourist Lodge sak zawh tep ani a, eng nge ni hmabak ka la hre lova, khi khi khawngaih takin kan Minister chak tak hian min hawn sak rang thei se tha in ka hria, a chhan chu Farkawn ah khian PWD in I.B tha lutuk a lo nei a, mikhual tam deuhin kan leng si lova. Chumi avang chuan, khilai Tourist Lodge khi min hawn sak rang thei se tih hi kan sawi duh a.

Tin, han sawi tel hram hun kan nei tawh lo em ni ? (Deputy Speaker : nei tawh lo) pakhat te chiah Home ah khan, East Tuipui ah khian Police Station kan la nei lova, temporary in dah mai mai ani. Khi khi khawngaih takin Home Minister chak tak hian East Tuipui Constituency chung ah khian Police Station min dah sak thei sela a thain ka ring a, a location thuah hi chuan Police lamin a rawn verify anga, tha an tihna hmunah an dah mai tur ah ka ngai a. Vanlaiphai ah a awm a, Thingsai ah a awm a, sawlai Burma lam atanga kawng lo tlang bawkw silo, Police station pahnih in chherchhuan te ngaituah chuan East Tuipui Constituency ah hi chuan pakhat hi chu awm ve ngei ngei tur ah ka ngai a. A chhan chu ka sawi tawh ang khan Farkawn atangin tui kawng a pawh tan tawh a, Vaphai atanga leilet kawng a pawp tawh a. Bawng zawng zawng ran lo lut hi khimi atang a lo lut deuh vek khi ani. Chuvang chuan khilai khi min ngaihpawimawh sak hram se tih kha kan Home Minister kan ngen ani. Ka lawm e.

DEPUTY SPEAKER : Tunge sawi leh tur kha ? Pu Liantlinga kha a phar hmasa zawk in ka hria. Pu Liantlinga i lo sawm ang.

Pu K. LIANTLINGA : Pu Deputy Speaker, ka lawm e. Hei vawiin ah Budget Demand 6 lai mai sawi tur a ni a. Sawi zawh hman a har hle dawnin ka hria. Amaherawhchu, ka theih ang angin ka'n sawi ang a. Han cover kim hram chu ka'n tum

ang a. Hei ka hun a tlem deuh hlek tawh a. Eng pawh ni sela House atang hian Demand No.16-na hi fakna turte pawh a awm a, sawiselna lai turte pawh awm tur ah ngai ta ila. Traffic Police hi Aizawl khawpui ahte hian tunhma ai khan a tha a, Veng hrang hrangahte kan hmu a. Kawng peng thuam leh khawi khawi emaw ahte. Khang khawpui chhung traffic movement chungchang te pawh thil tha zawk niin ka hria a, a lawmawm hle ani. Tin Police Batallion hrang hrang te pawh an awm chho zel a. Amaherawhchu, Police Batallion lak chungchang ah hian lak belh anih pawhin tuna hnawhkhahna ah te pawh hian uluk deuh a tih nise a tha in ka hria, zuk demna ni lovin, tun hma khan tlema physical fitness ah pawh tha mang lo te an la a, MA te an tlak laiin pawl 6 pawh pass mang lote an lut a. Tin, mihring fit tha tak tak, sportsmen tha tak tak an luh theih loh laiin, vung deuh bir ber ang chi te an lut a. Khangah erawh kha chuan tha taka he sum tam tak hmanna tur leh Mizoram himna tur atana hmalakna-ah hian tan la deuh se tha in ka hria.

Tin, sawi neuh neuh hi a tam em em mai a, quotation leh supply chungchangah te pawh hian a rate chungchang thua te, sample chungchang thu-ah te pawh hian fimkhur deuh se thain ka hria. Thil tam tak sawi tur chu a awm a, amarawhchu luhchilh theih mai leh luhchilh sen chi pawh a ni lova, sawi tur tam tak a awm ani. Tun ai hian heng sum hmanna turah hian fimkhur deuh se a tha in ka hria. Tin, a leh lamah chuan Police Housing Scheme chungchang te hi a tha. Nikumah khan nuai 93 cheng vaibelchhe 3 leh point 93 leh sing 74 velin in a nghah mek leh PWD a transfer-te a ni a, kum in a vaibelchhe nga lai mai an han dahte hi a lawmawm hle in ka hria a, chungte chu tha takin kal sela a tha in ka hria.

Tin, Prison chungchang thu ah hian tunhma Pu Pamama Minister incharge anih lai khan a titha hle in ka hria a, Jail hi in hremna mai ani lova, thil zirchhuahna tur hmun a ni a, hengah hian handicraft training-te leh thil dang chi hrang hrang-te khang ang kha ruahmanna mumal tak, zirna lam pang pawh kha neih chhoh zel ni thei sela a tha in ka hria. A sual deuh bik leh thil ti diklo deuh bikte hna hahthlak thawhtir bik pawh hi ram changkangte chuan an nei a. Quarry tha tak hi nei sela, anmahni eitur thawk chhuak thei tur khawp a ruahmanna te pawh hi ram changkang zawkte tih ang hian awm thei sela a tha hle in ka hria.

Tin, demand No. 27-na hi nichin pawh khan Pu Nirupam a member zahawm tak pawh khan a sawi a. District Council hi Autonomous in an awm a, an fund tur budget kan pass anih hi chuan tha taka tih a tha in kei ka hria. An chanvo dik tak hi pek tha in ka hria, keini State te pawh Plan Discussion ah te kan kal a, Non Plan ah te, Plan ah te fund hi min pe tha ta lo sela, problem kan nei thei ani. Chutiang tho chuan District Council Administration ah hian thil tha zawk a kal theih nan fund hi release sak zung zung a, an hna leh thil dangte pawh endik zung zung a, kan ngaih pawimawh a ngai in ka hria, harsatna tawklo turin. Tin Politics game ah kan hman loh a tha ani. Hei inthlante pawh ani leh mai dawn a, Tunah hian member te pawh an pung dawn a, inthlante pawh a hnai dawn a, khang ah khan politics game khelh nan hman loh tha in ka hria. Tunhma khan hman an ni zo mai a, thil thalo niin ka hria. District Councils te fund hi a nihna ang taka kan release hi kan tih tur ani tih kha kan sawi duh ani.

Tin, demand No. 38-na Rural Development ah hian ka sawi duh chu IWDPS tih te, Waste Land Development Project scheme te 4.35 crores a awm a. Tin,

NREGS ah te hian 32.56 crores a awm a, heng hi a hmanna a dik a ngaiin ka hria, uluk taka kan ngaituah a ngai. A chhan chu Mizoram hi Rural area vek kan ni mai a, keini urban inti te pawh hi anihna takah chuan rural area kan ni. Kan sum hlawm kalna ber a nih avang in ngun taka kan kal a ngaia hnathawh chungchang thu ah te leh Job Card hman dan chungchangah te pawh hian kan tih dik a ngai. Tin, BADP ah pawh hian 24.95 crore dah ani a. Hengte pawh hi Border Area sum hmanna tur a department thenkhat atang hian tunhma sum tam tak tak hi BDO te atangin demand a awm thin ani.

Tin, BRGF, hi a bikin chhimtuipui District-ah 24.98 crore dah ani a. Hetiang chite pawh hi a nih dan tur anga kan pek a, kan release sak hi a thain ka hria a ni.

Tin, IAY pawh hi hman dan dik lo deuh te pawh a awm ani. Hmeithai in sak kan han ti a. Hnahthial bial atangte pawh in hman kum lawk khan 90 lakh velte pawh kha pawhkir a ni a. Lawngtlai atang pawhin 14 lakhs te pawh pawhkir sak ani a. Khatiang chi kha awm tawh lo sela a thain ka hria a.

Tin, Rural Housing Scheme ah hian nikum khan 4 crore a awm a, tunah hian 5.4 crore a awm leh a, a belhkhawm chuan 9.4 crore vel a ni a. Performance Budget- a a lan dan chuan nikum ah khan hman tam lutuk loh niin a lang a. Hetiang chi ah te pawh hian mumal taka rangva semna turah te pawh hian bial hrang hrangah Rural Area ringawt lo deuh, keini Rural tho Urban area a awm ve tho. MLA te pawh hianin tlema mi harsa zawkte leh tanpui ngaite tanpui theihna tur atan te chuanin ruahmanna siam nise a thain ka hria. Tin, tuna work programme-a an rawn set hi 121.33 crore ani a. An budget hi 108.22 crore ani a. (Deputy Speaker : khi kan chhun chawlh a hun a, ani hi tlemin a tan tlai deuh a, i zawhtir mai ang aw, han zo lawk rawh le) Pu Deputy Speaker ka lawm e, Hetah hian an budget aian an work programme hi 13.10 crore in a sang ani. A chhan chu Central Sponsored Scheme a nih avangin Plan leh Non Plan Budget mai ai khan tam tak hman tur an neih avangin kan ram siamna tur leh ram hmasawna tur tak tak thil a nih avangin, tuna kan sawi tak zawng zawng ah hian tan lovin, SLMC (State Level Monitoring Cell) hi uluk taka din thain ka hria kum thum kum li kal ta vel khan an thiat ringawt mai a. Khatah khan kei pawh press conference ah khan 33 crores vel kha tih chingpen a awm ani. Tichuan SLMC hi tha taka dina, Monitoring tih nisela a tha in ka hria a, chungah chuan R.D ah kan Minister te pawhin min hriatsak sela a thain ka hria a. Din that leh ngei tha in ka hria ani.

Tin, PHE ah hian han lut ta ila, Demand No. 25-na Water Supply & Sanitation chungchangah hian Mizoram ah chuan Aizawl khawpui hi Mizoram Population 25% deuh tho awmna ani a. Aizawl Greater Water Supply Scheme Phase-II alo fel loh takah chuan hmalakna tur kan MLA zahawm takin a zawhna ah khan PHE Minister khan running meter 400 vel tih loh ani, 'kum 2011-2012 ah hian pawisa a awm chuan zawh tum ani ang, a ti chauh mai a. Kan Sorkar hian a ngaihpawimawh a ngai a ni. Aizawl khawpui tuiin tur hi uluk taka ngaituah a, zawh ngei tum a tha a. Tunah hian kan harsatna chu tui trip khat Rs 1500-2500 in kan lei a.Cheng maktaduai tam tui lei nan mipuiin kan seng ani. Hei vang hian hetiang a mimal sum tamtak sen ngai lo tur hian, kan Sorkar hian crore tel engnge mawzat sanction in zo thei ngei sela, a tha in ka hria a. Chung kawngah chuan theih tawp chhuah a tha a. An hmang tawhna a an la zo lo tih chu memberte zawhna atangin a Chiang em em ani. Chuvangin kan Minister te hian

Sorkar hmasa tih ni mah sela in mawhphurna ani bik lo. A dik lo chu a dik lo in siam mai ula a dik kha chu a dik in kal sela a thain ka hria.

Tin, Pu Deputy Speaker, Greater Water Mamit Supply Scheme chungchang thu ah hian han sawi leh lawk ka duh a. Hei hi crore 5 vel seng a siam a ni a. Tut lui pump chhohna tura tih ani. Amaherawhchu, an pump chhohna hi LAHMUN Lui kha an alo pump chhuak lo niin, mipui hian kan hre manglo alo ni a. Pu Deputy Speaker, hei hi i bial chhung a ni a, ka ngai pawimawh riaua. Monitoring cell ten uluk takin enkawl a tha in ka hria. Mamit khu mipui singkhat vel awmna a ni a. Khulai ah khuan an pump chhuah tur hi 40.000 litres per-hour a pump chhuak thei tur khawl 4.2 kilo water neih tura ruahman ani a. 400 kilo water vel a pump chhuak tur ani a. Tun tum KTP Conference ah khan tui an nei ta lo mai ani, an mangang em em mai a. Amaherawhchu rem hriatna in a bialtu te pawh an ni ang a, tu pawh an ni ang a. Emergency takin ruahmanna siamin, Kurung lui kha an pump chhuak ta a. Gravitation in an la a. Chutiang chuan tunah hian ruahmanna an siam chawp ringawt mai a ni. Kha vang khan thil a dik lo hi chu dik lo in kal chho sela, fimkhur a ngaia. Ram hruaitu ten uluk taka en a, Monitoring a ngaiin ka hria Pu Deputy Speaker, tlem te kan sawi leh lawk minute khat chiah (Deputy Speaker : Duh tawh dawn tawh la, khi kan bawhpelth thui lutuk chuanin). Minute khat chiah, minute nga khi tling sela, ka hunah khan, khawngaihin. (Deputy Speaker : Aw, minute khat chiah a nih leh han sawi zo rawh le). Aw, Tourism chungchangah hian N. Vanlaiphai leh E. Lungdar ah hian Tourist Lodge sak zawh tawh a awm a, Eng tikah nge an hawn dawn tih kan sawi duh a. Tin, a bik takin Beraw tlang kan chungchang thu ah Minister kha ka tawrhpu em em a. Ka tawrhpu thu kan sawi duh a. Tin Tourism hian Budget hi kumin ah hian 33.44 lakhs in an pha lo ani. Tourism hi tih changkan a ngai. A chhan chu ram dang mikhual te pawh kan nei dawn a. Thlenna tlak leh conference na tlak hi Mizoram ah kan nei lo reng reng a, churang chuan tun aia ruahmanna chak zawkin heng Budget te pawh hi han san thei sela a tha in ka hria a. Ka lawm e.

DEPUTY SPEAKER : Le, tunah chuan chawhma kan chawl ang a. Chhawhnu 2:00 P.m. ah kan lut leh ang a, kan tan leh dawn nia.

2:00 PM

DEPUTY SPEAKER : Kan Demand sawi kan chhunzawm leh ang a, chawhma lama khan mi pariat in an sawi tawh a. Tunah chuan chhunzawm leh nghal ila. Tunge sawi tur le ? Kan phar rual viauna a, chawhma lam atang khan a phar tawh a, Pu Hmingdailova.

Pu HMINGDAILOVA KHIANGTE : Pu Deputy Speaker ka lawm e. Sawi tur a tam viau mai a, Sawichhun erawh chu uar deuhin sawi ta ila.

A hmasa berin Demand No.16-na Home chungchang ah hian enggemaw kan sawi ve duh a. Sorkar thar kan neih hma khan Pu Deputy Speaker, Law

& Order enkawlina hi a lungngaih thlak hle a. Chipchiarin pakhatna, pahnihna te han sawi duah lo mah ila, a lungawi thlak a. Kan Home Minister zahawm tak hian kan Police Force te hi a enkawl thiam hle a. A motivate thiam ti ila a sual awm lo ve. Moral pawh a sang a. Moral a sang chuan an hnathawk turin an in peih thei ani ti ila entirman, sorkar hmasa ah khan kan second I.R te Chhatisgarh ah kal tura buatsaih an ni a. Khatih lai hun khan thil zahthlak tak niin ka hriatsak a. Second I.R kha an nuar lo chauh kha ani mai a. Kan hriatpui ve a, tlaia roll call tur pawh khawzawl ah khan an awm mang lo ani. A in dawt zut mai a, hei chu kal lo mai rawh se, hei hi kal zawk rawh se ti reng reng khan. Chuvangin, khatih laia Police moral kha a hniam em em a. An nuar lo chauh ani. Amaherawhchu tun hnai mai ah hian Third I.R an kal ve ta a. Kan Sorkar thar hnuaia Third I.R kal tur erawhchu an kal tur pawh hi public pawn kan hre meuh lo. Harsatna nei lo khan an kal ta mai ani. Chuvang chuan ka rilru in Force Officer kan ni a, sawi kan duh em em thin a kha han sawi chhuah ka chak deuh a. 'It is not the weapon that matters, it is the man behind the gun that matters' tih kha a vaiin kan sorkar hotu te hian an changin ka hria. Kha kha vawiin ah hian kan sawi duh a. Congratulation pawh hi phu hle in ka hria kan Home Minister hian.

Tin, 13th Finance Commission kan hmu a, kan mamawh ang te hria in kan hotu ten harsatna sawiin Demand te an lo siam hlawm ani tih a chiang a. Chungah chuan Fire & Emergency service ah khan 20 crore lai kan hmuh kha kan hria a. Nikum atang thawh khan Zoram hi kan mautam result te pawh ani ang. Mau tam ala awm reng a. Ram a kang nasa a, chumi in ven nan chuan ani ang chu Fire Emergency atan hian mamawh te anlo zu sawia. Crore 20 lai kan hmu a. Tih tur a tam hle ani tih a hriat a. Nichina ka hma a sawitu member zahawm tak te pawh khan Fire Station pawh nilo sub-station mai district ah kan la nei ani, tih pawh an sawi kha. A enga pawh nise, kan mamawhna hriain kan hotu ten an rawn buatsaih hi a lawmawm hle ani tih hi kan sawi duh a.

Tin, ramri hnaih deuh ah te Police Station kan mamawh a, Police Department chang nilovin mipui nawlpui hian Police Station kan mamawh vek a, kan harsatna te kan thlen dawnin a hlat viau chuan tih ngaihna a awm lo. Chuvang chuan Police Station hmun tam takah a tam thei ang ber kan neih a tul tih hriain kan hotu ten anlo zu demand a, hei crore 31 lai kan hmu bawk a, a lawmawm hle a ni. Chumai ni lovin a kalpui district jailte, sub-jail te pawh mamawhna a nasa a, district a pung zela, chutah pawh chuan crore 30 lai kan lo hmu bawk nen.

Chu lo leh ah chuan a sipai rimnam Sainik School kan sawi lar ta viau a, chu pawh chu an tan nan crore 50 min rawn pe a, a ropui hle ani. Kan sawi tawh ang khan tun hma deuh chuan mizo te hi Assam Regiment ah a tam ber kan ni thin a. Keini tanlai pawh hian JCO kan tih (Junior Commission) hi vai pahnih/khat bak chu mizo vek an ni a. Amaherawhchu mizo vek kan tih hian a hnahtlak hote nen. Khatih lai hun khan mizo hnahtlak ho pawh hian hnahtlak an in ti lo, Pu Deputy Speaker mizo kan ni an ti vek a. A boruak a nuam hle a, vawiin ah erawh hi chuan ani ta meuh lo, sawi thui lo ila. Tichuan, Sainik School mai nilo kan Chief Minister zahawm tak, House Leader hian sipai bangte harsatna hriain Champhai leh Kolasib ah District Sainik Office tur, a staff te nen min buatsaih sak vek a, a chungah hian sipai bangte kan lawm em em a. He Sainik office hian serving personel leh a bang tawhte welfare chauh a enkawl lova, a enkawl chu sipai tang duh a tih dan hre lote, tin, tanna chang hre lote tan awareness an

thehdarh thei a. Sipai hi a tam thei ang ber tan kan mamawh ani tih kan hria, kan economy a san zel theih nan. Chutiang a district tina Sainik Office kan neih zel chuan hun kal tawh tawh kum sawmli sawmnga laia “ awi ka rei Lucknow ” tih kha eng khua khua emaw chuan an la rawn ti ve leh in ka ring. Chumi atan chuan a pawimawh hle in ka ring.

Tin, chulo leh a chuan Law & Order a that em avangin a hrin chhuah chu Tourism lam a promote a. Mizoram ah hian kan ram thenawm te ang hian buaina nitin chulai vengah chuan security force leh hel an in kap a, pahnih an thi, pakhat a hliam tih hi tuktin mai awm sela chuan tute mah hi an lo zin duh lovang. Chuvang chuan Law & Order a that avangin Tourism pawh a promote nghal a. Chuvang chuan Tourism Minister-te leh a department ten Tourism promote an tum hle pawh hi a ti hlawhtling in a hahdam thlak hle ang tih alang chiang nghal a.

Demand 38-ah kal ila, Rural Development hi, India rama kan hotu lian ber ten miretheite harsatna an hriat avangin NREGS an rawn ti chhuak a. Sorkar hnathawk lo ten tam an tuar lohna turin hnathawhna in hlawhfakna an rawn siam a. Vawiinah zoramin kan vanneihpui a. Chumi rual chuan eng engemaw sawi tur chu a awm ang khalam kha chu dah tha ila. Ka rilru erawh chu he House zahawm tak ka hriattir duh mai mai chu, he NREGS tha tak inhlawh nana kan hman si hi kan ram mipuite hian anih tur angin kan thawk lova, kan mentality hi duh aiin a bal deuh a, hna kan thawk tha lova, chu chu kan hotute mawhphurna pawh ani bik lo, Zoram mipuite mawhphurna ani tih kha ka han sawi ve duh mai ani.

Tin, chuloleh ah chuan tui hi kan mamawh khawp a. Chaw hi a nghei theih viau a, tui erawh chu a tel lo chuan awm a har hle. Chuvang chuan kan Sorkarin namen lovin tui a ngaihtuah a. Amaherawhchu, vanduai thlak takin Aizawl tui harsatna ti kiang tura kan Sorkar Congress kum 10 hmalam ami a alo buatsaih sa kha kum 10 chhunga tih chingpen a a awm avangin vawiin ah kan hotuten han tharthawh leh chiam mahse pawisa tam tak a ngaih avangin duh aiin hna an thawk muang ta a, a pawh hle a. Amaherawhchu chuti chung chuan theihtawp an chhuah zel a.

Tin, thil hnaivai deuh te pawh han sawi ila, Thingdawlah te pawh water reservoir pahnih/pathum an sa dawn mek a, khulai bial hahchawlhna atan. Tin, Nisapuih te pawh tuizem min siamsak dawn a. Hmanni a YMA khawmpui pawh tui an nei lova, an thulh dawn emaw kan tih lai khan Hortoki ah tui min buatsaih sak a. Kan lawm khawp mai. Awle chu chu ka sawi theih tawk nise, Pu Deputy Speaker, ka lawm e.

DEPUTY SPEAKER : Pu Chawngtinthanga i lo sawm ang.

Pu CHAWNGTINTHANGA : Pu Deputy Speaker, ka lawm e. Hun tawite ah ka tawng chak ve lova, tlem tlem kan sawi anga. Demand pathum pali chu sawi zawh hram ka tum ang a.

A hmasain Demand No 25-na ah khan han lut ila, kan department hruaitu Minister te leh kan Sorkar hian department tinah hian hna an thawk tha em em a, a lawmawm hle in ka hria a. A hranpa a kan fak chiam pawh ngai in ka hre lova kan hmuh danin Major work ah 4700 te kan hmu a.

13th Finance Commission ah khan 4 Crore kan hmu ani. Tichuan nasa takin PHE department hian hna an thawk a. Hei khawpui a kan tui harsatna solve turin theih tawp in hma an la a. Greater Water Supply Scheme Phase-II pawh contractor a thawh that loh avangin an ban tir a. Department work in chak takin an nawrchho mek a, A lawmawm hle ani.

Hetih lai hian tuilam ah hian kan harsatna, an beih nasat teh lul nen a kiam chuang lo, hei hi khawvel kal phungin a rawn hrin chhuah ve niin ka hria a. Thingtlang lamah pawh hian harsatna nasa tak kan tawk in ka hria a. Kan general discussion ah khan ka sawi tawh nghe nghe a. Thingtlang lamah chuan khawtin mai hi gravitational scheme in water supply an pe a. Khawtam zawk chu covered village ani tawh e an ti a. Amaherawhchu tunah chuan kan tui hna tha tak tak te kha alo kang chat a, Tuih hian an mang ang em em mai ani. Tlangsang lam atang lo chuan gravitation hi a tih theih silova, chuvang chuan kan tih tur nita a lang chu, hetiang a tui lo kang zel leh khawvel lum leh boruak chhe mek zel hi kan check theih si loh chuan Rain Water harvest ah hian chak tak a kan kal angai niin ka hria a. Tin, Chumi bakah chuan a remchang zawk ah chuan hmun hniam zawk a, tuihna tha awmna amite kha pumping system a kan arrange sak hi a pawimawh hle in ka hria, chu chu ka han sawi duh a.

A dawt leh ah chuan Demand No. 43-na Tourism Department ah khan han kai ta ila. Tourism Department leh Art & Culture hi a in co-relate hle in ka hria. Hman ni mai ah khan kan Chief Minister zahawm tak thahnem ngaihna leh kan Art & Culture Minister thahnem ngaihna in World Record, Bamboo Dance ah kan lo siam ve ta a, a ropui hle a, kha khan Mizoram hi khawvel hriat ah a thalam in alo tarchhuak tan ve ta a. Tichuan khawvel hmun hrang hrang a mite hian an mit an rawn len tan a. Tichuan Tourist ho an lo lut cham cham zel a, 2009-2010 ah khan Tourist 52812 ram chung leh pawn a mite an lo kal a. Tah pawh hian Revenue nuai 119 leh sing 1 leh sang 4 leh 443 lai an nei a ni. Tunah hian Circuit House te, Tourist Lodge-te sawm pakhat enkawl lai an nei a. Building sak tawh, wiring la fit loh, chhonzawm nghal zel ngai sawmpakhat dang an nei baw a. Tin, 2009-2010 chung hian Tourist Lodge la cover tur buatsaih 7 an nei a ni. Hetiang hian tan an la nasa in an fakawm hle in ka hria. Tourism a kan future prospect a tha em em mai hi an hre Chiang a, chak takin an thawk ani. Mahse hetihlai hian a thawktu kan tlachham em em ani tih member zahawm tak ten an rawn sawi tawh nghe nghe a. An hna thawk zawng zawng hmun li a (3/4) then hmun 3 kha M.R an ni e, an ti a.

Tin, tuna kan sawi zawng zawngte kha manage a, enkawl zel a ngaih avangin thawktu an in daih lo em em a. Chuvang chuan an Revenue earn tur ang pawh an earn thei lo a ni a. Khawvel hmun hrang hrang atangin mi an lo kal ang a, alo mikhualtu tur Tourism Department hi kan thuum that a, kan tih changkan si loh chuan awmze nei lo a ni ang a. Chuvangin thuum thaa, tih changkang zel tur a chak taka kan pen a ngai ani.

Tin, Demand No. 38-na, Rural Development Department hi han sawi leh ila. Rural Development Department han tih hian a hming hrim hrim pawh hi thingtlang lam bialtu tan chuan a ngaihawn awm hlah hlah nghal mai a ni. Hei hi kan development hnar, engkim kan inngahna a ni a. Tin, a fund lampang kan han enpawh hian a tha thawkhat e. Rural Housing ah chuan 100 lakhs kan hmu a. Social Education ah 300 ; tin, Construction of Community hall ah hi chuan a tlem deuh a. Tin, 13th Finance Commission award ah hian tam tham tak kan hmu tih ka hma a miten an sawi tawh a. Chuvang chuan a lawmawm hle in ka hria ani. Amaherawhchu, he department chungchanga ka han sawi duh chu constituency hrang hrang kan han en chuan then khat border area ami te chuan BADP an chan theih laiin hmun thenkhat backward region a Sorkar in a puan te chuan BRGF grand te an hmu thei a, an lawmpui awm em em ani. Mahse chutih lai chuan heng fund tam tak Central atanga lo kal development chi hrang hrang atana lo kalin a cover ve theih loh constituency tam tak Zoram ah hian a awm ani tih kan hre theuh awm e. Chungte tan chuan engemaw chu a bika tangkai tur kan siam a ngai ngawih ngawih in ka hria a. Hmanah khan ka sawi chhuak tawh em aw ka hre lova, Assam khu chuan Bodo Land khuan Hill Area Development Grand a special in an dawng ni awmin ka hria, ka hriat sual loh chuan Bodo Land pawhin Hill Development Grand an dawn theih chuan keini Sorkar atang pawh hian chak takin kan hotute hian ngaihtuahin nawr se, Mizoram pumpuia constituency zawng zawng hian Hill Area Development fund hi hmuve thei dawn lawm ni ? tih hi ka ngaihtuahna ah a awm a, chu chu ka han sawi chhuak duh a. A dawt leh ah chuan 13th Finance Commission Award ah khan Special Area Performance Grant 6.2 crore, Special Area Basic Grant 8.9 crore te a awm a. Hengte hi bial changkanglo zual kan Minister zahawm tak Pu Rohluna bial hmar lampang te, Chalfilh constituency hmar lam pang te, Tuivawl Constituency hmar lampangte leh a piah hmun hrang hrang ami te hnenah hian hman tangkai theih ani dawn lawmni tih kha ka han sawi duh a.

A dawt leh ah chuan Home hi han sawi leh ta ila, Home hi fak ngai lovin a Chiang sa mai. Police Force te hnathawh dan leh tuna an chet that zia hi a ropui a, fak tlak ani. Minister pawh a fak tlak hle in ka hria.

Tunah hian Home ah hian 13th Finance Commission Border Area a Police outpost leh Station sakna tur tam tak an rawn sanction a. Hei hi a tum dan chuan Border Area bik ani nghe nghe a. Border Area a harsatna tam tak kan tawhte sutkian nan hian Police Outpost min rawn siam sak ula. Tin, kan Police Station hnaih leh outpost hlui hlawn tawhte pawh khawngaihin rawn thum thar ula a tha in ka hria. Tin, Pu Deputy Speaker, Khawlian ah sawn Session hmasa ah pawh ka sawi tawh a. A.R Battalion hmun kan nei ve a. An building a chhe em em a, fur lokal tur, thlipui a hlauhawm a. Pakhat phei chu EFCI Kohhran hnena an rochun atangin an Sunday School Hall kha an la hmang mai mai nghe nghe ani. Khi khi min sak that sak ngei tawh sela. Tin, a sa tur khian, area chungchangah thil fello a awm ni in an la sawi a. EFCI hotute leh kan Sorkar inkarah engemaw chinfel tur a awm ni in an sawi a. Chutiang te anih chuan Revenue Department hian a ranglamin Home Department nen min chinfel sak se tih ka han sawi bawh ani. Ka lawm e.

Pu H. ZOTHANGLIANA : Pu Deputy Speaker, ka lawm rualin vuithu deuh tawite, sawitel ka duh a. Nang leh kan Speaker zahawm tak hian in veilama thute

hi in duhsak bik lutuk ka ti a. Hun in pe tam a, ngaihathiamna hi an chungah in lantir nasa bik riau mai a. Hei, session te kan nei ve ta nual a. An tam lemlo a, a awm tho mai bawk a. Mahse keini lam pawh hi engemaw changa 'Khawngaih takin' kan tih lawm lawm hi chuan min han hrethiam ve thei deuh ula, tih kha ka'n sawi tel duh zawk ani, ngenna anih chu.

Demand No 16-na Home, including prisons, tih ah khan kan thiante, kan member pui zahawm tak ten an sawi tawh ang khan ka'n sawi hmasak duh chu he Sorkar thara kan Home Minister chak tak kaihhraina a Law & Order kenkawhna a hmasawmna nasa tak lo lang chho zel hi a ropui a, a lawmawm a, a chhuanawm a, a fak tlak a ni tih kha a tawi thei ang zawngin ka'n sawi duh a. Chutih rualin Police kan han tih deuh ber M.R.P. ho hi an indaih lo em em mai a, a bik deuhin ka hriatchian han sawi ila, Lawngtlai chu S.P. thuthmun a ni a, Addl. S.P. hi kan la nei ngai lo niin ka hria a, S.D.P.O. tunah sawn kan nei a, mipuite min venga, min enkawltu tur a kan beisei laiin amah saw enkawl ngai, ven ngai a ni a, a khawngaihthlak hle a. Aizawlah, hmunpui lamah lak phei a, a chhung ten an enkawl thuai loh chuan a nunna pawhin a tuar mai ang tih ka hlauhpuoi a. Chuvangin, tha deuh zawk, hman tlak deuh zawk kan mamawh a ni tih hi remchangah ka'n tarlang hram duh a ni.

Tin, M.R.P. hmun hrang hrangah ani in ka hria a. under staffed deuh vek anni mai a. Chutih laiin I.R. kan ngah tawk viauin ka hria a. Ministry hmasa hunah khan I.R. ho kha a dik a dawktlu lemlova, MRP, MAP ah te convert an ni deuh tawp tawp mai a, a tawp lamah an manganpuoi a, 'Conversion hi tih tawh loh tur, khap bur a ni e' an ti ta ngawt kha a ni a. Engpawhnise, I.R. lam an indaih tho si a. MRP ah hian convert ni lovin hmun pawimawh hrang hrangah hian attached ni thei se a pawimawhin ka hria a, chu chu ka'n rawt duh a ni. Kan Home Minister zahawm takin chutiang zawnga rem min ruat sak theih chuan a lawmawm em em ang ka ti a ni.

Border Oupost hi ka hriatsual loh chuan kan hotuten min hrih danin, Assam Rifles hote awmna tur deuh a ni a. Police te, MAP te, I.R. lam te pawh dah ve theih tho an ni awmin ka hria a. Chhim lamah chuan Bangladesh nena kan inri na te, Burma lam nen kan inri na te, hmun pawimawh tak tak mai, helho tawm kuk, tawm buk a tam mai a. A bikin Kolodyne Multi Modal transport te hi tihhlawhtlin a ni chho dawn a. Heng karah hian Hmawngbuchhuah emaw, Zochachhuah emaw, MLA zahawm tak Pu Ramhluna bial lamah Police Outpost emaw, Border outpost kan tih ang chi hi kan mamawh em em ani tih ka sawi duh a. Chhak lamah Vawmbuk, Phawngpuoi tlang bula awmah hian kan mamawh tak meuh bawk a. Burma atangin misual an lo lut a, thil sual an ti a. Awlsam takin darkar hnih khat lekah an tlan let leh mai thin a. Chung ang thil tha lo dang tam tak a awm bawk a. A danna atan chuan Outpost hi kan hotuten min dah sak thei se kan mamawh em em a, kan lawm hle dawn a ni tih ka sawi tel duh a ni.

Jail tih changtlunna atan 13th Finance Commission-in crore 35 vel zet an ruahman sak tih kan hria a, lawmawm ka ti a. Ka sawi sual palh em aw, Emergency Service tan a ni mai thei e. Engpawh nise kan hotute hmalaknain District Jail hrang hrang te tih puitlin chhoh vek a ni a. Lawngtlai lamah pawh

chutiang chuan hma an la mek a. Quarters te sak chhoh mek a ni a. Kan lawm a, kan nghakhlal a, min hawn sak thuai thuai se kan ti tih kha ka'n sawi duh bawk a ni.

Demand No. 27 ah ka'n kai ang a. District Council te he sorkar thar hian a duhsak a, a lawmawm a, Pu Nirupam an a sawi tawh ang khan tun sorkar tharah hian duhsak kan hlawh chho hi a ropui a. Ministry hmasa lamah khan an hun tawp lamah fund allocation pawh kha a mumal lo nuaih mai a. Kan population leh kan area a len dan azirin, Congress Ministry hmasa hun chhung zawngte kha chuan fund min pek danah pawh hian 7:9:11 in a proportion a hi tukfel thlap a ni a. Lai District Council hi a len ber avangin 11, a dawttu, MARA 9, a dawt leh CADC 7 a ni thin a, chu system a pawh chu tunah hian kan hotupa ber, kan Chief Minister zahawm tak hmalaknain zawmchhoh a ni leh dawn te hi a tha ka ti a. A lawmawm ka ti a ni tih kha ka'n sawi tel duh bawk a ni.

Demand No. 38 ah hian kan bial pawnlam thil bik deuh BADP nei ve lo ho area hrang hranga hi kei pawhin an ngaihpawimawh awm ka ti a, kan thian ten an sawi tawh nangin han sawi ve zawk ka duh a. BADP sum an dawn ve theih si loh avang hian RD atanga scheme dang awm remchangah hian, han duhsak bik deuh hram hram theih nise, a tha awm leh zual mang e, ka ti a ni. Ka bula thu, ka thutpui, kan Aizawl South III bialtu zahawm tak Pu K.S.Thanga bial te hi entirnan han hmang ta ila, Aizawl khawpui ngheng reng an nih rualin, BADP sum te hi an dawng ve thei lova, thingtlang khaw te tak te te te pawh an awm ve lawi si a, an mamawh ve hle a ni tih kha ka han sawi tel duh bawk a ni. Kan hotute hmalakna avangin, IAY mirethei chhumchhia te, hmeithai te In sak tanpuina sorkar tharah nasa taka sem tan a ni tih kan ngaithla tawh a, ka sawi nawn ve hrim hrim duh a. Heng ho hi pek pawh an manhla a, pek man a awm a, a lawm pawh hi an lawm thiam ber zah mah a, kan hotuten nuai 4, nuai 5, nuai 10 tel man contract an pek ho ai pawh hian lawmthu sawi nachang te hi an hre zawk nghe nghe tlangpui lehngal a. Tin, sum hi an hmang dik nge nge. Rethei, harsa tak te an nih avangin an hmuh ang chhun chhun kha a nihna tur ang takah insak nan, in thawm that nan te an hmang tak tak tlangpui a, a lawmawm em em ani. Chutiang chu hriain kan hotute hian IAY lama fund allocation pawh an han tipung chho zel a, hmanni a ka'n sawi rik zawk tawh ang khan, ministry hmasa kum 10 chhunga an sem aia tam kha keini bial ve ngialah pawh khian sem chhuah tawh a nite hi a ropui ka ti a, kan hotu te an fakawm ka ti ani. Tin kan memberpui zahawm tak tak thenkhat ten official lamah harsatna an nei niawm in ka hria a, a paw ka tih pui hlawm khawp mai a, keini bialah chuan kan Deputy Commissioner te, kan Project Director te, BDO te, hnathawktu dangte an fel a, mi hriatthiamna an nei thuiin kan thawh hona a tha em em mai a, churang chuan harsatna kan nei ve lo ani tih te pawh hi he House zahawm tak kal tlang hian mipuite hriatah ka'n puang chhuak ve hrim hrim duh bawk ani. Chu chu a tlangpui thu a ka ngaihpawimawh zual ni mai se, Pu Deputy Speaker ka lawm e.

DEPUTY SPEAKER

: Hun i vawng tha hle mai. Pu John Siamkunga.

Pu JOHN SIAMKUNGA : Pu Deputy Speaker ka lawm e. Kan member zahawm tak tak ten a tam zawk an sawi tawh a, khang ho kha ka rawn sawi nawn tawh lo anga. Kan demand sawi loh te kha kan member zahawm tak tak ten an sawi tawh avangin a pawimawh lo nilovin sawi nawn sawi nawn hi thil tul a nih loh avangin ka rawn sawi nawn tawh lo anga.

A hmasa berah chuan House chungchangah hian demand No 16 na kan minister zahawm tak hnen ah hian lawmthu ka sawi a. Law & order situation awm dan a tha a, tin, thil dang a hmalakna a tha a, hengah hian lawmthu ka sawi a, Prison chungchangah hian tlem han sawi lawk ka duh a, Jail administration hi kan siam that a ngai a, kan Sorkar hmasa atang tawh in an rawn kalpui a; hei vawiin ah Study Centre te pawh an din niin ka hria a, in siamthatna hmun atan siam an tum niin a lang a, a lawmawm hle a. Chutih laiin hard core criminal kan tih thenkhat phei chu convict tawh te la convict loh te pawh lungin nuam ti hrim hrim, sual pawisa lo hi an tam ani. Hengho te leh vawikhat thil tih suala tang ta te hian thil tha lo tak a thlen thin tihte kan dawng a. Thudawna pakhat chuan tleirawl 3 vel lungin an tang ve a, an thil tih sual pawh nasa lem lo ani a lo tang rei tawh hoten an man bet a, an pawngsual ani. Tap zawih zawih kha thil duhawm lo kha an tuar ani tih te ka hria a. A hun te a lo rei deuh tawh ni in thil sawichhuah tlak leh siamthat ngai niin ka hria a. Chuvangin mi ang lo kan siam chhuak fo dawn ni hian a hriat a. Mi rilru na a an lo chhuah chuan insiamthat tum aiin a aia thuk zawk a sual khawih kha an tan thlen tur awmchhun a ni thei ani. Chu vangin khang thil reform hrang hrang kan khawih bakah khan, heng ho dah dan hi, a vawikhatna ah accidental pawh a tih sual theih, lungin thlen ve theih a ni a, khangho leh he laia sual tak taka kan hriat te dah pawh khan sual hi a ti pung thei a. Chu chu tih that ani angem tih ka han sawichhuak duh a.

A pahnihna ah chuan Demand 25-na Water Sanitation & Supply ah hian, Minister changtu zahawm tak hi lawmthu hrih ka duh a. Heti khawp hian tui lam ah kan harsa a, khua a kheng a 2008 kum tawp lam atang khan khua a khenga, vawiin thlengin kan hria ani. Nikum ah tlai takah Moonsoon ruahtui a lo thleng a, mahse a awm rei hlei lova, chuvang chuan Mizoram ah tui hi a tlem ani. Thingtlang ah phei chuan gravity hmanga tui kan lak tam tak te hi a kangchat tawh a. Hei vang hian tui harsatna an taw nasa em em a, motor a chawi te a ngaih phah hial a, ala ngai dawn chauh ni te paw'n a lang nghe nghe ani. Kan Minister zahawm tak hi lawmthu kan hrih duh na lai pawh, mipui harsatna chhawk zang tur leh an harsatna paltlangna tur anih dawn chuan tiin huai taka hma la in, Aizawl Greater Water Supply Scheme Phase-II kan zawh theih loh a chu a contractor banin departmental in an thawk ta a ni tih kan hria a. An thawk chak a, hma pawh an sawn thui viau tawh a ni tih te kan hria a. Chuvangin, mipui hmangaih vanga huai taka hma a la hi fak leh lawmthu hrih tlak niin ka hria.

Demand No. 43-na, Tourism ah hian kan hriat angin nikum deuh mai ah pawh khan, ramchhung, Domestic Tourist kan tih ho hi singli sangthum zanga sawmruk anlo lut a, foreign tourist hi zathum sawmruk pariat lai an lo lut bawk a. Hemi atanga kan sum lakluh hi 105.12 lakh (nuai za leh panga point pakhat pahnih lai a tling a ni) . Chuvangin Tourism lampang hi kan uar chhoh deuh deuh hi a ngai dawnin a lang a, kan sum hnar turte ala ni turah ngai ila. Chutihruah chuan Mizo thawnthu ah kan hre thin a, Tiau hi a chhim luan a, Tuipui-Kolodyne kan tih khi a rawn hmar luan thung a. Khi khi Mizoram ah khian an insu a, furlai phei chuan kha tui pahnih zangkhaui han insu kha a

insual uaih uaih a, sangpui pui in a ding thin a. Chu chu mi in hmuhdawm an ti em em a, an en thin a, haw nachang pawh an hrelo a, rawngbawlna chang pawh an hrelo a, nupa tuak sarh an inthen phah ani an ti ani, kan Mizo thawnthu ah chuan. Chu chu ka bial chung a awm khi a ni a. Khi khi tourist hote pawh in an la hmuh duh tur, fur huna thil thleng thin niin an sawi a, Chuvangin, Tourist ho pawh khi lamah khian beng min chhit sakin hma min laksak se. Tourist Lodge te khi lamah khian a la tul turah ngai ila. Khatianga rilru minlo peksak tur khan ka rawn ngen a ni a. Pu Deputy Speaker, ka lawm e.

DEPUTY SPEAKER : Hun a hmang tlem deuh hleka, midang a kian ah ngai ang. Pu P.P. Thawla

Pu P.P. THAWLA : Pu Deputy Speaker, Demand 27-na atangin ka han tan ang e. District Council chungchang thu kan lo ngaithla nual tawh a, ka sawi belh duh chu Mizoram Sawrkarin 20% in plan sum kan hmuhbelh tih kan hria a, chuvangin District Council pathum te hi hlawn lampang indaih lohnate a nasa thin bawk a, 20% ang tho kan plan sum R.E ah hian min pek belh kan beisei hle ani tih kha ka han tarlang duh a, chu chu a changtu Minister zahawm takin minlo hriat sak sela.

Sawrkarna kalpui tute, kan unaute sawidan phei chuan kumin ah hian hlawn lampang indaih lohna avangin R.E. ah hian nuai za leh sawmnga vel tal chu kan mamawh ani tih hi, helama hotute zarah hmuh inbeiseiin kan nawr tlut tlut a. Chu chu kan Minister zahawm takin min tih hlawn tlin sak ngei se tih ka duh thu ka'n tarlang ani.

A dawt lehah chuan nikum lamah khan plan sum kan hmuh zingah nuai sawmnga ang vel chu Sangha chi supply nan kan lo hmang ang, Planning lamin an ti tih thawm kan hria a, a tak tak emaw ? A tak takah erawh chuan a hnuhnung berah chuan nuai sawmhni panga ang vel hi chu Sangha chi supply nan sum hmanral niin kan report dawn dan chu a ni a. Mara Autonomous District Council huamchhungah nuai sawmhni panga man em em Sangha chi han thehdarhna turin Sangha dil pawh a awm reng reng lovin ka hria a. Hei hi tute emaw sum insiamna mai mai te alo ni palh ang e. Tin, Planning Department hotu lamah te hian Sangha dil a chi lakna tur tha deuh an awm ta emaw chu aw tih te min ngaihtuah tir a. Hei hi a changtu Minister zahawmtakin min lo chhui zui sak a, hetiang thil thalo hi a awm chhunzawm loh nan hma min lo laksak turin ka beisei thu ka han tarlang a ni.

Tin, Demand No. 38 – Rural Development-ah hian han sawi ka duh a. Palak Constituency lo nita, Lodawh khuaah hian tun thleng hian Motor a thleng thei lova. Kum nga kalta a Sorkarna i dinglama ka thut ve lai pawh khan, Pu Deputy Speaker, he khuaah hian motor a thlen theih ngeina turin hma ka la fe thin a. Mahse, ka lo chuh chaklo deuh emaw ni, BADP sum atanga hmalakna pawh chu Aizawl lampang mihring bawk khan hna kha an chang leh thin a. A sub contract ka dilte lehzel pawh chu ka hlawn tling lova. Tun thleng hian motor thleng thei lovin Lodawh khua hi a awm a. Chuvang chuan, he Sorkar chaktak hun chhung hian Lodawh-ah hian motor thleng thei ngei tura hma min laksak ka

duh a. Central sum tepawh a lo tam belh zel bawk a tih ka han tarlang duh a ni.

A dawt lehah chuan IAY chungchangah Lawngtlai East bialtu zahawmtakin a rawn tarlan ang khan keini thingtlang miretheiah chuan IAY sum hi a amount hi a laklawh deuh a. Singnga vel tal hi chuan san theih nisela, a awm ka ti hle a. Tin, kei leh ka pawlte ho hi Sakawr leh Tawlailir rinchhan tur nei ve lova, mahni tal tala tal ve hi kan ni a. A Sorkarna tak takah hian kan awm ve ngailo bawk a, kan mi leh sate chu an rethei reng mai a. IAY kan changpha ve bawk si lova, kawng dang dangah hian kan chan zo vek mai a. IAY list an siam pawhin khawtlangah VCP te leh MTP leh recognized Party te an lo thukhawm a, MDF Party aiawh thu turin tumah an sawm ve bawk silova. Chutiang zelin a tuartu kan ni a, a chang awmchhun a te tal hi chuan singnga chang thei sela, tu Party an nih pawhin tih hi ka duhsak em em a. Singnga a san thahnemngai takin ka han thlawp a ni.

BADP Scheme siam sem chungchangah hian he development sum hi kan lo tangkaipui em em a. Chuvangin, Pu Deputy Speaker, tunhnu-ah he BADP sum hmanga scheme siam hi a scheme a amount tam tam hi Aizawl leh Lunglei mihringte ringawt hian chang lo sela. A ramchhung mihring hian 50-50 te tal chuan chang tlang ila a duhawm hle ang tih kha he House zahawmtakah hian ka han tarlang duh a ni.

Demand No. 16 na – Home Department changtu Minister zahawmtak hian chaktakin hma ala chho mek zel a. Posting and Transfer te an han siam a, nasa takin bul an tan tih hriat a ni a, a lawmawm hle a. Chutih laiin, Phurra-ah hian kum 2000 bawr vel khan MAP te an awm a, a lawmawm hle laiin engemaw harsatna avangin lak kir leh an ni ta a. Tichuan, khulai khu Myanmar border leh kawng pawimawh tak anih avangin a him taw lo a, tun hnaiah khan Police Station dah sak an ni ta tih ka hria a, a lawmawm ka ti hle a. Minister zahawmtak hnenah lawmthu ka han sawi duh a. Tichuan, he Police Station hi a ranglama quarter te siam a, mihringte in dah thuai thuai theih nise. Hei hi kawng pawimawh tak a nih avangin leh kan hmasawna pawh khilamah khian anih zel dawn avangin chu chu ka han tarlang leh duh a.

Tin, Saiha District-ah chuan S.P Hmeichhia, hnamdang ani a, engemaw ti takin tan a lak thiam viau tepawh chu beiseina chu ka nei a. Amaherawhchu, ka han sawi duh chu, kan Police quarter hote hi a lo tha tawh lo khawp mai a, ka kal hnun berah ka lenna-ah chuan quarter 2 vel hi chu luah tlak tawh loh in, thiah nibawk silovin, a ruakin a awm a. Quarter lane pawh a ti mawi lo hle in ka hria. Heng lampangte pawh hi sum dah tam nita sela, tih that nise tha in ka hria.

Tin, Tuipang te, Phurra te, Police Station a lo nih takah chuan Myanmar border te a lo ni bawk a, henglaia kan Police hotute leh Police Staff te reng reng pawh chak taka hma an lak theihna tur hian a kil lamah te hian motor tha hi in pek hram hram nise a tha hle ang tih kha ka han tarlang duh bawk a ni.

Tin, a dawt lehah chuan Jail inenkawlina-ah chuan Saiha District chu Jail senior tak a ni a, a hlui hle tawh a, maintenance lamah changtlung zawka inbuatsaih ni sela. Tin, District Jail te hi Jail Superintendent te fel leh fel lohah a innghat hle in ka hria. District thenkhatah chuan Superintendent te hi rei tak tak te an awmin ka hria, a thenah chuan reilote tepawh an awm in ka hria. Heng hi administration a fel theih nan leh thawktute zingah cooperation a awm that theih nan uluk taka enzui nisela, posting and transfer tepawh hi rualltlanga siam hram hram nisela a lawmawm hle in ka hria a, chu chu ka han tarlang duh bawk a ni.

Pu Deputy Speaker, Demand No. 25 na – Public Health Engineering-ah changtu Minister hian tan a la tih chu hriatpuitute kan niin ka hria a, a lawmawm hle a. Amaherawhchu, Saiha-ah te, Tuipang-ah te hian tui hi lui lian atanga a pump a pump chhuah hi tun atanga kan buatsaih vat loh chuan kan tuihnarte a lo kang chak khawp mai a. Hmanni mai khan changtu Minister zahawmtakte khua-ah kan kohhranin khawmpui/Assembly kan nei a. Tui a lo harsa viau mai a ni. Hetiang hian thingtlangah tui harsatna a nasa hle a. Ka bial lamah Tongkolong – ah tepawh tui a lo harsa viau mai a. Chuvang chuan, ngaihsak kan ngai khawp mai tih ka han tarlang a. A changtu Minister te hi Sorkarin team anga kan in ngaihpawimawh sak lova, kan thil tumte kan inngaih pawimawh sak loh chuan mahni chauh chuan chak takin hma a lak theih mai loh ani tih kha kan hriat ka ring a. Chuvang chuan tui harsatna hi ngaih pawimawh a tha hle-in ka hria. Zoram awm dan tur atana inlarna lo hmu tute sawi danin ‘Zoram development kawt chhuah hi chhimlam ani ang’ tih hi a takin a thleng mek zelin ka hria a. Chuvang chuan kan development hma lakna hi chhim lamah hian ngaih pawimawh hlawn chho zel sela tih thahnem ngaih a na hle-in ka hria a. Chu chu ka han tar lang duh bawk ani.

Tin, Industries Department Demand No. 40-na ah khan nichina kan ngaihlak tawh ang khan MLA tin tena duhsak zawngte leh kan ngaihpawimawh zawngte, mamawh ngawih ngawih te hnena puanthui khawl te, mistiri bungrua te kan pek thin ang kha tih bo hlen loh ni hram sela, tih chhonzawm hram ni sela, a lawmawm hle ang. Chu chu kan han sawi leh duh a.

Pu Deputy Speaker, a tawpna ber atan chuan Demand No. 43-na Tourist bawk hi kan sawi tak ang khan chhim lamah hmasawna a kal chhoh mek zel avangin Tourism hma lakna pawh hi chhim lamah nawr chhoh a tul hle-in ka hria a. Hmanni khan a changtu Minister zahawm takte leh kan hotu dangte Longmasu lamahte kalin, hmun hma-te an thli thlai a ni tih te kan hria a, lawmawm kan ti hle a. Tuipangahte pawh reilo te ah Tourism Department hmalakna hawn theih anih kan beisei bawk a. Heng a hmalakna pawh hi tun aia chak zawka chhonzawm zel ni sela. Kan Missionary Headquarters Serkawnah pawh hian Tourism Department hian building nalh leh tha tak mai min sak sak thei nghe nghe sela tih duh thusam ka han tarlang bawk ani e. Ka lawm e, Pu Deputy Speaker.

DEPUTY SPEAKER : Tunge sawi leh tur le. Pu T.T. Zothansanga.

Pu T.T. ZOTHANSANGA : Pu Deputy Speaker, ka lawm e. Kha member zahawm tak Pu Thawla kha ruling a an awm laiin ngaihsak a hlawh si lova, helamah an ngaihsak bawk si lova. A leh pekah kan zingah lo tel ve sela, a pumpui tlang chhah kan lo pe ang e, kan rawn ti ani. Nichin khan Hrangturzo bialtu zahawmtak Pu Chate a khan Guwahati thil thleng kha a rawn sawia, kan Home Minister in Statement a rawn siam kha pawia a sawilo khawp in ka hria. Sap chanchinbu hian na deuh ang rengin a rawn sawi a, North East Telegraph (14.3.2010) engemawzat a rawn ziaak a, chiang deuh takin a hmu duh in an hmuh atan nisela amah hi a copy kan pe ve bawk a nge.

Pu Deputy Speaker, sawi tur ka ngah a, demand No. 25-na kan sawi hmasa a nga. Champhai in tun Sorkar ah tui hnianghnar kan nei ve ta a, kan lawm a, diesel a operate thin kha tunah Powerin kan han ti chho a, tunah khian champhai khawpui chhungah a tui chu kan nei tawh a, mahse a thawk tu M.R hi kan daihlo em em mai a, kan hotupa in min lo hriatsak ka duh a. Tui ah kan hnianghnar a, kan lawm a, mipuiin a taka kan chan theih nan leh chak leh zuala hma kan lak theih nan rilru in min lo hriatsak se ka duh a. Tin, ka bial chhung thingtlang ah P.H.E in hma a la nasa khawp mai a, kan lawm hle ani.

Chutih rual chuan Mizoram level ah supply scheme hrang hrang kan han nei a, a tui kan hniang hnar hlawm tawh ani, mahse atih thianghlim na kawngah kan chaklo deuh hlekin ka hria. Supply Scheme hrang hrang ah lawmthu kan sawi kan sawi a, ati thianghlimtu tur chemist chung changah hian tlem sawi duh kan neih chu, advertisement an chhuah hian BSC Chemistry subject, an han ti mai thin a, mahse, hei hi a out dated deuh tawhin ka hria, BSC Chemistry hian an thiamlo tihna ni lovin tunlai thiamna lo thangchho zel ah, a tak tak a a zirbing mi, doctorate te pawh kan lo nei ta a, micro-Biologist-te, Environmental Scientist te, Limnologist, (Study of fresh water) tui thianghlim zir mite kha doctor-a hi kan han nei kan han nei ta mai a. Hetiang hi advertisement-ah hian engatinge kan telh loh aw tih ka rilru ah a lo awm a. Hetiang mite kutah hian han awm thiam ila a tha awm mange ka ti ani. Tun dinhmunah chuan tura sangha hrai kan hre lar em em, turin sangha kan han hraia hmun tak takah chuan ni hnih ni thum a tui han luan ral tir te a ngai a, a tur han tihthihna hunte a duh em em a. Khatiangan khan BSC atanga training chho nawk nawk kuta han dah mai kha a ngam awm loh deuh hlek hian ka hria a. Chuvangin hemi thiam bik tak tak tel hian advertisement hi zarpharh ve ta ila. Tunlaih mihring finnote hman a la ni reng a, thiamte thiamnate pawh kan hman tangkai thain ka hria a. Chuvang chuan mithiamina an thiamnate hi kan ram tan, kan ram kan lo hrisel theih nan kan hmang tur a niin kan hria a. Hei a dik tak chuan cancer tamnate kan ni kan han ti a, hemi tui in hi a pawimawh em em ani. Champhai ahte pawh khian han sawi ta mai mai ila, Senior Chemistry kan nei ani. A chang chuan lu kan han su te hi a phut duh em em mai a. Kan tui mixture-te a felhleh a nihte ka ring a, A chang in thil rim nam deuh tak an awm bawk a. A thianghlimna kawng zawng ah hian a theih chuan hma min lakpui hram hram se kan hotuten tih kha kan sawi duh a. Hei khawchhak atangin polythene rawng nei chi a lo kal a, hetiang rawng nei chite hi tui ah an luan tak tak chuan a tlenfai vek a, tuiah a in dissolved vek a.

Khatieng lo thlifim hman thei zawnga theihtawpa hma lo la zui thei mithiam kha kan chhawr a hun tawhin ka hria.

Tin, Demand No 40-na Industry ah hian Champhai ah IIDC min rawn tihsak a kan lawm khawp mai a. Amaherawhchu kan Sorkar hmasa in a alo buatsaihna kawngah mantang eitu an tam deuh nge ni ACB kutah tunah hian an awm rih a. ACB in a an kar hnu ah khan kan hotuten chak takin hma min lo laksak thei se kan duh hle ani.

Tin, Demand No 43-na Tourism ah hei khawchhak tlangdung khi a prone area kan ni ve a, Tourism kan tih te, Art & Culture kan tih te, BADP kan han tih te a linked vek mai a. Khilai tlangah khian. Tourism ah mitam tak an lo kal dawn a nih chuan Art & Culture in hma an lak te a ngai a, Khilai ah Tuipui East bialtu in a sawi ang deuh khan a bialte, Champhai North, Champhai South ang chi te, developed tur tam tak a awm a, rilru in min lo hriatsak se kan duh bawk ani.

Tin, Demand No 38-na Rural Development chungchangah khan R.D hi keini chuan kan bial leh khawchhak tlangdung ti mai ang, min ti hmasawn tu ber ah kan ngaia. Hei hi kan lawm tak meuh meuh a. Kan Sorkar ina hma a lakna kawngah hian kan lawm a. Tin, alo do let ve turin a han kal phung reng reng hi theih tawp a tha turin kan in monitor a, keimahni bialah chuan a tha thei khawp mai a. A chhehvel tak hi ka hriatpui lo deuh hlek a, kha kha ka sawi duh a. Tin, nichina an rawn sawi Sesih in buaina an tawk a, DLAO ah an report a, DLAO in alo hum si a tih lai te kha sawi fiah ka duh a. Ni za in hlawnha chungchang hi BDO atanga chhuak ani a. BDO atanga chhuak anih chuan harsatna an tawhin BDO ah khan an report leh mai tur ani. Amaherawhchu khilai thil fello nia an hriat a kha V.C dissolve tir tur ang zawng khan hetah an mahni concern lutuk lo ti mai ang. Hemi an lungawi lo ki atanga hrang si DLAO ah dissolve tur ang zawngin an pan daih mai a, khami anih vang khan a dik chiah lo deuh ani. Ni za in hlawnha ah an beidawnga, harsatna an tawk anih chuan BDO ah an thlen zawk tur ani.

Tin, Demand No 16-na Home kha hei a hnunung ber ah kan sawi ang a, Zoramah hian kan thla a muang ta khawp mai a, lawmawm ka ti a. Zoram ah michhia leh mitha inkar alo hla ta hle mai a. Term hmasa ah khan thenkhat te hausakna kha a zuan in a zuang a, a rethei te kan rethei tawlh tawlh mai a, hmun tam takah chuan, kan harsatna hmun ah chuan kan chaw ei laite in hmuhpui harsa khawpin, hrehawm khawpin kan lo awm ani.

Tin, Dan leh Dun lamah harsatna alo awm a, mithiltithe ten, che thei deuh te chuan thil hi an lo ti sual hlei thei lo ang deuh thaw khan hun kan lo hmang thin a. Police te pawh miretheite tan chuan intih thaihna kha a thleng hman ani. Amaherawhchu tunah kan Sorkarin a han siam tha a. Kan hun hmasate kha chuan ‘The King can do no wrong’ tun hmaa Britishin an lo tih ang deuh hlek khan kan lo awm hman ti tih deuh reng mai a. Tunah erawh chuan danin rual takin min han hrut a, mirethei te tana tah leh hathialna ni awma kan lo ngaih thin kha mi zawng zawng tan alo ni thei ta hi lawmawm ka

ti a. Chhungkua angte, Khawtlang angte, Kohhran angte khan, kan lungngai thin a, kan ram hi chhanchhuah leh theih ani a ngem tiin kan ti ti a. Khawhar in ah te, mitthi inah te kan sawi ho thin a. Kan beidawng rum rum thin a. Amaherawhchu vanneihthlak takin Sorkar a in let a, parawn an han in thlak dual chinah hian, kan ram pawh siamthat in a awm leh thei ani. In rukbo, in thah, pawngsual, sualna chi hrang hrang a inlar te pawh kha alo reh a.

Tunhma deuh hlek khan kan Police zahawm tak tak, Mizorama kan neih te hi India rama tha ber pawl an ni e, kan ti thin a. Amaherawhchu kum 10 vel chhung khan delhtu awm ang mai hian an rit tlat a. Tuten emaw an remote control ang mai a an awm lai hunte kan lo pel ta a, a lawmawm ka ti khawp mai. Kan Pastor-te meuh pawh an in hmuna an him loh lai nite alo reh ta a. Tunah hunthar kan lo chuang kaia. Khawvar eng ah zalen takin kan han awm ho a, hei hi a lawmawm ka ti a. Eizawna chi hrang hrang ah, sumdawna ani emaw, office kal ani emaw, eng chitin mai pawh hi han ngaituah ila, Chiang taka kan ngaituah chuan mihring zalenna leh hlimna hi a awm chuan si loh chuan thil hi a tih tak tak theih loh. Tunah hian, security kan nei tha tawh a. Chuvang chuan lawmawm ka ti tak meuh meuh ani.

Tin, chutih ruala kan sawi tel hram duh chu 13th Finance Commission ah hian Rs 31.00 crore, Construction of Police station buildings in border area tih kha a awm a. Ramri hnaih ah khan Rs 31.00 crore chu kan dah dawn ni awm tak ani a. Keimah ni plan chhung ngau ngau atanga a theih loh anih pawhin, helaia Rs 31.00 crore lo awm tur atang hian khawchhak tlangdung te hi tlem a minrawn ngaituah sak kan duh a. China leh India chungchang te kan sawi a. British atanga an mi thiam ten an han sawi chuan India leh China hian harsatna tak tak pawh hi han tawk dawn mah ila, helai ah Arunachal leh Himalaya lam nilo in zoram khawchhak tlangdung khi China ho lo luan luhna tur ani an ti a. Chuvang chuan khawchhak lam khi develop hrim hrim tul in ka hria a. Tichuan an Demand hrang hrang te hi a awm tak tak vek ani a, karawn thlawp e.

DEPUTY SPEAKER : Le, tunge sawi leh tur dang kan awm em? sawi tur kan awm loh chuan Minister kan ko mai dawn em ni? sawi duh kan awm tawh lo maw? in sawi hreh hmeh thin hle mai a. Tunah Pu Lalduhawma kan ko ang a. A ni hi group leader a ni a, minute 15 kan pe ang a, amaherawhchu hun vawn dik tum deuh turin kan chah nghal bawk ani.

Pu LALDUHAWMA : Pu Deputy Speaker, ka sawi hreh hmeh i ti mai a, a phur berah ka tang a, ka sawi hmasa deuh ziah thin a, wawiiin chu kan muang ve deuh a nia, min fak zawk awm tak i ni asin maw le.

Pu Deputy Speaker, Demand No. 38-na Rural Development ah hian point khat chauh ka'n sawi ang a. Hei, Aizawl khawpui chhung min enkawltu BDO office hi Tlangnuam ah khian a hmun tur ruat a ni a. Khi khi a fianrial bakah a approach road khi a tha lova. Khita dah khi vengtin mai hian an hlau

vek ani. A huam chung area a V.C te pawh kalkhawm in thutlukna te pawh an lo siam tawh thin a. Tunah hian hmunhma fel nei lovin BDO office hi a la awm reng mai a. Hemi Secretariat building hlui chhuahsan turah hian emaw New Complex ah emaw hian tlangnuam BDO office hmun nghet hi siam sak theih nise tih hi ka'n ngen duh a.

Tin, Home ah hian kan lut leh ang a. Ramrikawnah Beat Office min pe thuai dawn nia kan hriat avangin lawmthu kan sawi duh phawt a. Tin Suangpuilawn Kidnap Case kha kan ram political scene ah hian khatiang kha a awm vawi khatna a ni a, awm tawhlo se kan tih vek ka ring a. Sorkar hmasa in engang inquiry pawh lo din in lo ti zu zi mahse a re-open theih tho va. Khatiang kha kan tih tur niin ka hre lova. A case tawp tak dan leh re-open leh tlak a nih leh nih loh hi Legislator te hian kan hriat ka phut a. Hei hi chu Chiang leh zualin kan Home Minister hian a dinhmun, a tawp tak dan leh kalpui leh dan turah hian min han hrilh deuh se tih ka'n ngiat ani.

Tin, Economic Investment wing din te khanin Non-Banking Company 19 lai mai Mizoram ah an operate ve tih kha an hmu chhuak a, an finding te nen khan a awm tawh mai a. Amaherawhchu, Sorkar atangin engmah mipui te hriat tur 'aw' hi chhuah a la awm in ka hre lova, ka lo hre lo palh a nih loh chuan. Heng mimalin sum an lo lak ve chiahpum kan tih ang chi tho kha tunlai hian thingtlangah a tam leh em em tawh an ti a. Bum hi kan nuam a, bum fin theih pawh hi kan ni bawk lo a. Khatiang Company 19-lai mai te kha an in zui zel a nih chuan, invest-na tlak a nilo anih chuan Dan hmanga action lak, chu chu tih tur pakhat, chumi rual rual chuan kan mipuite hnenah hian zirtirna pekchhuah a, warning pek a, heng lakah hian fimkhur rawh u kan intih hi a va hun em ! A takin he thil hi kan dai tawh ani lawm ni ? Engatinge Sorkar hi a ngawih reng. Mipuiin hum sual kan dai leh tur hi min lo veng a, min lo humhalh turin fuih kan ngai a, thurawn pek kan ngai ani tih hi ka sawi leh duh bawk a.

Tin Transparency in Public procurement Act kha kan pass tawh a. Nimin lamah Printing Press ah te pawh thil ti duhlo department kan la ngah zia leh eng eng emaw stationery thil-te indent tam tak direct a department ten an la tih reng thute kan hria a. Heng procurement kan ti te reng reng hi Act-in a phut ang khan mipui hriat theih turin kan implement em ? Hei hi tun hma lamah eiruk ti tamtu ber leh Stock, mamawh si loh siam thin tu, kan buaipui theuh kha a ni a. Chumi tihreh na atan Dan tha tak kan passed kha kan rula raw neih mai mai nge kan hmang tangkai tawh tih hi kan hre duh bawk a.

Tin, nimin piah khan Tanhril ram a kang vak mai a, University kawng thlang leh kawng chhak lampang zawng zawng, Tanhril ram zawng zawng a kang zo deuh thaw a ni. Kan phekk buai a. Kan Fire Brigade lampangte pawhin theih tawp an chhuah a motor an nei tlem hrim hrim a. Hmun dangah alo kang bawk si a. A lawmawm khawp mai min ngaih saknaah khan. A tikangtu kha man a ni tawh a, Lawipu pa a ni a. Chu chu na takin hrem ni rawh se ka ti lova, ngaihdam ni rawh se ka ti bawk lova. Dan angin a chungah hian rorelna awm sela. Ram tih kan a tam tawh a, Nunna thlengin kan chan

tawh a. Tanhril ram kangah pawh khuan khanghu leh thil dang tam tak an inngahna an chan ani. Chutih rual chuan Forest Department lama thawktu thenkhatin chhuah mai tur leh action la lova ngaihdam turin Police lam hi an nawr buai hle ani tih information ka dawng a. Hei hi pawh ka ti hle a. Forest ho hi a haw ber turah ka ngai a. A hliahkhuh duh berah khan an rawn tang tlat mai ani. Chuvangin, a awmzia hriatthiam har ka ti a. Helaiiah hian danin rorel mai sela. Tumah hi engti zawng mahin inrawlh lo ila tih ka sawi duh bawk a.

Tin, Demand No 43-na ah Tourism ah point khat chiah sawi ka duh a. Kan ram hian Tourism potential a ngah zia kan hria a. Chumi atan chuan kan Minister zahawm tak hian Eco Tourism Scheme lian tak duan chhuah hi a rilruk niawm ten ka lo hria a. Chumi atan chuan consultant thar tak kan mamawh a. Ka hriattlan chuan Delhia kan Residential Commissioner hmingthang tak khu an lo zuk rawn emawni. Ani khan consultant ama ngaiha tha tak a rawn thehchhuak niawm tak ania. Amaherawhchu, chumia rawn sihhmuh chu an Office kal pawh a awih leh si lova. An past experience pawh chu hmuh a awi bawk si lova. An address pawh a hrih tha leh duh si lova an ti a. Heng consultant te hian an past experience te mi zawng zawng in hria se an duh a, an in advertise nasat teh reng nen, Bogus deuh hlek rawn pek a, engemaw tum a nei em ni tih theih khan a awm niin ka hre tlat mai a. Chumi lakah chuan kan Minister zahawm tak hi a inthiarfihlim thei ni te in ka hria a, a lawmawm ka ti. Khatiang te kha engeni thil awmzia? Chumi hnuah chuan engtinngge hma kan lak tak zel? Reputed consultant tha te rawih tur kan hmu ta em? Enganginge he Eco Tourism ah hian Sorkar hian hma a lak dawn? Hei hi kan Revenue pawimawh tak tur anih avang leh Industry lian tak tur a nih avangin Land use Policy pawimawh tak a ni in ka hria. Land Use chu leilung hman tangkaina a ni mai a. Feet 100 bial lekah kumtin Rs.10,000/- a lak luh theih dawn a. Chu chu a ni lawmni leilung hman tangkaina chu? Land use policy tha ber chu Tourism lama Industry tha deuh neih niin ka hria. Ram zimteah pawisa tam tak kan la lut dawn a ni. Khalai kha ka hrefiah duh bawk a.

Tin, Demand 25 Water Supply and Sanitation ah hian han lut ta ila. Hei a hming hi Pu Deputy Speaker demand discussion ah hian Water Supply & Sanitation ti zel hian a rawn in zia a. Chutiang Department chu a awm kan hre mang si lova. Engatinge maw demand ah hian Department hming hi a dang daih daih hian kan ziah kumkhua mai le? Heng te hi a correct theih lawm ni? Enge a tulna Sanitation te chu UD & PA in a khawih daih a kan hre vek a. Department dang pawh hian Department hming ang nilova Demand discussion a rawn zia tlat hi adang pawh a lo awm a, chu chu ka sawi lo ang a hun a hek mai mai a. A Department hming hi tidik phawt ila ka duh a ni.

Tunah hian PHE ah hian SDO A.E. direct recruitment kan tih pawh post ruak 17 a awmin ka hria a, sum pawh Department hian a neiin ka hria a. Khatiang zat zat sum nei bawk si, a qualified lah kan ngah, engatinge kan hnawhkhah mawlh mawlh loh aw? Eng harsatna nge kan neih le? Planning leh Finance Department tih bawk te khan buaina an lo siam leh te anih chuan hmanna ka sawi tawh ang khan, Minister chanpualte thahnem ngai takin an lo pulut a, kan lo passed sak tawh a. Chumi hmang leh tura tutute emaw an dil an

dila, an khawk an khawk hi dik ka ti thei lo, kei chu chuvang chuan mahni Department sum na na na Ministerin a tul a tih chuan tlang teh se, File pawh a zin thui lutuk hrim hrim thin.

Tin, Phase II hi, Constructor nena thubuai te kha subjudice kan ti dawn nge ni, kan hriat theih chin te chu min han hrih se mawle, kan chawi teuh zawk dawn em hriat a chakawm a. Tin, 24 MLD a chhuak tura kha, hei, peih tep ni te pawhin kan lo hria a pipe te pawh vuahfel tawh, hydraulic test mai hmabak ni tawh te pawhin kan lo hria a kha kha kan ti thei tawh em? engtikah nge kan 24 MLD theih ang tih te hi kan nghak a nih hi. Keini bial hi a nghakhlelh pawl kan ni a. Tin, Phunchawng leh PTC te pawh State fund atangin Minister zahawm takin min tih sak dawn thu helai House a a sawi kha lawmthu ka sawi bawka a ni.

Tin, Augmentation of Sairang Water Supply Scheme Central a chan mek hi a rei ta hle mai a. heng te pawh hi chak deuh zawk in in nawr chhuah sak thei em? Enge a dinhmun tih te ka hre duh bawka a ni.

Tin, Demand No. 40 na Industry ah hian kan lut ang a. MIFCO sapthei tui hi tunhma khan green cover overseas Guwahati nen khan agreement siam a ni a khatih hunlai khan hralhchhuah kha a awm ta lo nge ni? Nikum Nov. 20 ah SHOP te nen exclusive agency ni turin agreement signed a lo ni leh ta a. Tunah hian Sapthei damdawi a vawn that anti a, ka zawhna min chhanna ah khan, juice concentrate ni maw ka ti a, hei hi, per kg ah Rs.42 zelin he company hian a lei a, 9000 lts an lei tawh an ti a. Thei tuite hi per Kg innge maw an hralh thin a, liter ang zawng in le? Per kg tih kha minrawn chhan dan a ni a. Kan hrethiam lo deuh hlek a.

Tichuan, la hralh bang liters 50000 zet mai a la awm a ni. An hralh hi chu tlem te chauh a ni. Kan agreement signed puite hian an leizo theilo em ni? Agreement copy kha ka dil a, min han pe a, kan study a. An lei tur ani heih, India leh abroad ah, Mizoram chung ah tih loh chuan, an mawhphurna ani. Hralh bang hi a tam em em mai a PAC ang khan kan tlawh tawh a hralh bang a lo tam lutuk a, hluipui pui mai kha concentrate leh concentrate nilo te kha hralh bang, hralh theih loh kan la ngah em? Kei chu theitui sawrna khawlte hi tlawm deuh hlek a, kum 50 vel chhunga rulh tur a private a pek vek mai hi ka nap ani. A khawl part engemaw a kim loh va a function loh pawhin rem chang an ngah a ni mai a. An hlawh a effect lo, a tlem phah lo. Mimal company ta chu nise darkar khat a khawl a thawh loh pawh in a mangang mai ang, Silchar ah te a part lam turin a kal vat mai ang. Privatization hi kan damna ani a. Hetianga lost a kan kal kan kal dawn a nih ai chuan tuna Rs 42 per Kg tih te hi kan lost nge engnge a cost of production ka hrelowa. Heng hi kan ram assets pawimawh ve tur ni a ngaihtuah ngun a tul hle in ka hria.

Tin, single window system tih hi introduce ve a hun viau tawh lo maw? Hei entrepreneur hrang hrang te foreign Company thleng in kan ramah hian investment ti turin an lo la kal anga, chutih chuan clearance la tur ringawt

pawhin department 10 vel kal tlang a ngai ani. Kha kha chuan investor te kha a discourage em em a, chuvangin single window system te hi introduce ve thei ta ila, awlsam deuh hlek a kan tih theih chuan mi kan hip ka ring a.

Tin, Industrial growth centre Luangmual tih khu, a hming khu a ropui em em mai a, Pu Deputy Speaker, kan Minister hian a tlawh tawh em ? ka hre lova quarter an sak te khu a mawih zo leh tawh a, lua hloh tur chu sak loh mai tur ani a, a ram a zau si a, chei that a va hun tawh ve special economic (SEL) te pawh kan sawi ve tawh ani lo'm ni tunah chuan, chungte lo ti dawn ila helai hi kan hmun remchang ani mai lo maw ? Chuvang chuan min rawn ngaihsak deuh tawh sela tih ka'n sawi duh a.

Tin, thil ho te, sawi loh theih loh ka neih chu. Kan thenawmpa Ruata a awm a. Khulai Industrial Growth Centre an acquire laia midang zawng zawngin compensation an lak lai khan an pek hmaih ani. Cheng nuai 2 vel lak tur a nei ve a. Chu chu thenawmpa te MLA han nih takah chuan kan tihpui a, a hming hi VANLALRUATA ani a. D.C in assessment a siam vek tawh a, Directorate ah a kal a. Tichuan Secretariat ah a chho a, Directorate ah a chhuk leh a, D.C ah a chho leh a, Secretariat ah a lut leh, Planning an a lut leh a, Finance ah a lut leh a, a lo let leh a. Pu Deputy Speaker, a bialtu MLA in ka chhui peih tawh lo, a hahthlak lutuk. Chuvangin House-ah hian ka sawi duh ani. Kan Minister hian min pui teh se. Heti em em a chhui a harna chhan hi a hming 'against' hian tuin emaw la la tawh em ni aw tih pawh rin mai awl tak ani ta.

Insurance scheme te pawh hi, agriculture lam thilah ringawt lo, industry lamah te pawh hian General Insurance Company te nena thawh ho han introduce ve te pawh hi a tha viau tawh lo maw ?

Kan tih ho te pawh, Bamboo Industry 11 unit lai mai khan an han bei a, 200 chuang lai in register an awm bawk a Hengah hian an sual vang te pawh ani ang a, harsatna avanga lo awm te a nih chuan insurance scheme kan siam sak ve te pawh a tha a.

Tin, term hmasa a Agarbati stick siamna tur khawl an siam chhuah, khatih laia a kan Chief Minister in a khawl ropui deuh hmuchhuak anga a sawi, a fak em em kha, mipakhat C. Zirliana hian alo la ve a, unit 50 lai mai, chu chu Agarbati stick siamtu hnenah a pe chhawng ta a, an han hmang a, a hman theih reng reng loh mai a, kei pawhin ka huanah pathum ka keng thla a, nileng a tih khan hlawhfa man pawh a phel thei lo ani. Engtih na mah ani lo. Kha hmanrua siamtu khan pawisa a siam teuh ringawt mai a, ka thin a rim khawp mai. Khawi hnuaiyah emaw ni khan khang mite khan loan an lo la tawh a. Rulh ngaihna a awm lo. Chuvang in Minister zahawm tak hnenah pawh lo ngaidam mai teh u tiin ka ngen sak tawh a. Khang ang thil, an sual vang nilo kha ngaih hna thiamna i nei teh ang. Ka lawm e.

DEPUTY SPEAKER : Tunge han sawi leh tur, Pu Lal thanzara.

Pu LAL THANZARA : Pu Deputy Speaker, ka lawm e. Hei sawi tur tam tak a awm rualin kei chuan hun dil belh loh hram che ka tum ang. Demand No. 16-na Home, a bikin Police chungchang bikah hian kan Home Minister in he Sorkar tharah change ropui tak a thlen tir na ah hian lawmthu sawi a ngaiin ka hria a. Kan ram chhung ani emaw ram pawn ani emaw kan ram chungah thil tisuat te, tualthat te kan Police ten an zuk rek chhuak nawlh nawlh thei mai ta hi tun hma hun ngaituah chuan thil inthlak thleng thar duhawm tak niin ka hria a, hei hi tarlan ngei ngei tha in ka hria a. Tin, chumai piah lampang ah chuan helai ah pawh kan ngaihthlak tawh ang khan (zawhna leh chhanna hunah) tunhma in kan Police Lal ten constable engemaw zat huan sam a an lo hman thin ang zawng zawng te an ti tawp ta hi a ropui ka ti a. Chuvang chuan kan Home Minister chungah hian lawmthu kan sawi duh ani.

Chutih rual chuan vawiina Aizawl khawpui ti ral ti tu ber chu Pu Deputy Speaker rukru te, misual te, zurui te ni lovin kan tleirawl ho, motor bike chak tak tak a khalh ho hi niin ka hria a. Hengho hi zanah chang ni lovin chhunah pawh motor khalh tu tan paw'n hlauhawm khawpin an duh dan zawng zawngin min rawn tlan pel a an in tlan siak mawh hek lova. Henghi vawiin ah Police ten theitawp an chhuah a, engemawzat an man tih te pawh kan hria ani. Helai hi mi tam zawk ten nunna kan chan loh nan leh piansualna te thlen zel loh nan heng man tu tur special squad siam nise tih kan Home Minister ka han ngen duh ani.

Tichuan, Demand No. 25 water supply chungchangah hian hriat angin khua a thal a. Tui kan hmu thalo a. Aizawl khawpui chhungah. Chuti chungin kan Minister in theitawp a chhuah a. Kan beisei ang ni lo mahse tui kan hmu tha thawkhat a.

Chutih mek lai chuan vengkhat rau rau ah pawh semdan rual lo, a hnar thuhmun, a tanky thuhmun si tui sem dan ruallo hi sawi a tam a. Tin, vui leh vaina a tam a, tuisemtute'n tui lo hralh ta mai anga sawina leh tuisemtute lo duhsaka lo duattutena tui dawng tam bik, thenawmtan an duat ve loh lai a line khat a mi ni tho si dawng tlem bik sawi awm thin angte hi, PHE hotute hian uluk leh zualin han en sela. Tichuan vui leh vaina a reh mai a rinawm ani.

Tin, Industry Demand No. 40 ah hian, kan Chief Minister zahawm takin Budget speech a neih ah khan Industry Department hian Industrial Policy thar puantur an duang mek niin a lang a. Hei hi lawmawm ka ti a. Hetiang ang Policy thar an puan hunah hi chuan kan rama Industry neitute mai bakah thenawm ram te leh Foreign atangte pawhin kan hlawk phah turah ka ngai a, lawmawm ka ti in ka welcome tak meuh meuh ani.

Tin, vawiinah kan Sorkar Flagship programme NLUP hi Pu Deputy Speaker, veilama thu te'n in phurpui in min hmanhmawh pui em em te pawh hi,

hetiang ang Industry Policy rawn duan chhoh thar tur hian nasa takin NLUP lamah a pawh a puih ka ring a. Hemi laia ka sawipen duh zawk chu, hun kalta Sorkar khan MIP Programme te a nei a. Khatih lai khan Congress MLA te khan hetiang ang tak hian i veilama miten min tuipui angin kan hotute khan an tuipui ve lo emaw ni chu aw ka ti a. Amaherawhchu, hetiang khawpa min tuipuina ah hian min phur puia, hlawhtling thuai thuai se an ti niin ka ringa. Hemi NLUP tan hun tur erawh hi chu kan hotuten a hun an tih takah an tan mai dawn ani tih kha lo hria ila, Industry Policy thar pawh he NLUP Programme hlawhtlinna turah hian thui tak a innghat dawn niin ka hria a, a lawmawm ka ti tak zet zet ani.

Tin, Demand No 43-na Tourism chungchangah te pawh hian sawi tur tam tak a awm ani. Mahse, waviin hian Tourist-te kan hipna tur ram mawi leh mawiloh chu thudang, chutih ruala an tuihal rehna kan han tireh sak theih loh lai hi chuan kan Tourism, industry hi ropui takin a thang thei lovang tih chu ka hlauva. Chutih rual chuan wine lampang leh thil dang dang siamna atang te in, khatianga hmun dang atanga lokal te chhawhlhal rehna tur chu kan Sorkar hian ruahmanna a siamchho mek zel pawhin ka hria a, a lawmawm ka ti tak zet zet ani.

P.H.E. lamah khan han kir leh lawk ila, waviin ah chuan P.W.D hian kawrlan ho hi kan tih tur ani lo, kawngpui dung ami hi kan tih tur chu a ni e, an ti a. Chutih lain a kawrlan lampang, vengtinin kan tuihawk luan faina leh fai lohna ah pawh nasa taka min tibuai thei drain siam chungchangah pawh hian P.H.E leh P.W.D te Urban Development Department te pawh hian tun aia felfai zawka ruahmanna hi siam theih nise tih kha kan ngen duh bawk a.

Industries ah khan han peng leh lawk ila, Hmanni lawkah Zuangtui Industrial Estate ah Industry dinthar turte tan ram pek niin ka hria a, mahse waviin thlengin kha thil kha la tih fel ani lova, industry din a hmalak duh tam takin waviin thlengin hma an la thei lo ani. Chuvang chuan kan rama lehkhathiam hna nei lo, Industry te dina eizawn tum ve ten hmalak an tumna hi bul an tan thuai theih nan hma chak taka min laksak turin kan Industry Minister hi kan ngen bawk ani e. Ka lawm e.

DEPUTY SPEAKER : Hun i hmang thiam khawp mai. Tunge sawi leh tur Pu Joseph Lalhimpuia.

Pu JOSEPH LALHIMPUA : Pu Deputy Speaker, Ka lawm e. Demand No 16-na a hmasa berin kan Home Minister zahawm tak hnenah lawmthu ka sawi a. Kan ram ralmuan tawh loh zia te, mipui kan him tawh loh dan te Sorkar hmasa hun ah kan hria a. Tunah chuan kum khat leh thla nga lek kan Sorkar a, chutih chhung in mi zawng zawng deuh thaw kan thlamuang a. Kan Police te kan thlamuanpui em em ani tih kan hria a. Kan Home Minister hmalakna, huaisenna ani tih ka hria a. Home Minister leh a thawhpuite hnenah lawmthu ka sawi a. Home department ah hian thil pahnih thum lek kan tarlan

duh chu kum sawm chhung khan Traffic Branch Lungleiah min din sak turin kan ngen a, a rem thei lo a, Lunglei District ah pawh hian motor a pung chak hle mai a. Tun January kan hmanral tak ah pawh khan motor registration hi nitin 6 ang zel awm ani a. A pung telh telh bawk si a. Kan hriat angin Lungleia registration ni lem lo, hmun danga registration pawh engemawzat sawlai ah sawn a awm ani. Chuvangin mipui pawh saw an him tawk tawh lova, motor a tam tawh em em a. Kum 10 chhung NGO angin YMA ten Sub-Headquarters YMA conference ah te, Upa pawl leh MHIP te pawn an ngaituah thin a. Kan Sorkar kalta khan hma a la hlei thei lova. Tunah chuan kan Home Minister chak tak hmalakna in Traffic Branch Lunglei tan ruahmanna te pawh min siam sak ani tih ka hria a, lawmthu ka'n sawi a.

Kum 1976 bawr vel ah khan Mizorama a pahnihna atan Fire Department ah hian Fire Sub-Station Lunglei ah sawn hawn ani a. 1976 atanga vawiin thleng in sub-station kan la ni reng mai a. Kan Home Minister chak tak hmalakna in heng hi station puitling a hlan kai tumna a awm mek ani tih kan hria a. A hnenah lawmthu ka'n sawi a. Tin, he lai House ah pawh kan sawi fo tawh ang khan Aizawl - Thenzawl - Lunglei road saw kawng a tha tawh khawp mai a. Nakin lawkah chuan, helai ah te pawh hian highway patrol te pawh hi mumal takin kan nei thei turah ka ngai a. Motor nitina vei, Aizawl leh Lunglei inkarah ringawt pawh hian, Sumo service hi 20 aia tam mah a awm a. Chutiangin khawpui dang atanga rawn kal hi engemawzat a awm bawk ani. Chuvangin Highway patrol neih thuai hi atul tawhin ka hria a, ka han tarlang duh a. Kan sawi tak ang khan fire departmentah pawh hmasawna tam tak tunah hian kan hmu a, Aizawl khawpuiah ringawt pawh kan vai hriat ani a. Hengte pawh hi khawpui hmun dangah te pawh hian mamawhna a nasa hle a. 13th Finance Commission in Fire Department tan award engemawzat min pe bawk a, kan Home Minister hmalakna a lawmawm hle in ka hria a, ka rawn tarlang duh ani.

Tin, Demand No 38-na ah khan Rural Development Department ah BADP in norms thar te a rawn nei a, border area atanga Km 10 huam chhung 1st priority base kha lak tur a ni a. Hemi in a huam phak loh member zahawm tak tak te khan an sawi tawh a. Aizawl khawpuiah hi chuan UD&PA atang ten hmalakna engemawzat a awm a, JNNURM atang ten hmalakna a kal zel a, Aizawl khawpui nilo BADP (Border Area Development) in a huam phak loh tam tak hi a awm ani heng ah te hian Rural Development Department atangin scheme tam zawkte dah sak thei sela tih kha vawiinah hian ka han tarlang duh a.

Demand No-43 na Tourism Department ah hian hmalakna tur tam tak a awmin ka hria a, hmanni lawk khan Mizorama tlang sang ber Phawngpui tlangah kan kal a, darkar 3 darkar 4 vel kan awm a, a nuam hle mai a. Tin, Lunglei atanga Aizawl kan rawn pan hian Sialsuk tlangah chaw kan rawn fak a, ngaihtuahna a kal thui duh khawp mai, Pu Deputy Speaker, vawiinah hian ka han tarlan duh chu Tourist Department a kan hotu te hian ruahmanna tha tak min siam sak a pawimawh hle in ka hria a. Kan Chief Minister zahawm takin a sawi thin a, kan tlang thengthaw nuam deuhah te Tourist Lodge te, Wayside

Restaurant-te an siam a, a tlangnuam lai ber, han vah velna tur lai takah te insak a awm thin a. Entirnan han sawi ta ila, National Highway 54 Aizawl-Lunglei kawngah Pangzawlah te sawn kawng dungah in leh in inkarah Tourist Lodge sak a ni a, a thenawm lehlam ve ve ah mimal in Ft. 2 kar dan velah a awm ve ve a. Khatiang te kha a chi lohin ka hria a, Chutiingin World Bank kawng Aizawl-Thenzawl, Lunglei kawngah te pawh Haulawng a Tourist Lodge te saw a hmun duhthu a sam lo hle ani. Kan Chief Minister zahawm takin a sawi fo ang khan, kan building te hi Tourist kan hipna tur a ni lova. Heng kan luikawr-te kan tlangram mawi tak takte vang zawk hi a ni a. Hengah te hian ruahmanna tha zawk kan neih a pawimawh hlein kan hria a, ka han tarlang duh a, Tin, kan potential tam takte hi a hmun kan humhalh a pawimawh hlein ka hria a. Nichina kan sawi tak ang khan, hei kan MLA zahawm tak Pu K.S. Thanga bial Sialsukah te pawh kan kal a, a tlang thengthaw nuam lai engngemaw zatah khan, telephone, mobile tower tam tak an lo siam a, Tourist te'n a kan awmna tur tam tak kha khang khan a hliahin ka hria a. Chuvang chuan a hmun hi tunhnaiah kan siam mai theilo anih pawhin humhalh a pawimawhin ka hria a, chu chu ka'n tarlang duh a.

Tin, a dawt lelah chuan, Industry Department, Demand No. 40-na ah hian, He House-ah pawh hian vawihnih, vawithum lai ka sawi tawhin ka hria a, satellite atanga zirchiannaah Lunglei-ah Mizorama mau zawng zawng sawmthum (38%) pariat vel a awm ani. Amaherawhchu, mau hmanga industry dinna kawngah chuan zero (0) ang tluk ala ni a. Hengte pawh hi kan hotute hian min phurpui se ka ti hle mai. Hei, Tlabung hnaihte pawh kan mau tam ber za-a za deuhthaw Bangladesh-ah vawiin thlengin a la liam thla ani. Hengte hi kan hman tangkaia, ami chengte'n sum hnar tha taka kan hman a pawimawh hlein kan Minister chak tak pawhin hma min laksak sela ka duh a, ka han tarlang ani.

Tin, Demand No 25-na, Water-Supply and Sanitation Department chungchangah hian member zahawm tak tak ten an sawi tawh a, harsat vanglai takin Ministry alo piang a. Aizawl khawpuiah tui intur a harsa em em ani. Chutih mek laiin, huaisen takin, chak takin hma a la a, tichuan contractor chungchangah Department in tuna hma an lak mekte pawh okan hmu a, kan hria a, nakinah pawh Chiang zawka min hrilh turah te pawh ka ngai a, kan Minister huaisenna leh hmalaknaah tunah hian lawmthu ka sawi a. Tin, kum khat leh thla 5 emaw chhung leka he sawrkar ina hma a lakna ah hian a bikin Lungleiah pawh a khawpui hmawr Lampang, Zobawk, Theiriat, Hrangchal-Kawn vel in tui an lakna turin Lunglei Greater Water Supply Phase-II, DoNER Ministry in tunah hian min pawmpui tawh a. DPR-te siam felin thla 3 hmalam ah khan an thawn liam tawh ani tih ka hria a, hengte pawh hi chak taka min bawhzui a, tun sawrkar awm chhung ngei hian Lunglei khawpui chhung a bik takin tui connection la nei ve thei lo te, tui in tur la nei ve lo te hian, hniangnar tha zawk kan neih theihna tur a hma min laksak ka duh a. Engpawh nise, kan Demand a kan hotute rawn chhawpchuah Pawisa te hi tangkai takin kan hmang thei ang tih ka ring a. Demang hi ka rawn support ani tih kha, Pu Deputy Speaker, ka sawi duh ani. Ka lawm e.

Pu R. SELTHUAMA : Pu Deputy Speaker, ka lawm e. A hmasa berin Home kha kan sawi ve anga, Demand No 16-na. Hei, ka hma ami te lo sawi tawh ang khan Home Minister thar kan nei a, chumi zarah chuan kan ram a nuam ta hle a. Sap thufingin, ‘zing ni chhuakin khaw awm dan tur a hril ; an lo tia. Chutiang deuh chuan kan ram awmdan tur pawh hi Krismas leh Kumthar kan hman a Halpuah kan hal loh tak ringawt atang pawh khan a in hril chho in ka hria. Kha kha kan Home Minister zahawm tak hmalakna leh kan Police hotute hmalakna zara thleng thei kha a ni a, a lawmawm hle in ka hria a. Mizoram hi ram nuam tak a ni chho zel dawn ah kan ngai a. Sap ramah te chuan ‘harsatna i tawh chuan Police pan rawh’ tiin an in zirtir thin ani. Mizoramah chuan kan inzirtir dan te hi a dang deuh a. ‘Tap suh, i tah chuan Police ka man tir ang che’, ti te in kan in zirtir thin ani. Chuvang chuan kan mentality te hi a dang deuh thin a. Hemi hi a chhan pakhat ah chuan Police te hi kan ngaihdan te pawh a dang thei a, misual, mi mantu angah ngawt kan ngai thin. Tunah chuan thangthar pawh kan lo fing tawh a. Chubakah kan Police te pawh hi hman ai chuan an smart tawh a, an fel tawh a, mi tanpui kawngah pawh an tha tawh ani. Chuvang chuan kan mentality kan thlak a, kan inzirtir danah chuan, harsatna i neih chuan Police hnen ah kal rawh ti anga kan in zirtir ve theihna tur hian kan Police ho te pawh hian, tun ai hian tan han la sela, tichuan a lawmawm hle in ka ring a.

Misual man chungchangah te pawh Sorkar tharah hi chuan misual man loh an awm meuh tawh lova. Thil sual ti tawh an man chhuak zung zung a. Sorkar hmasa lamah khan mi tamtakin an ngaih danah chuan Police kutte pawh hi phuar ani ta mai emaw ni chu aw, tih te a ri thin a. Khatieng kha tunah chuan a awm ta lova. Hengte hi kan Minister zahawm tak hmalakna ani a, alawmawm hle in ka hria a. Chutih rual chuan khawi ramah mah thil sual ti tute man vek hi a theih loh ani. Sap ramah ngei pawh khawvel a Police tha bera an sawi thin Scotland Yard Police ngei te pawh khuan, tualthat man theih loh, Crime Solve theih loh hi engemaw zat an nei ve thin. Chuvang chuan, a vaia za a za solve tur erawh hi chuan kan Police te pawh hi kan beisei thei lovang. Mahse tunah hi chuan an kal hmangah Mizoram chhung ani emaw, ram pawn deuh ani emaw, misual man kawngah an ti tha a. Tunah hi chuan fak tur hliir an la nia. Hetiang hian awm chho zel sela, keep up chho sela a lawmawm ngawt in ka ring.

Tin, chutih rual erawh chuan, Police hi an in daih lo tih kan hre vek a, a sawi hmasa tute pawh khan an sawi a. Chuvang chuan an force hi siam belh zung zung theih a ni lo mai thei a, chutih rual chuan heng pension a chhuak te leh boral ta te an awm thin a. Heng ang hmun ruak hi dah khat zung zung thei sela, tichuan in daih lo zual pawh hi a phuhruk thei in ka ring a. Kumin ringawt ah pawh engemaw zat pension in keini hriat ah pawh an chhuak a. Chu ang hmun te chu an dah khah theih chuan hemi in daih lo zual te pawh hi a phuhruk thei in ka ring a, kan han ngen duh nghal bawk ani. Chubakah chuan NGO lam atang ten misual emaw, zu zuar tih ang te emaw an han man te khan Police station a an han report te hian a chang chuan kan motor chu chutieng chuan a chhuak a, kan hman lo a, tih te, motor a in daih loh chungchang te an sawi ve thin a, chuvang chuan kan hotu te pawh hian avai a

theih loh pawn a bik takin Aizawl ah hian an mamawh zual niin ka hria a. Kan Police Station ah te hian motor vehicle te pawh hi tun aia hian changlung deuh hlek in han thum thei tha sela a lawmawm ngawt in ka ring a. Chutiang a an tih theih phei chuan mipui in Police kan thlawp na te pawh hi tun ai hian a tha leh zual ang a. Khawi hmunah mah mipui in Police an thlawp lohna ah chuan Police pawh hi an nih tur angin an ni famkim thei lo ani tih hi kan hriat a tha in ka hria ani.

District Council ah khan ka sawi loh tawp tur awm kan sawi tel ve anga. Hmanni ah District Council hruaitute ho an lo leng ve a, kan in kawm a. Chutah chuan tun Sorkar thar ah hian in lawm em ? harsatna in nei em ? tiin ka zawt a. An ni chuan, 'a hma ang kha ani tawh lova. Kan harsatna apiang kan mamawh te, sum te min pe a. Harsatna kan sawi hi min solve sak a. Kan lawm tak tak ani' an ti a. Chuvang chuan, a neitute ho, sawlam ami te an lawm chuan kan hotu, kan Minister zahawm tak te hian an thawk tha a niang tih hi ka ring a. Chu chu lawmthu kan sawi tel duh ani.

Tin, Demand No-38 Rural Development chungchang ah hian, hmanni deuh khan thingtlang khaw pakhat ah ka kal ve a, Lamchhip piah, Chawilung ah khian. Tunhma kan kal ve thin na pakhat ani a. Khilai khi Tuirial leh Mat lui in thenna ani a. Mat lui a chhim luan a, Tuirial a hmar luan a hla phuahtu pakhat pawh in Mat leh Rial tui ang thapui kan in then ni hian tih hla a phuah pawh khi, khi mi khi a phuah chhan ani a. Khilai ah khian ka han kal ve zawk a. Chutah chuan Rural Development atanga an thawh ti ila, PMGSY hnuaiia an kawng laih te khi ka han hmu a. A ropui ka ti a, lawmawm ka ti khawp mai a. Keini tlangval ve lai chuan, han ti ve ta ila, ke a kan kalna mai, motor pawh kal theih lohna ani a. Tunah chuan motor lian, TMB te pawh an kal ve thei tawh a. An la lai tlang lo deuhna a, an lai tlang zel turah ngai ta ila. An laih chhun a te khi a tha khawp mai a. chuvang chuan, khitiang a kan Sorkarin hma an lak chho zel hi chuan hun reilo te ah Mizoram kilkhawr tak tak pawh hi motor lian ten an thleng thei ang a. Hmasawna hi a kal chak hle ang tih ka beisei a. Chuvang chuan, khilai ah pawh khian lawmthu sawi tlak ani e. Kan hotute hian tan han la sela, BADP te hi tunhma Sorkar hna kan thawh ve lai kum 20 kal tawh ah pawh khan kan han nei ve a, sumte pawh a tlem hle thin a. Tunah chuan alo tam ta deuh a, Chuvang chuan heng ah te pawh hian tan han la zual sela, kan Zoram hian hma kan sawn leh zual dawn in ka hria a.

Tin, R.D Department bik ah hian thil lawmawm tak a thleng thar leh niin ka hria a. A tha zawnga hmasawna change ani ang chu. Tun hma khan Rural Housing hnuaiia rangva kan lei thin a, kei pawh R.D ah kum sarh lai ka awm a, rangva kha kan lei ve thin a, chu chu alo tangkai em em mai a, Chhimtuipui bikah fur leimin nasa an tawh tum pawh khan bundle tam deuh mai kan thawn phei a, an chhawr tangkai em em a ani. Tichuan Plan Discussion a kan kal tumin, tumkhat chu kan sawi chhuak ta a, Central ami ho pawh khuan Rural Housing hi tha an lo ti ve khawp mai a. Tuna in tih dan mai hi a tawk love, rangva pek ringawt pawh hi a tha em em mai a, Mahse hei ai hian ti changlung deuh u lang in, tuidawn te siam sak ula, chubak ah chuan fur ruahtui tam laiin tuikhur ami tui chawi lovin tui zem siam sak bawk ula, tichuan chung

ang te chu thingtlang miten an ring thei ang a, a tha khawp ang, an ti bawk a. Chuvang chuan Rural Housing hnuaiah rangva sem te in ti tawh sa sa bawk a, khatiang deuh bawk kha, kha aia thui deuh takin thingtlang lam ah tan te han la ula a tha awm mang e kan ti deuh ani. Chu chu kan Minister zahawm tak pawh hian min lo hriatsak sela a tha ang e.

Sawi tur tam tak a awm a hun a tam lem lo bawk a, Demand No. 25 Water Supply chungchang ah hian kan Sorkar tharin hma ala a, Greater Water Aizawl Supply Phase-II pawh hi an peih dawn tawh in ka hria a, hei hi tan la zual turin kan ngen duh ani. Tin, chumi rual chuan Lawipu ah khuan ka bial chhung ah khuan PHE kawng chho deuh mai a awm a. Tunah khuan an metal ve ani. Amaherawhchu lungpher ah khuan a kal tawp mai a engnge ni lungpher ah hian a chhuk thla tawp mai a. Chuvang chuan Lawipu V.C te khuan khami a chhukchho lutuk helna tur khan helna kawng an lai a. Khumi an laih khu a tha khawp mai a. Tuna an hman lai ai chuan a chho lo daih ani, khu khu kan Minister ten min hriat sak ta selang, min metal sak thei ta sela chuan a chhawr bertu tur chu an mahni kha an ni a. Diesel te pawh an phur thla a nih chuan kawng chhuuk chho a an kal tur kha, khan khan a save dawn a, chu chu ka'n ngen ani. Awle, ka sawi tam tawh bawk a, ka lawm e.

DEPUTY SPEAKER : Pu KS. Thanga ilo sawm ang.

Pu K.S. THANGA : Pu Deputy Speaker, hun min pek avangin lawmawm ka ti a. Tin, i phalna angin YMA Conference ah ka kal a. Chuan hun ka hman zawh velah ka lo let leh a, thusawina hun helaia ka'n nei leh thei te hi lawmawm ka ti a. Thil tam tak sawi tur ka nei a. Amaherawhchu, chumi hma-in tukinah leh vawiin a ka chhuah hlana opposition MLA atanga member zahawm tak pakhat in ka bial chungchangah a thu sawi kha YMA Conference a ka va kalna-ah pawh an lo ngaithla ve a, an rilru a na hle a, (Khawtlang hruaitute leh mipuite). Chu chu hei i phalna in Pu Speaker, han chhiar hlawm pawh ka duh a. VCP hovin an tih loh dan kha an rawn ziak a, khatianga dawt a thu dik lova MLA in a puhna House a khatianga a rawn ti mai kha a that loh thu an rawn ziak a. Tin, a tul anih chuan i ho pawhin enquiry va lak a, MLA a puhtute nen ngei pawh va kal kha an cho viau a. Tin, he laiah hian ka'n sawi hmasak duh chu Social Audit hi neih thin ani a, NREGS hmalakna ah hian chungah te pawh chuan pakhat mah thil fello awm lova, tha taka khawtlang mipui tena tha an tih ang a thil tih ani a. Engkim fel taka tihzel vek ani a. Chubakah Project Director DRDA ah zawhna te an lo siam a, thil fello engmah a awmlo ani a ti chungah House a thu diklo MLA zahawm takin a rawn sawi lui tlat kha Senior MLA an ni a, hetianga kan ram mipui dawta hruai kawi tuma bum duhtu hi vawiin ah hian House zahawmna hi an ti bawrhbang hle in ka hria a. Chuvangin i phalna in heng hi kan chhiar chhuak a nga – “Ni 25.3 Budget Session a Pu B. Lalthlengliana MNF, MLA in thubelhchian dawlo tak House zahawm taka a sawi kha hei hi thudik zawk ani e. NREGS inhlawhna chungchang a Falkawn V.C huam chinah V.C hnathawh leh Department hna kaihkawp a cheng nuai thum man cheng sing nga vel a zo ang

a a sawi kha thudiklo a ni a. A duh chuan englai pawhin enfiah kan cho e. Tin, Block President hnena Rs 10000/- pe anga min sawi kha a dik lova a hmai chhan ah pawh hrilh kan ngam a, MLA pawh wawi engemawzat lo ni ve tawh, pa rinkai tak ni awm si, hetiang thu belh chian dawlo a lo au pui mai hi in enfiah a, thudik zawk zawtfiah hmasa tawh thin turin thurawn ka pe e.” an ti a. hei hi an mahni awmlo chung a Party pakhat worker te mipui rin vak tawh loh leh nghal thu hetiang a kal vak vak hi tha lova. Hei hi Pu C. Rokunga V.C President seal nen a ti an ni.

DEPUTY SPEAKER : Demand lam kha sawi ila, Demand sawi pah khan i rawn khak ve thiam deuh a nih chuan rawn khak ta la, khati kha chuan a hlawm kha a tlo lian deuh hlek a.

Pu K.S. THANGA : Helaia sawi ve phalo kha thudiklo a puh an ni a, kha Mizoram mipui hma a record in a awm dawn si a. An thiamthu kha sawisak loh chuan rilru na takin an awm dawn a. Chuvang R.D hmalakna Mizoram mipui tan a tha em a, kan kal a, Sorkar hmasa kum 10 chhung hnathawh aia tha hi kum 1 chhungin V.C ten kan thawk a, min itsik ta nge, khati lai kha a nih avangin wawiin ah hian Pu Deputy Speaker, hetah pawh Aibawk V/C President ziak hi kan chhiar leh anga. “Ni 25.3.2010 a Budget Session a Aibawk khaw chungchanga Pu B. Lalhlengliana East Tuipui bial MLA sawi kha hei hi a chhanna leh a thu awmzia chu ani. NREGS hnuaiia Job Card leh in ding inmil lo nia sawi kha a dik lova. Aibawk in ding hi 349 ani a, Job Card 372 a awm a. Sorkar hnathawk quarter/office a awm leh mi inhnuai luahte avanga Job Card hi tam a ni a, lo hrechiang tawh sela. NREGS pawisa JCB rawih ani ngai lova, lung chang leh mihring (Pu B. Lalhlengliana : Pu Deputy Speaker, khatianga Demand sawi lova a sawi dawn a nih chuan insawithiam a tum a nih chuan (Deputy Speaker : Lo ngawi lawk rawh u) (Pu B. Lalhlengliana : MLA term kum 15 ka hman chhungin Pu Hipheia fund pawh cheng nuai tam tak khatiang khan a hman tawh ani) sawi tur a neih chuan a sawi hunah sawi sela, a sawi laiin ka tibuai lova. Tin, Sawlaiah sawn hmasawna awm lovin kum 15 a enkawl a.

DEPUTY SPEAKER : Lo ngawi lawk rawh u, kan sawi ang. Engpawh nisela Demand in sawi tur ani anga. Tuna member pakhat thusawi member-ina insawifiah nan khatia kan hun kan hman kha chuan a fel lovang. Chuvang chuan khatilam kha chu duh tawh ila, Demand in sawi anga. Entirnan : Rural Development Department ah te khan in rawn tai ve hlak thiam a nih chuan a tha ni sela. Khati a nih chuan a tha ni sela. Khati ni lova a ngial a ngan a V/C lehkhaw zawng zawng leh unit lehkhate kan chhiar chhuah vek dawn chuan wawiinah Demand sawi hun ani a. Khati lam kha chu i duhtawh phawt ang u. A lawmawm e. Engpawh nisela hei kan sawina chhan chu heng hi R.D ah hian Rural Development Department-ah hian mipuite hmasawna hna nasa takin an thawk a. Tunhma bialtu hian a ngaihsak loh vang nge ni, mipuite an beidawng a, a tlanchhiatsan ta a. Wawiin ah hian chung vang chuan mipuite hlim

hi a itsik nge ni an ti ve deuh ani. (Pu B. Lalthlengliana : Pu Deputy Speaker, MLA-a a tlin ve hi ka duh sak em mai a, ka kalsan ani).

Pu K.S. THANGA : A la chak a nih chuan Pu Deputy Speaker, a bial atangin rawn bung sela, saw bial saw ka lo tiruak anga, han ti tha leh ila a thain ka hria. A la chak a nih chuan saw bialah sawn kawngka ka lo hawng a nge. Chuvang chuan khalai kha sawlai hmasawna rahbi kal ta itsikna ani. Chutianga Party mal pakhat thusawi helai Housea rawn thutak sawi chhuah vaka kha (interruption).

Pu B. LALTHLENGLIANA : Pu Deputy Speaker, Muallungthu thleng ka kal a, work side-ah ka kal a, ka hmu vek, chu chu a ni ka sawi ni. Engmah sawifiah lo sela, a reh rang zawk ang. A insawifiah dawn chuan...

Pu K.S. THANGA : He laiah hian Party pakhat aiawh a sawi khan awmzia a nei lova, tin an mahni kha mipuiin an hnawl an ni leh nghal a. Khang kha chu he Houseah hian a tla na vak lo ani.

Pu B. LALTHLENGLIANA : Vawi hnih an hnawl che a, vawikhat tlak avanga chak vaka inngaih kha a dik lo.

DEPUTY SPEAKER : Nangni chu in tel ve lo, a in hnial ate pahnih kha kan pe lawk mai ani. Chuvang chuan khatiang khan lo tel ve zel lo mai ila.

Pu K.S. THANGA : Engpawh nisela, mipuite tunah hi chuan an hlim ta a, an thla a muang ta ani. R.D hnuaiah hian nasa takin hmasawna an nei a ni tih erawh kha chu kan sawi hram ang e.

Pu Deputy Speaker, hun a chep a, Home te hi nichinah kan thiante tam takin an han sawi tawh a. Hei kan ramah hian, kan Sorkar hmasa ah te chuan dan rorelna in awmzia a nei lo a, Pu Deputy Speaker, minute 5 vel kha chu min tibuai kha kha chu min pe belh dawn lawm ni, min tibuai a ni a.

DEPUTY SPEAKER : I buai rei lutuk ani pawhin min tibuai a tih ve tho chuan in in tibuai ve ve ani. Hei a nih minute hnih ka pek belh ang che. Dar 4 khian i tawp dawn nia.

Pu K.S. THANGA : A lawmawm e, vawiinah hian Home Minister chak tak mai, thil tithei tak, mipuite nu leh pa tling tak kan nei a. Vawiinah hian kan Police te an lo phuar thinna a chhuah an nih tak ah chuan kan Chief Minister tawngkam takin, vawiinah chuan mipuite an thla a muang a,

buaina leh harsatna, tualthahna ani emaw, kan ramah hian chin fel zel, thil theih loh anga mi mawlina kan lo ngaihtuah angte pawh a rawn ching fel zel ta te pawh hi he Sorkar leh Home Minister chungah lawmawm ka ti a.

Water Supply & Sanitation hi tawite kan sawi duh chu, Saikhamakawn ah sawn kum 10 chhung, kum 20 chhung pawh a ni mai thei e. In 20 vel khua hi Sorkar hmasa hun lai khan an khuaah tui supply awm siin, mahse, a kalpel a, ngaihsak tu an awm lova. Vawiin ah hian kan PHE Minister zahawm tak hian sawng ho tui harsatna te pawh hriain tunah chuan min pe dawn niin ka hria a, Mipuite an lawm hle a. Hetianga mi tlem zawk an nih avanga ngaihsak lohva an han awm a, vawiin ah ngaihsak tura Sorkarin a ngaihtuahna a hmang a, sum leh paite an zawn sak te hi lawmawm ka ti a, kan sawi duh ani. Tin, Hlimen leh Melthum hi Aizawl khawpui nive si, water supply in vawiin thlenga a la thlen lohna ani a. Hei pawh hi PHE Minister hian vawiin ah hian hma lak tumin, amah ngei pawh a hmunah te va kalin mipuite tan tui in tur hnianghnar zawk an neih theihna turin chak takin hma min lakpui mek ani tih kan hria a. Sawlai mipuite an thlamuangin an lawm em em ani tih ka sawi duh ani.

Pu Deputy Speaker, hun min pe a ka lawm e.

DEPUTY SPEAKER : Pu K. Lianzuala, khi minute 5 (nga) dar 4.00 Pm rik nan ala awm a. Kha kan hma a mite, kan Member zahawm tak te kha an han inti deuh laih laih a, thutna lam leh awmna lam a dan hian sawi awm leh tih awm te pawh hi a dang ve bawka nia. Chuvang chuan kan hriatthiam a tha in ka ring a.

Pu K. LIANZUALA : Pu Deputy Speaker, ka ding tam lova. Keima dinhmun lamah remchan lohnate ka neih deuh vang thin ani a. Engpawh nisela, huntha tak min pe a, ka lawm a. Demand 16-na Home ah khan han luhngal kan duh a. A hnaivai deuh han sawi nghal duh ka nei a. Kan khawpui traffic jam lutuk hi nimin lamahte pawh kan sawi tawh a. A chhan pakhat hi chu Motor tam vang chu a ni phawt mai a. Nikum lam khan ka sawi in ka hria a. Kan traffic police te an in daih tawka lo te pawh thuin ka hria a. Mahse, tunah chuan kan Home Minister zahawm tak hma lakna in traffic police te pawh an in daih deuh ta a. Amaherawhchu officer lam te hi an in daih lo hle a. Kan hriatna a soal loh chuan Inspector pahnih, S.I pathum, ASI pathum hi officer S.P lam tih loh ah chuan an awmin ka hria a. Hengte hi ngaihtuah belh theih nisela a tha awm mang e aw ka ti a. Tin, keini hi Electric veng thlanglam deuh a awm kan ni a. Tukin pawh kan kawtkai atangin traffic a jam nghal ringawt mai ani. Dar 9:30 A.m ah kan rawn chhuak tan a. Chuvang chuan kan traffic jam te pawh hi hei ai hian traffic police te leh an mahni pawh hi han thuan that lehual te pawh hi a tha awm mang e kan ti a ni a. Tichuan, Pu Deputy Speaker, kan Home Minister zahawm tak hmalakna ah hian kan ngaihtlak tawh angina kan police te leh a hnathawk ten tunah chuan an kut zala tlain hna an thawka tha hle a, a thlamuanawm ka ti a. Kan Minister chungah pawh lawmthu ka sawi a.

Tunah hianin Commando Company-te kan nei thuai dawn ni te pawhin kan Chief Minister thusawi ah te pawh a lang a, a lawmawm a. Tin, Border out post changlung tak pawh kan nei thuai dawn niin a lang bawk a. Chuvang chuan Minister zahawm tak chungah hian lawmthu kan sawi a tulin ka hria.

Tin, kan sawi duh chu kan Bru unau te chungchang hi ani. Anni hi nangmah tel pawn Pu Deputy Speaker, khulam bialtu te pheii chuan kei niin kan hriattham loh ah pawh harsatna in neihpui fo vang tih ka ring a. Sorkar kal ta leh Sorkar mek ah pawh Law & Order chungchang ah harsatna min thlent chu kan Bru unau hi an ni fo ani. Chuvang chuan, hmanni lawkah chanchinbua kan lo hmuh te in la hriain ka ring a. Sorkarah thil tih theih loh, Sorkar pawhin a theih loh tur thil an phut niin ka hria a. Chuvang chuan, lo kir a, lo awm leh tak tak hi an duh lo niin kei chu ka hria. Chuvangchuan, an chungchang hi Sorkar-in ngun taka ngaihtuah a thain ka hria a. An lo kir leh dawn anih ngai chuan an tlanhhuah hma a an awmna khua theuhah khan lo kir leh mai sela a tha awm mang e tih hi ka ngaihnan ani a.

Chu tih rual chuan Sorkar pawhin enchian tur chu kan neinin ka hria. Tunah hian a then chu an lo kir leh a. An duh duhna hmunah an in bengbel leh mai dawn ni pawn a lang a. Hei hi tun atanga kan thlir ngun loh chuan nakinah harsatna dang min siam belhtu an ni thei ang tih ka ring a. Chuvangchuan, kan Minister pawhin hei hi a enchian a thain ka hria a, hei hi kan ngen ni bawk sela. Tichuan, hei Jail te kan han neih thar chhoh belh dawn a.

DEPUTY SPEAKER : Lo ngawi lawk la, Dar 4 hi kan hun tawp ani a. Amaherawhchu, wawiin hi Demand sawi ani a. Kan chawlh san mai thei lova, kan kaltlang zel mai turah ngai ila a tha kan ti ti rawh u. Awle Pu Lianzuala hian han sawi zo phawt sela.

Pu K. LIANZUALA : Awle a lawmawm e. Serchhip District Jail Chhiahtlanga awm ani a. Tunah hian kan Minister zahawm tak, chak tak hmalakna hnuaiyah sak chhunzawma zawh mai theih tur, hawn mai theih tur dinhmunah te a dingin ka hria a, lawmawm ka ti a.

Tin Sainik School chungchangah hian kan ram ro, kan thalaite hmakhua atana thil pawimawh tak ani a, crore 50 zet kan hmute hi a lawmawm ka ti a. Tin, kan ram vaia kan lawmna tur anih rualin ka bial Chhingchhip hmuna awm tur a nih avangin mimal takin ka lawm bik em em ani tih kan Minister zahawm tak pawhin min hriatsak se ka duh ani.

Tichuan, Pu Deputy Speaker, hun a tam lova. Demand No 40-naah kal ta ila. Hei Industry ah hian kan Corporation te hi tun dinhmunah chuan kan Chief Minister zahawm tak speech ah pawh a lo lang a. Losing concern vek mai hi ani tak a. Chuvang chuan intodelh a, awmze neia kal tur an

nih laiin Sorkar tan phurrit niin a lang a. Amaherawhchu, heti ngawt hi chuan awm reng, kalreng thei chu kan ni tawh dawn bawk si lova. Sorkar hian consultancy firm te rawih sak ta sela, hma lak dan a awm em aw tih hi kan Industry Ministry zahawm tak hian min hriat sak se. Chutiang chu one time institution loan te emaw hmanga chhanchhuah dan a awm em ? Chuti a nih loh chuan tun dinhmun anga a kal reng hi chuan a harsa chho dawn niin a lang a.

Hei kan hriat danin khawvel ram changkang bera kan ngaih USA ah pawh Bank leh Company te an tlakchhiat ve mek laiin Sorkarin a chhanchhuak thin ani. Chutiang te pawh chu kan hriat a tha a. India ramah ngei pawh Air India te, Indian Airlines Company lian tak tak te pawh India Sorkarin a chhan chhuak ve thin ani. Chutiang chuan keini pawh State kalchho mek, thang mek kan ni a. Heng kan PSU te hi nakinah chuan kan ram hmasawn na atana pawimawh tur an ni ve mek bawk nen. Enchian a, zirchian a, an kal dan tur mumal kan neih hi a hun hle tawh in ka hria.

Tichuan Demand No-38 na ah lut ta ila. Pu Deputy Speaker, R.D ah hian kan member ten an sawi ang khan, keini zo khaw lam bialtu te tana thu lawmawm deuh mai R.D Minister in Rural housing Scheme, chhungkaw 2500 zet te rangva a pe leh thei te hi a lawmawm em em mai a. A chungah lawmthu ka sawi tak zek ani.

Chutih rual chuan zo khaw lam te hian tun dinhmun ah NREGS avangin Central Sorkara anlo tam hnem ve na thin sum a awm tawh silova. BADP nei ve lo bialte hi engtin emaw chuan min ngaihtuah ve a ngai in ka hria. Chhangchhe pawnpui an sawi ang deuh ani a. Kan R.D Minister hian Border Area Development fund nei ve lo te hi min pawhsei sak deuh se. Chu chu ka ngenna ani. Ka bial ah chuan Tuichang a awm a, a kam lehlam te kha BADP nei thei an nih lai khan keini lam hian kan nei ve thei silova, thildang ah development sum hmuh tur a awm bawk silova, min han khuh tel ve se tih kha ka ngenna ani. Chuti lo chuan zo khawlam V.C te, mipuite pawh an khawngaih thlak em em a. Sorkar office an dawr dawn paw'n mahni sum in harsa takin an kal ani. Khatiang kha kan Minister zahawm tak hian min hriatsak sela engti kawng zawng emaw, a bik emaw tala min duhsak theih dan te awm se ka duh a.

Tin, Social Education hnuaiah Tuikum bialah hian Community Hall sak lai te, sak tur te kan nei teuh mai a. Khing ah te pawh min han duh sak deuh teh se tih te pawh hi he House kal tlang hian ka ngen duh a. Chuti lo chu ramlaili taka awm kan ni a. Development ah te pawh min kalkhum / pel mai dawn hian hriatna kan nei a. Chutiang tur chuan Minister zahawm tak pawh hi ka ngen ani. Pu Deputy Speaker, hun a awm tawh silova sawi tur awm nual mahse chu chu ni mai rawh se. Ka lawm e.

DEPUTY SPEAKER : Awle, tunah chuan kan chawl lawk anga. Tichuan dar 4:30 Pm ah kan lut leh dawn nia.

DEPUTY SPEAKER : Awle, kan discussion kan chhunzawm leh nghal ang a, mi 14 in kan sawi tawh a. Kan sawi deuh tawh nge ni ? sawi duh kan la awm em ? aw Dr. R. Lalthangliana ko ila, ani hi opposition group leader ani a. Minute 15 hun kan pe ang a. Bawhpelh lo hram sela, minute 15 chu sawi rawh le.

Dr. R. LALTHANGLIANA : Pu Deputy Speaker, ka lawm e. Hei kan discussion tluang takin kan kal zela, a lawmawm hle in ka hria a. Kawng leh lamah chuan i dinglam ami te pawh hi, a hma a kum sawm kalta nena khaikhin chuan thu an sawi thiam hlei thei lovin ka hria a. Kei chu ka khaikhin ve vak dawn lo tih kha ka sawi duh a. Tun zel hi a pawimawh tur ah ngai ila a tha mai in ka hria.

Demand No-25 na ah hian, khawvel mihring in a kan mamawh ber te zinga mi leh a lova kan awm theih miah loh water supply kan hmu a. Mihring in kan basic needs hi boruak tha leh tui leh chaw ei tur ani. Tui lo chuan kan khawsa thei lo tih kan hre vek a, chuvang chuan kan khawvel hun tawn hrim hrim pawh hian vawiin ah hian Mizoram chungah chauh lo pawh hian a siam nasa hle a.

Hmanni khan Kolkatta a kan kal in university pakhat ah scientist ho in an lo sawi thil pakhat chu, kum danga scientist rual hovin an sawi pakhat ah chuan 21st century ah hian khawvel a lui lian tak tak te hi a kang deuh vek dawn a, tuna a awm zatve aia tlem hian a awm deuh vek dawn ani tih khawpin warning an lo pe a, a rapthlak khawp mai a. Kan Himalaya mountain, khawvel a tlang sang ber pawh glacier in vur var vu mai thin kha chak tak mai in a tural chho mek a, a sawi uar deuh scientist pakhat phei chuan in kum 2035 ah chuan Himalayan glacier hi a tui ral mai dawn, chu chuan nasa takin kan environment hi a effect dawn ani te kha an ti a. West Bengal ah khuan Sunduban anti a, khawvel ah pawh a langsar tham a ngaw tha leh zau Sq. Km 1000 chuang a awm a, chu chu kan va thleng tep a hmanni ah kan va kal lawk a, chu pawh chu nasa takin a chereu a, a chhung a lui tuihna awm ho kha nasa takin alo kang tawh a, chu chu Mizoram chauh lo pawh hian khawvel pumpui hi kan future a thim viau ani tih kan hriat tlan tha in ka hria a.

Tin, khawvela lui lian (major rivers) hi hmun thuma thena hmun khat chu a kang tawh ani. Pu Deputy Speaker, kan India ram dinhmun pawh hi tui chungchangah hian a chhe ang reng khawp mai. 97.5% tui hi bawlhhlawh leh air pollution avang in in tlak loh ani, tih hmuh chhuah ani a. Tin, India ram tui 90% hi in tlak hlawl loh ang khan an puang tawp tawh mai a. Tin, India mi nuai hlir nuai sang hnih hian tunah hian tui in tur tha an chang zo tawh lo ani tih a lo ni leh a. Chuvang chuan Mizoramah kan ram ngaw tha kan han ti kang vak mai hian kan future hi nasa takin a khawih chhe dawn ani tih a chiang leng mai a, pawl ka ti khawp mai.

Hei, session hmasa khan ka sawi zawk tawh a. Thil lawmawm deuh mai, a tak a lo hlawhtling ta, Sorkar hmasa in a lo ruahman JNNURM

atanga Serchhip leh Lunglei District in vaibelchhe 7/8 bawr vel ve ve kan tangka hmuh hmanga Lunglei lamah te pawh hna kan han thawk tan thei hi lawmawm ka ti a. Ramzotlang kan tuizem lian pakhat phe chu Pu Deputy Speaker, a lo hun tawh khawp mai a, nimin ah tuizem mawng kha a tla thla hlawk mai ani. Ramzotlang tuizem te, kan Higher Secondary School bul ami te, Chanmari tuizem tih te Assam Rifle Lunglei lam ami te, kha a lo chhe hle tawh mai a. Tunah tiang a bul tan theih tur a Sorkar thar ang pawh a tunhmaa kan lo ruahmanna an lo chhonzawm hi lawmawm ka ti hrim hrim mai a, ka han sawi duh hrim hrim ani.

Tin, tui harsatna thu sawi hian Aizawl khawpui ringawt hi kan sawi deuh a. Ka hriat sual loh chuan 80% discussion ah hian Aizawl khawpui tui harsatna thu hi kan sawi a, Phase-I, Phase-II kan ti a. Kan Minister pawh hian a ning deuh hlein ka ring tawh a. chutih lai chuan harsatna lian tak tak tawk te, bial kil khawr zawk te an awm a. Hei kan bialte pawh thingtlang lam hla deuh alo nive a, mi pakhat min hrih dan chuan tun maiah Thuampui, Brig T. Sailo te khua hi Lungdai 'S' ka bial atang sawn K.M 20 vel a awm niin ka ring a, tui kha a thlengzo silova, Lungdai south khanin Thuampui ami tui chawi kha an dil tih te ka va hria a. A pawl ang reng khawp mai a, harsatna lian tak an tawk a, churang chuan tuna tui ruahmanna kan siam, kan project hian a cover phak lohna lai kan Minister khan min lo chhinchhiah sak la, kawngpui tlangdung bik lungdai 'S', Serte, Sertlangpui leh kawlhawk te hi ka ngai pawimawh hle a, Buarpui hi ka ngai pawimawh khawp mai bawk a. Bial dang thil te pawh kan sawi tel ang, min lo hriatsak se ka duh a.

Chumi rual chuan tui kan pump chhuah ringawt piah lamah hian Rain Water Harvesting lamah hian engtin nge hma zau tak leh lian takin kan lak ang tih hi kan ngaihtuah a ngai tawhin ka hria a. Thingtlang ah tuizem tin in kan khawr sak a, chumi mai nilo treatment plan mumal leh fel tak nen (India ram khawpui lianah chuan Multi-Storage building te a lo awm a, chungah chuan henga kan Zonal tanky pahnih pathum zo tur ang an han dah a) Rain Water harvest ang chi te pawh te pawh hi kan thei chiahlo anih pawhin kan zo tawk tur hi khawpui ah pawh hian kan mamawh ta niin ka hria a, kha kha a pawimawhin ka hria a, kan tarlang duh ani. Tin, kan sawi leh duh chu hmanni khan kan thenawm an tlangau, YMA nge V.C ka hre lova, an au lauh lauh mai a, tuikhur a tui chawi turin in tin ken bak kha chu thal belh suh u, phal ani lo an ti a. khatiang au kha Aizawl khawpui ah ka la hre lo, kawng leh lamah khatiang khan kan harsat zia a ti chiangin ka hria. Sorkar dan zawng pawhin ka sawilo. Kan harsa ani tih hi chu kan hre tlang awm e. A sem dan chung changah hian rualkhai tha deuh hlek a kan sem a tulin ka hria. Aizawl khawpui ah hian kan zawt kual a, Pu Deputy Speaker, veng thenkhat ah chuan thla khat danah, thla khat chhungin vawi khat te an hmu a, a thenin chawlhkar khatah vawi hnih hmu te pawh an awm ani mai thei, kan in thlau viau mai a, hei hi kan Minister in enfel se ka duh a.

Industry Department Demand No 40-na ah hian Lunglei a Kawmzawl Lunglei a ka bial Kawmzawl ah sawn Industrial Estate ah nuai 500 chuang man kan buatsaih a, hei hi kan Sorkar hian a hmang tangkai vak lo

emaw, ni chu aw lo enzui se tangkai taka hman tha in ka hria. Tin, kan Industry hnuai ah corporation hrang hrang kan nei a, heng hi tunah hian hian kal hlei thei lova deficit ti mai ila tlu chhe mek kan awm deuh niin a lang a.

Tin, chumi hnuai sick unit tam tak kal hlei thei lo, loan rul tha lo avanga harsatna kan tawh te enfel a ngaia. Tin, Education un-employ ho te hi industry hnuai loan kan pe thin a, a lawmawm. Mahse thlan an nih tawh hnu ah Bank lam hian harsatna an siam ziah mai a, hei hi sut kian dan kawng awm thei sela tih hi kan sawi duh ani.

Tin, Industry kan kalpui dawn tak tak anih chuan District tinah hian kan rawt ve duh chu cluster ang deuhva Zuangtui-a kan neih ang chi hi Aizawl chauh lovah hian kan neih a tha in ka ring a. Tichuan, mi tam tak, trade chi hrang hrang kan accommodate theih beisei ila a tha ang e.

Tourism ah hian kan sawi duh chu tun hnuai vanduinana kan tawh a, a pawh khawp mai. Sorkar hmasa in cheng nuai tam tak senga uluk taka conference centre alo sak nimin piah mai ah an kang a, a aia tha zawk sak vat te pawh a tul dawn niin alang a. Tin, kan Revenue earning department ah hian Tourism Department hi engtin nge kan siam ang tih hi tih tak zet a kan ngaihtuah hi Pu Deputy Speaker, a ngai tawh in ka hria. Mizoram hi kan la che fuh thei hrih lo tlat mai a. Chuvang chuan Tourism Industry lian lutuk heng India ramah pawh sum lak luh na lian lutuk kan hmang tangkai thiam tlat lo mai hi ngaihtuah a ngaiin ka hria a, chu chu kan tarlang leh lawk duh ani.

Hei Demand No. 16-na ah hian ka sawi duh chu Sorkar hmasa khan Battalion I.R 4 (pali) siamin, Mizo thalai rual 4000 vel kan recruit hman in ka hria a. Tin Police manual te pawh 2005-ah khan peih hman ani a, a lawmawm a. Police ho zawng zawng an life kan insure sak niin ka hria a. Chutih rual chuan kan Southern Zone, Lunglei, Chhintuipui District pathum area cater tur atan a DIG Range, (tunah Pu Davida kan IPS an kal bo ta a, a aiawh) kan la dah thei lo hi, hmanni ah zawhna ka zawt tawh a, a rang thei ang bera dah tha in ka hria. Eng cadre post nge tih lamah hi chuan buailo ta ila. Southern range awptu tur atan chuan MPS nilo IPS cadre turah Sorkar hmasa pawh khan a ngai in ka hria a. Kha kha kalpui dan turah ka ngai ani.

Kan Home Minister hi a fakawm hle a. A ngaihtuahna hmanga a thil tih kan hmuh rual in chak leh zual in hma han la thei sela. Kum 2003 bawr vela kidnap case avanga Sorkar sum, Rs 60 lakh khul chhuahna tur atana pek tih te pawh Press Conference ah khan a sawitu ani a, chhuichhuak chak deuh ta sela, khang te kha a rei tawh viau a, a tha in ka hria.

Chumi rual chuan kan Sorkar thar pian hnu a eng engemaw thil han sawi te, Sorkar thar pian hma pawh a sawi awm tawh, Aizawl Civil Hospital a Mobile Unit hlui, a thar nge a hlui tih vela kan buaina chinfel tawh ani em tih ka zawhna te hi chu a har lo lutuk. Nikuma ka zawh kha motor hlui leh thar chu min tih tir ula darkar khatah ka zawh theih ka ring. A har lo lutuk

Police chhuitir ngai pawhin ka hre lo. A hlui a thar chu motor kum 30 kan khalh tawh a, kan hre lutuk. A document a tang pawhin a hriat theih ang ka ring.

Kan ACB tih chak tha in ka hria. Kan Hospital chhawng khat bo tih te hi thil langsar, Aizawl khawpui laili a awm 'a bo' han tih a, vawiina a bo leh bo loh pawh chian loh tih vel hi chu, Politic thil vel mai mai a ni mai awm mang e tih hi mipuiin rindan an nei ang tih awl deuh mai ani a.

Tin, National Rural Health Mission pawisa tun thleng pawh a chanchinbu luah crore 6 a bo ani tih vel ang te pawh hi kan chinfel ran tha in ka hria. Thil ho te te thil pawimawh nisi ani.

Tin, Buarpui hi Police tan hmalakna tur atan, kan Home Minister hi chuan minrawn chuh lo turah ka ngai a. PWD Sub-Division kan pe a, Bunglunah kan sawn daih mai a. Electric Department sub-division kan pe a, kan chhuh leh bawk a. Thenhlum ah dah ani a. Khatiang reng reng a awm hi diklo in ka hria a. Kan Home Minister hian Police outpost te hi chu minrawn pe ve la, i din ve pawhin theih tawpin ka campaign pui mai thei che ani. Khatiang pek kha hlau suh u tih kan sawi duh ani.

District Council ah hian pakhat ka sawi tel duh chu district funding hi sawi a tam a. 8th July 2009 khan kan Chief Minister zahawm tak hian Pi Sonia Gandhi hnenah hetiang hian lehkha a ziak a kan chhiar ang e. Pu Deputy Speaker, i phal nain. The three autonomous district of Mara, Lai and Chakma have always been facing financial problems. This has always been aggravated when the congress is voted in power in Mizoram. We have, therefore, decided that the Central Government be approached for direct funding and granting them more powers.

We may recall, kindly recall that you have ever written to the Mara people before the District Council election a few years ago and that if we are voted to power in the council, we shall take action for direct funding. The leaders of the three District Councils are camping in New Delhi to meet you and the Hon'ble Prime Minister in this regard.

I am addressing this letter to you to retrograde our supports to their demands, tih a awm a.

Hetianga politics a in thlan dawn tih hriat lutuk avanga tih ringawt mai hi a fel lovin ka hria. Sorkarna in chelh tawh a. Hei hi pek mai tur ani dawn lawm ni tih in zu thlen tawh te anih chuan enge chanchin tih te pawh ka hre chak.

Election dawn avanga hetiang hotu ten thil in ti thin hi chu pawh ka ti khawp mai. Eng pawh ni sela an ring tawh ta lo nge in he Sorkar hi, direct funding an dil tlat a, tunah te pawh an kal a pianga an tih hi kan question duh ani.

DEPUTY SPEAKER : Tawk tawh rawh le.

Dr. R. LALTHANGLIANA : Pu Deputy Speaker, tlem te ka sawi ang, a tawp nan.

Rural Development ah hian ka sawi duh chu PMGSY pawisa hmanni a karawn sawi kawng laih na tur atan contractor te hnena cheque tam tak, vaibelchhe tam tak issue hi tun kum chhung hian a tam lutuk a. Bank Account-ah State Bank ah an va draw dawn a, draw tur pawisa a awm miah lo. Financial year tawp dawn avanga heng pawisa te hi tih ruah sak a, thil dangah kan hmang nge tih hi rin dan lian tak mai a awm a. December thla a ADB (Asian Development Bank) pawisa, Sorkar hnathawk hlauh atana loh theih loha kan tih ang khan kan ti leh ta em ni? Hei hi Government of India atanga tangka lokal online monitoring-a fel taka R.D Ministry atanga lo kal a nihna zawnah hian harsatna, nakinah a dik lo zawnga thil kan ti anih chuan kan hmang thei mai awm mange, kan tuar ang tih ka hlauh avangin thahnemngaih thilah thil kan sawi lawk mai ani.

A tawp berah chuah SIRD hi hmang tangkai ila ka duh khawp mai. Kolasib-ah a awm a, Extension Training Centre Lungleiah a awm bawk a. Thingsul lamah te pawh kan nei chho dawn niin a lang a heng hi kan hman tangkai a pawimawhin ka hria.

Scheme tam tak R.D hnuaiia awmte, a bikin kan farmer leh kan worker ten'a heng an hman tangkaina atanga hlawkna kan chhar chhuah theih ka beisei ani.

Pu Deputy Speaker, minute 1 min pek belhin ka hria. Ka lawm khawp mai. Ka lawm e.

DEPUTY SPEAKER : Awle, kan sawi ta malh malh viau e. Nichinah khan kan sawi soal a, 14 ka ti a, a ni kha 21-na zawk an ni. Tunah chuan kan sawi hona chu kan duh tawk dawn mai anga. Tichuan, a Minister in charge-te kan sawm anga, rawn wind up-a pass te rawn dil turin Minister incharge Pu R. Lalzirliana i sawm ang u.

Pu R. LALZIRLIANA, MINISTER : Pu Deputy Speaker, ka lawm e. Kha kan Department chan ve te a ding apiangin kan sawi a, min rawn sawipui a. Mi 21 an lo ding a, a bikin Home pheichu kan sawi deuh vekin ka hria a, ka lawm khawp mai. Ka phu vang leh ka fel vang ni lovin kan Chief Minister-in min tawiawm a, a tawiawmna hnuaiiah hetiang hian hna kan han thawk ve a. Tin, kan MLA leh Minister ten min finchhuah bawk a, tiang chuan kan han kal ve naw naw a. Ka Department-a hnathawktuten phur taka min tawiawmna avanga kal thei niin ka hria a, a tawpah chuan hmingthat te kan han hlauh der ve a, a ropui pawh ka ti a, ropui ber turah chuan khawvel mite ai chuan Lal

Isua Krista hi ropui ber sela. Mipuite tawngtai chhuah kan ni kan ti a, hei hi thinglung tak tak in kan vaiin kan pawm in ka ring a, chutiang chuan kawng dik a thinlung leh tih tak zet a he ram hi kaihhruai kan tum chuan Pathian in hma min hrui sak zel ang tih ka beisei a, ka ring tlat bawk ani.

Tunah chuan in zawhna te hi a theih ang angina han chhang dawn ila, mimal mal ang chuan chhan vek sen ani in ka ring lo a. Tin hun te pawh a rei duh deuh mai thei a. dar 5 ala ri lo a, minute 10 ala awm a. Hei DIG Range tih kha chu hmanni ah khan kan chhang tawh a. Heng hi kumin chho hi chuan kan dah ngei turah ka ngai a. Kidnap case tih vel Rs nuai 60 an pe tih hi tun hma kum 7/8 kalta khan MNF Sorkar a din lai khan ka sawi thin a. Chiang tak in a pe tute, an pekna in te, ka sawi chhuak thin a. Khang kha vawiin a chhuichhuah leh duh se chuan an chhui chhuak tur an ni a. Vawiin ah chuan han chhui leh dawn ila, chhuichhuah hlauva document zawng zawngte pawh lo ti chhe vek tawh te an nih a rinawm a. Thil harsa tak a ni thei tawh ani. Vawiin a mahni in sawithiam leh tum a hetiang tih vel hi chu mipuiin an ring lo let zawk thei awm mang e, ka ti a.

Suangpuilawn kidnap case tih kha, dik tak chuan khang laiah khan kan hria ani. An sawi ani. House ah khan Session apiangin vawiin a kan opposition leader te nen pawh hian kan sawi ho ani. Pu Duha te ho nen pawh khan. Hei hi chhuichhuak rawh u kan ti a, chhuichhuah theih reengin khatih hun ah khan a awm a. Tiang chuan Demand nasa tak kan siam thin ani. Khang hun laia kan tih tawh si loh avangin thil hi harsatna chen a awm mai thei a. Rilru leh thinglung tak zet a ngaihtuah hian khang ang kha thleng tawh lo se kan duh a. Kha kha chhui chhuak leh dawn ni ila engtin tin emaw zawng ta ni ila, tu ten emaw an tuar ang, Sorkar hnathawk tuar tur an awm ang khang kha politician te, mahni tanghma hai lutuk ten a an hman an ni a, khatiang ang mahni tanghma hai lutuk party tena an lo hman, an chak leh theihna tura tana thil an tih avanga vawiin a, kum 10 dawn kal tawh a tuartir a ban emaw suspend emaw, alo berah emaw chu an ngai ngei ang. Lungin a an tan loh pawhin chutiang tur chuan vawiin ah hian phuba lakna rawngkai lam emaw, miten an tawrh ai chuan kan duh tawh loh a kan hun a thil an tih that hi chuan chu chu a tawkah kan ngai a, demand nasa tak a awm anih chuan an mi hman a tir tu te leh an hman a te pawhin an tawrh kan remti a nih ngai chuan rilru maktak a lo chhuak anga, eng ang rilru nge Sorkarin a put zel dawn erawh chu kan hre lo ani.

Helaiah khan Pu Thlenga te MLA zahawm tak Pu K.S. Thanga a te thu inchuh deuh an awm a, khang te kha en fiah a ngai a, a tu zawk zawk pawhin thu dik kan sawi kan tih a, kan enfiah anga, khang kha a hmunah kan en anga, thil tidiklo a awm hi chuan tihdik dan kawng kan zawng tur ani a, thil tha kan duh a chuvangin, thil tha duh chu, a tha lam hawiin kan kal zel anga, thil tha kan duhna lamah hian tute emaw tawrh tir kher erawhchu thil tullo te pawh a awm thei anga, dan lo anga thil ti an awm anih chuan siamthat kan tum dawn ani tih kha kan sawi duh a. Tin, Pahnuna ram neitu Chowkidar vuakhlum (F. Pahnuna) a nih chungchangte kha kan ngaitla a, khangah te khan a thattu kha kan hre lo a nilova, Sorkar hian a hre em em a, mahse mi an tlan bo tlat

chuan an awmna vawiin ah hian kan hriat mai loh avangin kan la man thei lo a ni a, mi 21 zingah a diklo deuh home ah police tena an tihdikloh tualthahna a tunhma ang a man chhuah theihloh thu mi 1 chiahin a rawn sawi chhuak a, a lawmawm ka ti khawp mai a, thil duh thatna lampang a ni a, chu pawh chu nidangah chuan a thattu an hre lova, tunge titute pawh an hre ngai lova, vawiin ah erawh chuan a thattu, kan hotute'n kan Police-ten rinhlelh an nei a, chu pa chu khami zan atanga a tlanbo tak avangin, vawiin ah hian anla man thei lova, hei hi kan la enzui zel a, a hnu hi kan la chhuizel a ni tih kan hriattir duh a.

Tin, Guwahati bula mitthi chungchangah te khanin sawifiah chi a ni lova. Mizo thlavang hauh ngam lo, min ti anih chuan keini aia hauh ngam tur hi he House chungah hian ka hmu hranpa lova, kan hauh ngamin ka hria a. Chuvangin hetiang ang kawngah hi chuan inpuhchhiat phet hi kan tum turah ka ngai lem lova, chuvangin an chanchin hi kan police-te, officer lian tak commandant kan ti a, a hmuhdangte pawh he laiah hian a rawn ziak vek a, khulai miten a an hmuhdan pawh, chung chu he laiah azavaia sawi chi ani lova. Kan statement a tlem kan han sawi kha, tawh maiselangin, a tha-in ka ring a.

Tin, 13th Finance Commission, award kan han dawnah hian, kan MLA zahawm takte khan in bialte kha changve se inti niin ka hria a, heng hi a tlangpuiin kan sawi zawr zawr anga, avai chuan ka sawiseng lovang a, heng In kan sakna turah hianin nuai 70 te, nuai 30, nuai 12 te, nuai 8 mante kha a ni tlangpui a, chu chu hmunkhatah building 3 zel kan sa anga, chu chu Kolasib, Marpara, Serchhip, N. Vanlaiphai, Kawrthah, Borapansuri, Kanhmun, Darlawn, Sarkawrdai, Bairabi, Champhai, Ngopa, Sialsuk, Saiha, Tuipang, Tlabung, Bungmun, Thingsai, Vasei, Sangau, Lunglei, Lungsen, Hnahthial, Phura, New Vervek, Bilkhawthlir, Zawlnuam, Zokhawthar, Seling, Dungtlang, S. Vanlaiphai, Saiha tlang, Bualpui NG, Lungbun, Bungtlang, Parva ah te hian building changtlung tak, pakhat in a ken chu a lianber hi nuai 70 mante, nuai 35 mante ani a, chu chuanin nuai 12 leh nuai 8 man a keng tel vek dawn ani, chungte chu kan sawi duh a.

Pu Duha'n khulai Beat Post din leh chungchang a sawi kha, tun atanga reilote ah hian kan din theih kan beisei a ni. Tichuan IAY beneficiary thlan chungchangah hian bialtu MLA te rawn ve thin nise tih kha kan duhdan tlangpui niin a lang a. Member ten in han sawi thliah thliah a. Amarawhchu kum 5 atan permanent wait list siam a lo ni tawh a. Hemi chhung hi chuan kan zu ti danglam buaih thei tawh lo anga. A serial No. in dawt a, a tlangpuia pek anni a. Chutihlai chuan lo boral te emaw, pem emaw, insak ngai ta lemlo, contract hmu fuh a lo dingchhuak ta te pawh awm theih a ni a, khatiang adjustment chungchangah te erawh kha chuan MLA te hi update thu ah rawn ve thin nise tih chu kan pawm dan tur nise tha in ka ringa. A hrim hrim in IAY te hi induhsak zawnga inpek chi pawh a nilova. Party worker leh a hnathawktu induhsakna chi pawh a nilova. In nei ve zo lo, hmeithai, pachhia, mi mangang pek tur an ni tih hi kan zavaia kan hriat a pawimawh khawp mai a. Pakhat-ah mah hian kan bial chhungah a inrawlh chi loh hrim hrim a. Chuti

chungin an thlang tha viau niin ka hria a. A copy lo chhuak min pek hi ka hmuh ve a ni mai a ni.

Tin, IAY tanpuina hi new construction ah chuan singthum leh sangnga, up gradation hi sing khat leh sangnga a ni a. Tun ang hunah hi chuan a tlem viau tawh mai reng a, Rural Development Ministry in rate hi a rawn fix anih vangin keini tih danglam theih ngawt a nilova. Central Sorkar pawh in ennawn chu a tumin kan hria a. Normal Housing loan te nen a ang khat a han tih chi hi chu a ni hranpa lova. A chhan chu pakhat hi chu loan a ni miau a, rulh leh tur, lo tam deuh pawh nise. Chutiang deuh chu kan ngaihndan ni thei se a lawmawm in kan ring a. Tin NREGS ah 6% administrative cost atangin V.C te hian chang ve se tih a ni a. A chhan chu V.C te an virbuai nasa em em a, hna an tawh hman lova, chutah chuan an duh a an lo hman ve atan an kal man te leh khatiang engemaw senso lo phuhruk ve tur atana tih kha a ni tih kha kan sawi duh a. Tin, hemi a rate-a hi NREGA rate hi cheng za leh pathum a ni a. Hei hi hman deuhah te pheih kha chuan a in hrut ruala cheng za tih tur an rawn ti a. Amaherawhchu, tiang hian kan la ti fan fan a; Hei hi Central pawhin, Ministry ho pawh hian 2010 ah tilo mahsela, helaiah pawh hian 2010-2011 atang hi chuan hlawhfa rate hi patling an va thawk a, vawksa 1 Kg khat em pawh hlawh zo lo an nih hi chuan, 1 Kg hlawh zo tur chuan kan siam thei chuang lo ang a. Amaherawhchu, engtin tin emaw a rate tih san dan kawng hi chu kan zawng mek ani tih kha kan sawi duh a.

Tin, Municipality area chung ah hian, V.C engemaw zat an awm a, chungte chu hman deuh pawh khan chhuak mai turah an in ngai a. Amaherawhchu, Labour Budget ah telh vek anlo nih tawh avangin, lo bet tawh laklawh chu Municipality kan inthlan hma hi chuan kaltlang zel sela tih hi kan hotuten an rel a ni tih kha kan sawi leh duh a. Chu chu kan zawhna kan chhan theih angreng deuh kha chu ni mai ta sela. Helaia kan han wind up na tura kan han tih ah hianin tam tak kha chu chhan tur angin alo kal leh tho dawnin kan ring a.

Tin, Fire emergency ah hian kan sawi leh lawk anga, a Department a kan han luh hmain hei kumin hi, mihring chakna ban tha ringa thil tih ang deuh te pawhin a chang chuan kan ngaihtuah a. Nidang zawng zawng aiin kangmei ah fimkhur tur a ni tih te awareness hi kan pe nasa em em mai a; amaherawhchu kang hi a nasa em em thung mai a. Chuvangin kan thu a nih loh zia hi min hriatchhuah tir hlein ka hria a. Heng ram kang te hi a nasa a, Aizawl District ah te hian hmun 48 ah a awm a, Lungleiah hmun hnih, heihi tlem in a update lo maithei a, Lawngtlai ah hmun li / tum li, Saiha ah tum hnih, Tlabungah tum hnih, Champhai ah tum thum, Serchhip ah tum ruk, Kolasib ah tum riat, tum 108 hi ram kan nasat deuh deuhna lai a awm a ni. Tin, inkang hi sawm leh pariat Aizawl District ah a awm tawh a, Saiha-ah 2, Champhai ah 1, Serchhip ah 1, Kolasib ah 1, Lawngtlai lam te hi a district-ah hian tam riau a. Pu Rama, MLA zahawm tak bialah pawh hian tam tak a awm tawh ani tih kha kan hria a. Chungte chu a ni a. A buaithlak khawp mai a. Hengah hian kang hlum 8 lai an awm tawh a, kan hriat chinah hian, hliam tuar na tak 2 an awm

bawk ani. Hei hi March thla, tun thlenga kan hriat theih chin a ni. Khalai kha ka'n sawi tel duh zawk a ni.

Dr. R. LALTHANGLIANA : Pu Deputy Speaker, khawngaihin, khalai kha a pawimawh riau a. Khati tak maia kan kang nasa a, tam tak phei chu thil chan zawnga, an in leh lo leh an huan leh ram te, khatiang thil te pawh kha a nih ka ring a. Sawrkarin khalaiah khanin enge tanpuina emaw ruahmanna a siam tih kha min hrilh lawk thei em ? Kan House Leader, vawiin ah chuan kan neih i ni bawk a. Midang chu nise ka zawt kher lovang a. Enge maw a tlangpui deuh kha min hrilh thei la.

Pu R. LALZIRLIANA, MINISTER : Pu Deputy Speaker, hei hi Disaster Management lamin an ti thei lo'm ni kan han ti a. Anni chuan, kanglum te, kang te hi tih theih dan kan nei lo a ni, an ti. Keini R.D lam atang chuan nichina kan member zahawm tak tena an sawi Rural Housing atang khan an inchung tur hi kan pe turah kan ngai a. Tunah pawh hian mi engemaw zatin MLA zahawm tak tak te leh V.C lam te pawhin an rawn dil tawh a, kan pe hnem hle tawh mai a. Hei hi kan tih theih chu a ni mai a. D.C lam atangin a kan dan te, in kang te kha chu an report ang a, a tih theih dan phung pangngai chu kan hriat vek tawh ang khan a awm a. Chutiang chuan kan ti rih mai turah kan han ngai deuh ani,

R.D Demand No 38-ah hian han kal ta ila. Tuna kan sawi ang khan National Rural Employment Guarantee Act (NREGA) hnuaiah hian kum 2006-2007 atang khan Lawngtlai leh Saiha District-ah hian tan a ni a. Tin, Lunglei leh Champhai District ah hian 2007-2008 ah tan a ni a. 2008-2009 hian Aizawl, Kolasib, Serchhip, Mamit District ah tan ani ve a. Helaiah hian ni za in hlawnhna tura tih a ni a. 90% a Central Sorkar leh Mizoram Sorkar, State share ah 10% kan lo tum ve a ni tih kha ka sawi leh duh a. Tin 2009-2010 ah hian Central sum leh keini State share belh khawm hian nuai Rs 2,32,299 lai hi kan hmang tawh a ni. Hei hi district 5-ah ni 100 in hlawnh nan kan hmang a. Chungte chu Aizawl District, Serchhip District, Kolasib District, Mamit District, Champhai District ah hian ni 100, a vaiin hemi District nga (5) ah hian kan in hlawnh tawh a then phei chu ni 100 chuang an in hlawnh hman dawn a ni. District 3, Lunglei District-ah hian ni 67, Saiha District ah hian ni 90, Lawngtlai District ah hian ni 85 kuminah hian an in hlawnh tawh a. Heng hi Central atanga sum a lo thlen loh avangin a lo thlen tlai avanga ni 100 la in hlawnh zo lote khan kan thleng hman tura kan in beisei, kan thlen hman loh pawhin kan thleng thuak in kan ngai a ni. Tunah hian lo thleng turte pawh a awm ah. Tichuan 2010-2011 ah hian in lakh 32,023 zet hi NREGA ah hian hmalakna tur a ni a hei hi labour budget R.D Ministry ah kan submit fel tawh a ni. Heta tana State matching share hi cheng nuai 2000 lai a ngai dawna. Heng hi 2010-2011 chhungin District tinah ni 100 an in hlawnh theihna tura tana chhut lawk a ni. Tichuan NREGS tih chaknan kawng hrang hrang in Sorkar in hma a la nasa hle a. Kan sawi tawh ang khan, thil dik lo engemaw tlazep thei tam tak a awm

a, fimkhur pawh a ngai a. Tichuan State ah hian cell kan din tawh a, Chutiang chuan District-ah hian Employment Gurantee Scheme-te din a ni a.

Tin, NREGS hi hlawhtling taka kalpui a nih theih nan sum a hun taka hmuh anih theih nan management information system internet kal tlingin submit thin a ni dawn a. Hetah hian State Sorkarin sum mamawhte a hranpa-a dil a, zu kal ngai tawh lovin kan website atang khan Central Sorkar pawhin minrawn sanction thei mai turah kan beisei tawh a ni. NREGA hnuai hma lakna chi hrang hrang hi en dikna kawng hrang hrangin kan nei a. Chungah chuan mipui lampang chan deuh te, social audit te pawh uar tak a kalpui a ni a. Tunah pawh hian uar leh zuala kalpui zel tum ani. Tichuan, Mizoram chhunga NREGS kan kalpui dan hian duh thu sam chiah lo mahsela kan ti tha thawkhat ve-in kan hria a. NREGS hnuai hnathawhna chi hrang hrangah India ramah pawh a ti tha pawl takte kan zu ni chho ve a. District thenkhat te phei chu award for excellence hmu in NREGA administration ah hian kan dawng nghe nghe a ni. Nichina kan sawi tawh ang khan RD hnuai Indira Awaz Yojona hi kuminah hian, upgradation ah hian 11012 in sak sak, thawm that sak a ni a. New construction ah hian 1895 in sak sak an ni nghe nghe a ni.

Tichuan, Integrated Water Development Programme - IWDP kan tih hi tlem han sawi leh ila. He scheme hi Mizoramah 2010 atangin hman tan tawh a ni a. Tunah hian project 52 lai kan nei a. Tichuan 2009-2010 chhung khan IWDP tih te, HARIALI Project tih te hi hna chhonzawm nan Central Sorkar in Rs 2299 lakhs lai minrawn pe a. Tichuan State share hi nuai 261 a ni a. A vai chuan kan dawn tawh chu Rs 2561 lakhs a ni. Central Sorkar in Water Shed Management chung changah hian project thar / Policy thar a nei a, chumi ang chuan Water Shed Project reng reng hi common wide line hnuai in ang vek-a kal tawh tur a ni a. Tichuan, hemi bawhzui hian cheng nuai 94565.90 seng a thawh tur integrated Water Shed Management Programme IWMB, (IWDP kan tih kha IWNT tia thlak a ni a)project 170 lai projective and strategic plan hmang-a siam a ni tawh nghe nghe a ni. Tichuan, 2009-2010 chhungin Project 16 a hmalak tan mek ani nghe nghe a ni. Tichuan, heng project 16 atan hian cheng nuai 84208 hmuh ani tawh a, State in a do let na cheng nuai 1098 kan hmu tawh bawka. Hei hi budget buatsaih lain kan mamawh tur zat chiah hriat ani lova, 2010-2011 ah hian Annual Budget ah hian a tello ani. Mahse he House hian min hriatpui a, Rural Development Department, mirethei te te hmalakna tur anih avangin min pe ngei tur ah kan ngai ani. SDSY Central Scheme deuh hlek anih avangin harsatna laite pawh a awm ve a. Tichuan, SDSY hi 2009-2010 chhung in Central atangin fund cheng nuai 274.74 kan hmu a, State Share te nen chuan nuai 322.65 lakhs kan dawng tawh ani. Tichuan, 2009-2010 chhungin Self Help Group 12 din a ni tawh a, a vaiin Mizoram ah Self help group 2203 kan nei ani. Backward region grant fund te hi Saiha leh Lawngtlai District ah hman a ni a, ram pumpui in kan neih ve loh avangin kan interest vaklo mai thei a, mahse he scheme atang hian budget nuai 2598 kan dah a ni. Tichuan Lawngtlai District ah hian nuai sangkhat leh sawmparuk, Saiha District ah hian nuai zakua sawmpahnih ani a. SIRD nichina hman tangkai kan han tih kha Kolasib ah hian nuai zahnih hmuh tawh niin hman mek a ni a. Financial year chhung hian

Lawngtlai District ah nuai za sawmthum panga leh Saiha District nuai zahnih sawmthum panga hmuh belh leh beisei mek a ni tih kha kan sawi leh duh a.

Tin, BADP pawh chutiang bawkin sawlam leh khawchhak lam te, Khawthlang lampang te, Indo-Bangladesh leh Indo-Myanmar ramri hrulah hian kan hmang thei vek a. Hei hi Central atanga cent per cent Grant-in-Aid atana min rawn pek, Grant a ni tih kha kan sawi duh a.

Tun kum 2009-2010 chhunga hman tur zat chu nuai sanghnih leh zali leh sawmkua leh paruk lai a ni. He pawisa atang hian nuai 2146.50 sanghnih leh za sawmli leh paruk leh point 50 hman a ni tawh a, a bak hi a lo la kal leh dawn a ni.

Tichuan BADP Revised guideline a lo chhuak ta a; tah chuan international border atanga Km 20 huam chhung chauh ah hna thawh tawh tur a ni a. Tunhma a thawh aia zim deuh kha kan thawk thei dawn chauh ta niin a lang a ni.

Tichuan NLCPR (Non Lapseable Central Pool) (Pu Lalthansanga : Pu Deputy Speaker, khami BADP guidelines ah khan 20 Kms tih kha by road nge ni a, air a tih ?) Air a teh a niang. Kawng a nih kha chuan a tawi dawn a. (Pu Lalthansanga : Khawlailungte pawh khi a huam lona a, a hnai hlein kan hre si a) Kan han teh chhiah si lo va ka hre bik lo le. Pu LALTHANSANGA : Engtingge an teh aw tih kha kan zawt duh deuh lawk ani.

Tuikum bialtu zahawm tak khan a rawn sawi a. BADP nei lo, hmang ve thei lo kha kan ni a, a hmang thei constituency kha tlem te an ni a. Nuai 2000 chuang kha ti khan anni chuan additional-in an bial tihna tur kha an nei ta a. A dangho hi R.D atang hian min duhsak ve deuh rawh u tih kha tunhma atangin kan sawi thin a. Pu Deputy Speaker, Kan R.D Minister zahawm tak pawh hi kan in thurual thei viau a, thahnem kan ngai dun viau a. Hetiang dinhmuna a lo din tawh chuan dawhkan atanga chawmal tlate tal chu han thehchhuah ve a va hun tawh ve mawle. Kan bialte kan duhsak ve a, in mite tho kha in thawhtir leh dawn a, kan biala in mite kan dil sak a nih ber chu. (Speaker : a lawmawm e) NRAY ah khan IAY ah hian waiting list a awm takna in waiting list ang hian an ti tak tak lo, V.C te hian an hre tak tak lo a, chu chu kan kal dan a ni a; kan zavaia duh dan hi chuan khaw pakhat ah sawm (10) emaw thlantur lo awm ta sela, thlan dan pangngai in an thlang tho anga, a dik lo lutuk endik turin MLA te kha an hmang leh tho ang a; Tun ah te pawh min ko khawma, a lawmawm a. Amaherawhchu, a bialtu khan mi pathum tal khami quata atanga reserve sa, MLA ten an ngaih pawimawh zawng han tih ve tur kha awm thei se tih hi kan vaia duh dan deuh chu ani V.C-in an select hian Kohhran leh YMA in in an sak sak ngai hi an la hmaih reng a ni a.

Pu R. LALZIRLIANA, MINISTER : A tha e ni e khatiang kha adjust turte a awmpawt chuan tih kan tum dawn nia.

Pu NIRUPAM CHAKMA : Pu Speaker, UD&PA hi thingtlang ah chuan a theih loh avangin, tam tak UD&PA ah pawisa a awm, town ah an hmang dawn, chuvangin BADP chu a ngai lo a ni.

Pu R. LALZIRLIANA, MINISTER: Tuna sawi ang khan tunah pawh kan la inthural tho in ka ringa BADP lama cover ve phak loh, BRGF hmu ve silo te kan ni ve tho a, chuvangin Social Education Scheme hi BADP nei ve lo te hnenah chauh kalpui kan tum tawh dawn a ni, Tiang chuan R.D-a pawisa lo kal hi kan chante pawh a rual deuh mahna....

Tichuan, Hrangturzo bialtu kha boruak mel a ni tih kan hriat tir leh anih chu. NLCPR hi kumin ah Hall 25 lai sak mek ani a, 90% hi DoNER lamin min tumsak ani a, 10% hi keini tum a ni. Tunah hian Hall 1st, 2nd and 3rd Instalments-a kan sak mek hi a tam viau a. Nichina kan han ngaihthlak zawk kha kan miten an thawk teh chiam lova, R.D hnuaiah hian guideline a awm ve reuh a, chumi hnuaiah chuan a tlangpui in kan thawhtir a ni. Hall te hi ka tawng an huat thu suh ah tlema kilkawr deuh vah, “anmahni committee in a thawh chuan kan thawk chhe zawk,” ti tu bialtu MLA hi ka hmu nual a, chutiang ang chu heng hi pe ula a tha zawk ang,” tihte hi a awm a, chutiang chu dan piah lam deuh helaiah hian bialtu MLA ten an sawi si hi chuan a hre zawk an ni a. A hmunah kan kal si lo a, BDO-te sawmin, “Heng hi lo en teh u,” kan ti a, an ennaah pawh Committee in a tichhe na ngiangte an lo awm hlawm a. Chuvangin Hall-te pawh mimal pahnih / pathum hnena pek ve chu an awm a. A tlangpuiin dan angina kan kal deuh hram hramin ka hria a; wawiin thleng hian min sawisel lutuk pawh hi an awm lova, a lawmawm khawpin ka hria a.

Tichuan Social Education ah hian BADP Block-in a huam ve loh khuate kan ti ang,” kan ti a. Kuminah hian 300 lakhs chauh kan nei tawh a, tunah pawh hian nuai 300 chauh kan nei a ni tih kha kan hotuten min hriatpui leh kha ka duh a ni.

Tin Housing for project staff ah hian Rural Development-a hnathawktu te office te, quarter te sak a ni a, Block 26 lai a huam a. Tichuan, heng te pawh hi a tlangpuiin BADP thlen lohna deuh ah in duhsak theih a nih chuan in duhsak hram hram te pawh a tha mai thei e. Kumin ah hian nuai 184 hman a ni a. Kum 2010-2011 ah hi chuan nuai 299 dah a ni thung a ni tih kha kan sawi duh a.

Rural Housing hi mirethei leh chhumchhia te tan a ni a. In 2500 mai kha a ni dawn lova. In 4325 cover kan tum a ni. Member ten tul leh Natural Calamities, Leimin te, in kang te emaw kan hria a nih chuan in han sawi turah ka'n ngai a. Mi pakhat tan bundle 4 zel pek tur a ni dawn a. Hei hi nakum atan hian nuai 100 dah a ni a, kumin ah hian nuai 600 kan nei a ni. Tichuan a chung a kan sawi tak ang khian kum 2009 leh 2010 chhung hian thingtlang khua a chengte hmasawna hna chi hrang hrang Rural Development hian a thawk a. Kan hmalakna tam ber hi Centrally Sponsored Scheme a ni a.

He programme hrang hrang atang hian department hmalakna hlawhtling taka a kal theihna turin member ten thahnem ngai takin min sawipui a, in rawn participate vek avang hian lawmawm ka ti khawp mai.

Tichuan, kum 2010-2011 a kan Sorkarin Rural Development Department hmalakna atana Budget ruahman te hi Zokhua a mirethei te te te tan a thahnem taka a thlen theih nan min pui a, a tul chuan min sawisel a, min finchhuah pui zel turin he kan department bikah hian kan sawm hmasa che u a ni.

Tichuan Demand No. 27-na District Council hi 2009-2010 chhung hian Non Plan fund atangin Grant-in-Aid ah nuai 10185 a ni a. Plan fund atangin nuai 3999. A vaiin nuai 14157 pek a ni. Autonomous District pathum te tan pek a ni.

Tichuan, heng hmang hian inkalpawhna Link Road kan tih te thahnem tak siam a ni a. Tuikhur te, Sub-Division Office te leh Staff Quarter te sak a ni a, chhungkaw engemawzat in sangha leh a chaw siamna lamah hma te an la a. Kawngpui neih lai te siamtha in an maintain ve reng a. Tin, building leh plantation lamah te heng sum te hi an hmang tlangpui bawk a.

Tin, Lawngtlai – ah hian Session Hall Building pawimawh tak lian tha deuh tunah hian an duang mek a ni. He Autonomous District 3 hian Grant-in-Aid kan pek atang hian revenue target ah nuai 133 zet an nei ve a. Chuta tang chuan thahnemngai takin revenue an han lakhawm ve a. Nuai 72 zet chu tunah hian Sorkarah an chhunglut ve tawh a. A tawpah phei chuan an target hi an khum ngei te pawh kan beisei nghe nghe a ni.

Tin, Govt. of India, Ministry of DoNER hnuaiah hian sikul te, hostel building te 2009-2010 ah hian Lai Autonomous District Council ah sak a ni a. Tin, 2009-2010 ah hian Lai Autonomous District Council ah nuai 70, 78 pek an ni a. Mara Autonomous District Council ah hian nuai 84.97 pek tawh a ni a. Chakma Autonomous District Council ah hian 1st Installment Upgradation Para one to Simendecora ah hian nuai 377.91 lai pek an ni nghe nghe a ni.

Tichuan, Standing Enquiry Commission hmalakna zawkin District Council te hmasawna ngaihtuahin hnathawh mek a ni a. Rah duhawm tak a chhuah ngei kan beisei a ni. Heng hi nikum lama kan sawi ang khan Standing Enquiry Commission hi Commission dangdai tak, anmahni سوالنا zawng nilova, an tlakbalna te, an tlinlohna te phuhrukna tur atana Enquiry Committee din a ni tih kha ka sawi duh a ni.

Demand No. 16 na - Home ah hian kan kal tawh anga. Law & Order chungchang hi sawi loh theih loh a ni a. Kan hriat ang khan member te'n in rawn sawi tawh nain heng hi tam tak zinga tlemte lakchhuah ka duh a. A chhan te pawh a awm theiin ka ring a, nakinah kan la sawi anga.

Tv. Zarzokima, kum 17 Lalngilneia fapa, Bungthuam kha 13.11.2009 kha Tuikuk hel nia rin te'n an kaplum tih kan hria a. He tualthahna rapthlak tak avang hian mipui thinrimin Tuikuk chenna In 399 lai hal a ni a. Hengte hi District thuneitute leh Police te, NGO thenkhat te nena tangrualin buaina chhuak zel tur kha khapdaih theih vat a ni a kan lawm khawp a. He tualthahna a inhnamhnawih mi 8 hi man an ni tawh a. Tin, tualthahna a inhnamhnawih hotu ber ber nia kan hriat te la man loh an awm a. Hengte hi kan Police ten nasa takin an la chhui zui zel a, kan man hma loh chuan an hnu hi kan la chhui zui zel dawn a ni tih kha he House hi ka hrilh duh a ni.

Tin, tualthahna avang hian Tuikuk lokir leh turte Repatriation tih tur kha tunah hian thulh rih a ni a. Chuvang chuan hei hi midangin min zawt a nih pawhin anmahni in final a ni dawn a, hetiang buaina an siam hian Mizo rilru te leh anmahni pawh inthiamlohna neiin lo luh mai hi a harsa thin a ni tih kha kan hriat a pawimawh a.

Tichuan, tun kum Krismas leh kumthar vuakvet velah te kha mi beisei phak loh keini a titu ngei te pawhin a kan beisei piahlam in halpuah leh halmawi, halzit vel boruak tichhe theitu, hrisel lohna thlentu, damlo mangang taka siamtu thinte kha kan Police te thawhrimna te, Magistrate te thawhrimna te, NGO te tanpuina te leh mipui support na te avangin khatiang kha a awm miah lo mai a. Hei hi thil mak tak a ni kan ti lo thei lova. Chuvangin, a hnathawktute zawng zawng chungah hian kan lawm takzet a ni tih kha kan han sawi duh a.

Nichinah kan sawi tak ang kha Bungthuam a buaina a awm avanga 3rd Bn. Tripura ramri lama kan zu dahte kha Assam ah kal tir a ngaih tak avangin chumi te chu thlak turin 4th I.R. Bn. tirh an ni a. Thenzawl PTC atanga kal/deploy anni tih kha kan sawi leh duh a.

Tin, April 2009 atanga vawiin thleng hian kan Police te hian Law & Order kenkawhna lamah kan service arms kan tih mai AK 47 kan tih te, SLR kan tih te, 303 Rifle kan tih te thahnem tak an man a. Tin, Pistol chi hrang hrangte SBBL gun te leh country made, siamchawp ang chi te pawh tam tak an man a ni. Heng hi silai tihtlak deuh chin te phei hi chu 63 lai a ni a. Tin, silaimu hi 3804 lai man ani nghe nghe a ni. Tiang chuan sual avanga pawh khawihna kan ramah hian a thleng fo mai a. Zarzokima, Bungthuam thahna a inhnamhnawih nichin a kan sawi tawh te kha vawiinah hian jail ah kan dah zel, kan dah mek a. Sualna neilo angina anmahni lam ten khawi khawiah emaw zualko in min ti thin mahselangin anmahni inpuanna atangin kan Police ten, sualna a inhnamhnawih anni tih an hmuchhuak a. Chuvangin, heng hi chhuah mai theih an nilo a ni tih kha kan sawi leh duh a.

Tin, Lalrinsangi kum 15 mi Dapchhuah khua hi ni 30 thla 12 kha an khaw field bulah thi a chhar a ni a. Hei hi kan Police te'n ngun taka an chhui kha pawngsual leh rehhlum a ni tih an hria a, a titu, a that tu Ramthianghlina, Bungthuam khua chu awlsam takin an man a ni. Tin, ni 6 thla 11 kha Champhai khua ah mihring ruhro tawh, FIR Champhai Police Station ah

thehluk a ni a, hei hi Vapar dai a thil thleng a ni a. Tichuan, kan Police te'n an han bawhzui a, a thihna rei tawh tehluul nen (heng hi a mak danglam deuh chauh, chhuichhuah harsa awm deuh chauh nia ka hriat ka rawn lak chhuah a ni a). Hemi hi Haukhanmang kum 39 mi Zamlianpaua fapa Vapar in thingzai-a a mi chhawr Khupkhana ruang ani tih leh Ngaizawl khua ami ruh a ni tih hriat a ni a. Khatia an han chhui an han chhui khan kan Police te thawhrimna avangin helaia a thattu Haukhanmang te, Khupa te, Khuathawla an ti emaw ni chu man chhuah an ni thei mai te hi a mak khawp mai a, a kawr hak a lo la tawih ve loh avangin an zawng an zawng a, a kekawr hak thin atang te, in an hria a. Chumi an thah chu tuna thattu te hian thingzai a an lo chhawr thin te kha anni a, an han dawp a, hun rei tak hnuah an han hmuchhuak thei mai te kha, kan naupan lai deuhin ka u hian detective thawnthu te hi a letling thin a, ka zuar thin a, ka chhiar ka chhiar ve thin a, ngaihnam ka ti thin a. Vawiin ah pawh hian kan Police te pawh hi an kal zar zar emaw tih hian ngaihtuahna thui tak an lo nei thin a, kan chhuang takzet a ni (anni hi).

Tichuan, Chawngmingthanga, Taxi Driver ni 8.12 a chhuak kha a haw ta lo kha a ni a, Police an mangang a, Veng te, Khua te, kan zavaiin kan mangang a ni. Ni rei tak a bova, khatih lai khan Kristian ram e tilo hian kutze en thiam te kha kan rawn kan rawn a, Tuikuk buailai a lo ni bawk si, Tuikuk lamah an kal an ti, tuten emaw an hriat bak kha boruak ah an thehdarh bawk si nen, kan buai viau a ni. Nimahsela, hun rei tak hnuah Laltanpuia thah a ni tih kha hriat chhuah a ni leh mai te kha kan Police te hian vanneihna pawh an dawng ve hrim hrim ni te pawn a hriat a. Khang a thattute pawh kha man an ni tawh a ni tih ka han sawi duh a.

Tin, 24.1.2010 ah khan inthahna pawh a ni chiah lova, Sairang khaw chhungah Tata truck leh truck lian chi a insu a. Helai 407 a chuang te hian Anwar Hussein-a truck driver kha an sawisak rawn avangin a hliam tuar lovin a thi a, hengte hi man anni a, jail ah dah an ni tih ka'n sawi ve duh hrim hrim a. A chhan chu heng hi vawiin thleng a Cachar Truck Driver Association ten engemaw tih tumna - Communal thil engmah a awm lova, thil tisualtute chu dan anga hrem mai an nih thu House pawh hian kan hriat a pawimawhin ka hria a ni.

Tichuan, ni 21.1.2010 ah khan hmai tuam mi 5 - C. Thanmawii, Saron Veng inah an lut a. Hengte hian pistol leh chemte hmangin (pistol hi a lem a ni) an vau a, a inchhunga awm te kha an phuar bet a. Khatia an phuar beh hnu khan cheng nuai 3 leh sang 2 an chhuhsak a, mobile phone 4 an lak sak bawk a ni. Hengte hi engemaw chen an han rial vang vang a. Kan Police ten anmahni thil ruk ngei hmang hian an man chhuak leh ta a ni. A lawmawm kan ti khawp mai.

Tin, Lalramthianghlimi (Seni) kum 37 ni 3.12.2009-a a zing chhuak kha a haw leh ta lova. Tichuan, ni 21.1.2010 ah North Point School bul, Tuikual 'S' tuihawk luankawr ah a ruang chhar a ni a. Hei pawh hi a mobile bo atang khan kan Police ten an veh reng a. Tichuan, mobile an rawn hman chhuah hmasak berah khan a thattu hi an hre ta a, 3/12 zana a kawm Reagan

Laltanpuia nen inti thiamlo in Laltanpuia hian a bek vei lamah a hnek a, a thi ta mai si a, khati khan kawrah a lo paih a, a mobile a laksak avang khan kan Police te'n thiam takin an manchhuak leh ta a ni.

Tin, 19/2/2010 zinglam ah khan Vairengte bul National Highway 54, Cachar nena kan inrina ah khan ruang pakhat chhar a ni a, a hmai te a chhiat tawh em avang khan tunge a nih hriat theih mai a ni lova. Kan Police te'n an han chhui zar zar a, Zorammawii kum 39 Thangkimi fanu Bilkhawthlir khua ani tih an hria a, hei pawh hi a that tu an han zawng ngar ngar a, a that tu pawh vawiin ah hian an hria a, Zakir Hussein, Truck Driver ani a, hei hi Gungur Medical College bula cheng ani. Hei pawh hi tunah hian an la man lova, a chhan chu kan Police ten an han chhui khan amah an chhuichhuak dawn ani tih a hria a ni ang, a lo tlanbo hman si avang khan tunah hian man tuma Cachar Police te nena la veh reng a ni tih kha kan sawi duh ani. Tam tak an man te zingah tlemte, man harsa awm deuh anga lang si an that lai hmuh si loh, an tih hlum lai hmuh si loh an rawn man chhuak thei hi a ropui ema ka hriat avangin kan sawi chhuak hlek duh ani.

Tichuan Sainik Welfare lamah hian kal ta ila. Kolasib leh Champhai ah office hawn tum mek a ni a, hetah hian post create vek tawh ani, chuang chuan heng District a Ex-Servicemen te tan awlsam takin thil a tih theih tawh turah kan ngai a. Tin, sawi tak ang khan Sainik School hi Chhingchhip ah din tum ani a, tunah hian hma lak tan mek ani a. 13th Finance Commission hian award Rs 50 crore min rawn pe a. A ropui ema ka hriat avangin kan sawi chhuak hlek duh ani.

Tichuan Sainik Welfare lamah hian kal ta ila Kolasib leh Champhai ah Office hawn tum mek ani a, hetah hian post create vek tawh ani. Chuang chuan heng District a Ex-servicemen te tan awlsam takin thil a tih theih tawh turah kan ngai a. Tin, sawi tak ang khan Sainik School hi Chhingchhip ah din tum ani a, tunah hian hma lak tan mek ani a, 13th Finance Commission hian award Rs 50/- crore min rawn pe a, heta tang hian nasa zawka hmalak theih kan in beisei a. Tin World War-II a an nupuite Financial Assistance pek thin kha tih pun ani nghe nghe tawh a. Tin, Sipai tanglaite huaisen lawman kha tihpun a ni tawh bawk a. Tin, a thi ten Ex-gratia an hmuh thin te pawh kha tihpun a ni bawk.

Tichuan, Fire & Emergency Service ah hian nikum atang khan Plan Fund te min pe ve a, Rs 250 lakh a bul tan ani. He pawisa atang hian hna nasa tak thawk in kan inhria a. Office quarter 38 lai repaired ani a. Tin, office leh station zawng zawng thuam that a ni a. Fire Equipment thar lei a ni bawk a. A tunlai ber chi an ti a, a technology enchhin nan back pack 5 leh Bike a phurh chi 2 lei mek a ni. Heng Bike leh motor te hi lei mek a ni a, tun atanga reilote ah motor 10 dawn lai kan neih belh theih kan inring a. Kan indaih deuh turah pawh kan in ngai a.

Tin, he pawisa hian Fire & Emergency motor Bill pending zawng zawng pek leh a ni a, a ropui hle a. Department tinah hian Bill pending a tam

em em a. Hetiang kan ti thei hi a hnathawktute an chhuanawm hle ani. Tin, Kangmei a fimkhur turin kum in hian hma kan la nasa hle a, a chi hrang pamphlet siam te, voice SMS tih te in sum pawh tam tak kan seng reng a ni. Mahse a kan nasat ber kum ani a, hei hian fimkhur a ngaih zia min hriatchian tir hle a ni.

Tunah hian Fire Station thar hi Mamit, Aizawl North leh Aizawl South ah hawn tum mek a ni a. He mi atan hian post 64 vel kan mamawh dawn a. Kumin ah pawh khan an hlawh tur kan nei sa vek na in Post create hi a harsa aniang, Post Creation kan hmuh theih loh avangin kan ti thei ta rih lova. Tunah hian kan dil nawn leh a, Finance ah a awm mek a. Anni hian min rawn tih fel sak theih chuan Aizawl North leh Aizawl South Mobile Station hnih hi Station ang in emaw kan hawng thei ang a. Tin, Mamit hi kan hawng thei turah kan ngai bawh a ni. Hetiang kan tih theih chuan kan phuisui deuh hlek turah kan ngai a. Tin, Transport department in Aizawl North ah khian hmun min pe hlahu mai a, kan lawm khawp a. Building te kan sa nghal a ni.

Tin, plan tharah hian Fire Extingusher hi subsidy a sem theih kan in beisei a. A mamawh zual deuh te hnenah subsidy in pek kan tum anga, kan rilru a han awmah chuan kan YMA te hian han nei thei sela chuan a thain kan ring ani. Tin, MLA te leh mipui chung lam deuh hlek te neih chi te pawh a ni mai thei a, heng hi a man a tam deuh avangin. Tin, Auxiliary fire post hi din kan tum bawh a ni, equipment lei belh chi a ni a, chu chu kan sawi tel duh a ni.

Heng 13th Finance Commission a twenty crore lai kum nga chung atana hman tur min rawn pek te hi Bus Station infrastructure development atana hman tur a ni ang a. Khatiang sum kan han hmuh belh phei chuan kan phuisui leh zual turah kan ngai a.

Tin, Home a bet ve Home Guard hi ration allowances te, rifles allowance te, washing allowance te, rank pay te a bial tuin a han dilpui angin heng zawng zawng hi tih pun tawh a ni tih kha kan sawi duh a. Tin, Home Guard Rules 2009 te pawh hi Law Department in an rawn en mek a, peih thuai kan beisei a ni.

Tin, Police Department ah hian han let leh ta ila, Anti-Corruption Bureau hi Sorkar in hlemhletna dona kawngah tihlen a ngai a ni tih a hria a, tih chak a ngai a ni tih a hria a. Post 33 kha create fel vek a ni tawh a, hei hi fill up thuai theih beisei a ni a.

Tin, SDPO office, Vairengte ami kan sawi thin kha Post paruk (6) siam a ni a. Tin, SDPO office bawh, West Phaileng atan hian post sawm leh pakhat (11) siam a ni bawh a ni. Kumin chhung hian Selection Grade atanga Inspector te engemaw zat promotion pek an ni nghe nghe ani.

Fourth leh Fifth I.R Battallion-te kumin chhung ah training fel taka zawhtir an ni a, hengte hi hun rei tak silai an neih loh laiin tunah chuan silai hi lei turin a factory lamah order mek a ni tih kha kan sawi duh a. Tin,

Commando company 2 din turin min rawn ti ka tih tawh thin kha. Tunah chuan Finance Department pawhin Nuai 6000 lai hemi din nan hian min rawn pe tawh a, chung chuan Silai leh equipment chi hrang hrang a tul ang lei a ni dawn a ni, chumi hnuah chuan an nih tur angin an function thei tawh turah ka ngai a.

Tin, tunlai thiamna hmangin sualna sang zel hi do zel a ngaiin kan hria a, churang chuan I.T hmanga sual sulhnu chhuina kan neih hi pawimawh kan ti a. Chuta tan chuan Crime Criminal Tracking & Network System (CCTNS) an tih hi kan ti ve dawn a. He project hmang hian India ram hmun hrang hranga Police Station kan inbiak pawh theih vek tawh dawn avangin motor bo leh thil dangte pawh hian harsatna kan sukiang ve thei ngei turah ka ngai a. Chu hna chu Mizoram Computerisation of Police Society din, mithiam tak tak kan nei a, chumi te chuan an enkawl mek ani tih kha kan sawi leh duh a.

Tin, nichina kan sawi tak 3rd Battalion te kha CRPF duty te, Assam a mi an zu thlak a ni a, Udalguri ah te, Kamrup ah te leh Darrang District ah, Assam ah an awm mek a ni tih kha kan sawi duh a. Tin, chuta kan Commandant te chu khulai Guwahati-a kan Mizo puite thihna kha va ngaihven turin kan tir a, chutah chuan an awm mek a ni. Nimin piah khan an thleng a, ruang awmlai te pawh khan an awm ve turah kan ngai nghe nghe a ni. Henga kan insem darh te pawh hi a tha viau a, helai kal nal nal tum tho kha kan ni a, khulaiah hnaite ah lo thleng thla mai thei a an awm kha a vanneih thlakin kan hria.

Tin, P.T.C Thenzawl hi hman deuh khan 4th I.R Battalion an va awm hawh mai mai a, an chhuak tur kha total band te neih hial tum khan an awm a, a chin chang an han hriat chian khan an in bengdai leh ta a. Thenzawl hi PTC (Police Training Centre) tur ani a. Tih changtlun zel kan duh a. Nakin ah phei chuan training college ah te pawh la chantir hial kan in beisei ani. Kumin ah hian civil work atan Rs nuai 156/157 dawn lai kan hmang dawn a. Small Arms firing stimulator bunna tur in Rs nuai 53 tunah hian kan dah a. Chutiang tur chuan hna kan thawk mek ani.

Forensic science laboratory hi kan sawi tawh ang khan Law & Order ken kawh nan khan thil tul tak ani a. Mihring te finna piah bak zuk hre thei thil ani a, an ni hi tih changtlun a ngai a. Building tur sawlai ah sawn kan secretariat complex ah sawn building lian tha tak sak mek ani a. Rei lo te ah an peih kan beisei ani.

Deputy Director hi Joint Director ah hmanni lawk khan kaisan tir ani a. A hmunruak hi hnawhkhah thuai kan tum ang a. Forensic science assistant panga lak thar an ni bawk a ni.

Prison Department lamah kai leh ta ila. (Home ah hian engemaw deuh deuh hi a tam a. Rin aain kan bei rei ta a nih hi. Member ten min lo ngaihthlak sak hram hram ka'n beisei a). Prison Department hi Mizoram pumpui ah hian Jail 6 bawr vel kan nei a. Heng hi theih ang tawka thuam that an ni

reng chung in duhthu a sam lova. Sualna a lo pung zel a, tang an lo tam telh telh a. Kan Jail te a lo awngrawp si a, he lai hi kan buaina tak a ni a. A tul chuan Jail thar sakna turin leh a awmsa te tih changtlun chhoh zelna turin 13th Finance Commission hian crore 30 lai kha min rawn pe a ni, kan lawm hle a. Tunah hian Lawngtlai, Serchhip leh Vairengte ah hian Sub-Jail sak chhoh mek kan nei a, Lawngtlai hi kumin chhung hian hawn ngei kan tum a, kan duh a, hawn pawh a tulin a tul tawh a ni. Jail thar a thawk tur post create a ngai a, chu pawh chu kan dil ang min pe thei lova, committee te kan han nei hova, chu pawh chu vawiin thleng hian min pe thei lova; Finance Department lamah hian ala tang a. Hei pawh hi min hriatpui a, Sorkar hian a tul hi min hriatpui chhoh zel hi kan beisei a. Post hi create min phalsak loh pawhin kan hawn tho tho a tul dawn niin a a lang a. Chuta kan hawn dawn si chuan tuna a thawktu awmsa, Jail dang ami hi pawh khawm a ngai anga, chumi kan pawhkhawm si chuan Jail tang hi an tlan chhuak zing deuh angem aw tih hi kan hmuh dan a ni a. Khatiang kha a thlen loh na turin tunah hian an hlawh tur te engkim neihsa vek a nih tawh a hnu ah chuan keini ang mimawl han ngaihlan chuan min phal sak mai chu kan han beisei ngawt chu a ni.

Pu Deputy Speaker, Home Department hi department dang ang lo deuha awm kan ni a, sum leh pai kan mamawh emaw, post create kan mamawh emaw hi chuan a tak tak a ni a, tuna chak tawh thlam bang pin la nghah tih ang deuh nihna laite pawh hi a awm a, kan duh hi chu kan duh viau a ni tih hi kan Deputy Speaker pawh hian min lo hriatpui la ka duh khawp mai. Police hrim hrim te kan hman tum dan ah hian hnam dang permit neilo, ILP nei lote “vai rawh u, vai rawh u” min han ti a, a vai hi kan hreh hauh lova, amaherawhchu, bazar mi kan va man khawm hian khutah Bagha ah, a hnai berah zu dah an ngai a, chutah chuan motorah khan a oil te, engkim mai, cheng sang tel kha a lo ngai a. Tin, foreign chungchangah pawh hian hmanah khan kan sawi tawh a, Vanapa Hall a Chief Minister in Sorkar hnathawkte a koh khawm khan keimah ngeiin ka sawi a. ‘Hetiang foreigner thil sual ti tute hi man an nih chuan Burma sipaite hnenah kan pe ang,’ ka ti a, Hengte pawh hi kan duh a ni, pek ngei kan duh a ni. Amaherawhchu, International Law te a lo awm a, khatiang anga inthleng tawna dan te kha alo awm ve a. Tin, chutiang piah lamah chuan tun hma ang khan kan magistrate-te kan control thei tawh lova. An thu a ni a, anni in concivt an nih pawhin lungin ah an dah anga, khutah Delhi leh Myanmar an inbiak loh chuan a inthawn theih loh an tih si chuan thil tih theih loh a ni mai a. Politician te’n kan duh ang zawng zawng ah hian thil kan tithei lo a ni tih chu hengah pawh hian a lo lang Chiang hlein ka hria a. Hei hi tlawma ngaih chi pawh ni lem lovah ka ngai a ni. Chuvang chuan, heng foreigner te pawh hi han man khawm hrim hrim a, Burma ramri a han dah tur pawhin, vawikhat han mankhawm hian truck 3/4 te emaw, truck anih loh pawh in bus anih pawhin alo ngai a, chumi kal tur chuan a singtel kha a lo ngai si a, chuvang chuan sum leh pai kan mamawh kan tihte, mihring kan mamawh kan tihte hi a tak tak zel a ni a. He House pawh hian, kan member zahawm tak takte pawh hian in duhsak em em thu tunah pawh kan dawng reng a, a lawmawm ka ti a. Tun hnuah pawh min hriatpui reng kan duhtak zet a ni. Home Department atangin Zoram hmel hi a lang a, duhthawhna avanga sawisel kan hlawh thinte pawh hi a lawmawm kan ti a ni. Ram mipui hi changkangin

sum tamtak nei mahila, corruption dona kawngah te, thil diklo ti tute man thei lovin zalen hle se, Law and Order hi chhe hle sela kan ram hi chu a nuam lovang tih kan ring a, Presbyterian Kohhran in kumina kan zirte, nikuma kan zir Israel Fate dinhmun-te kha min hriatchhuah tir thin a ni. Chuvangin, kan ram nawmnate, kan zalenna te kan hmanthiam a pawimawh a, chuta tan chuan dan leh thupek kenkawh te hi a pawimawh em em a ni tih hi a lo lang chiangin ka hria. Chuvang chuan Mizoram police-te tanlakna hi chhunglam leh pawnlam atanga kan member ten min thlawpna te hi ropui ka ti a, min thlawp zel turin ka sawm bawk che u a ni. Ka lawmna em em pakhat chu kan sawi tawh ang khan 13th Finance Commission khan Home ah hian Police bik ah Crore 31 min pe a. Sainik ah crore 50 min pe a; tin Fire & Emergency service ah hian 20 crores min pe dawn a, Jail ah hian 30 crores min pe dawn bawk a, a vai phei chuan crore 131 min pe dawn a. Heng hmang hian heng department ah te hi chuan engemaw chen chu changkanna kan tawng thei dawn in kan in phuru chho zel dawn niin a lang a ni.

Pu Deputy Speaker, ka Demand No 16-na Home, including Prison Rs 332,66,60,000/- leh Demand 27-na District Council Rs 137,71,40,000/-, Demand No 38-na Rural Development Rs 108,22,83,000/-, a vaiin Rs 578,60,83,000/- hi he House zahawm tak hian min pass pui turin ka han dil a ni. Ka lawm e.

DEPUTY SPEAKER : Pu R. Lalzirliana, Minter zahawm takin a Demand 16-na, Home (Including Prison) Rs 332,66,60,000/-, Demand No. 27-na District Council, Rs 137,71,40,000/-, Demand 38-na Rural Development Rs 108,22,83,000/-, a vaiin Rs 578,60,83,000/- te hi pass a rawn dil a. Pass remti apiangin 'Remti' ti rawh ule. Rem ti lo in awm chuan 'Remti lo' ti ula. Awm lo maw.

Tichuan, Pu R. Lalzirliana, Minister zahawm tak Demand No. 16, Home (Including Prison) Rs 332,66,60,000/- Demand No 27-na District Council 137,71,40,00/- Demand No 38-na Rural Development 108,22,83,000/- a vaiin Rs 578,60,83,000/- te chu House in lungrual takin a pass ta a ni.

Pu R. LALZIRLIANA, MINISTER : Pu Speaker, ka lawm e.

DEPUTY SPEAKER : Awle, tunah chuan Pu S. Hiato, Minister zahawm tak kan debate te rawn wind up a, a demand te pass rawn dil nghal turin ilo sawm ang.

Pu S. HIATO, MINISTER : Pu Deputy Speaker ka lawm e. Home Minister ang khan sawi zar zar ve thei ila, chak deuh hian kal ila tih ka chak viau na a, tawngkam te kat nawk nawk te a awm dawn avangin min lo hriatthiam ka duh a ni. Pu Deputy Speaker, hmana saw lama kan thut lai khan hetiang budget sum ah hian a sawi rei rei ah khan kan rilru kan lo hawng a,

ka lo sawi rei palh a nih chuan min lo hrethiam anga, Home Minister sawi zat lo deuhhlekk tal sawi kan tum ange.

Hei vawiin ah kan MLA zahawm tak tak ten ka Department chan pathum discussion ah min tel pui a, tam takin lawmthu te kan phu lovin min hrilh a. Lawmthu min hrilhtute kha chu ka react lo anga, in lawmthu sawi kha lawm takin ka pawm a ni tih kha kan hrilh hmasa duh che u a. Ka demand pathum zinga in sawi tlem ber Industry kha parukin in sawi a, mahse a pawimawh viau si a. Industry atangin kan tan ve phawt ang e. In sawi zawng zawng kha ka react hman dawn lova, a pawimawh zual ka rawn react anga, react hman loh te pawhin in point kha kan lo note vek a ni tih min lo hriat sak ka duh a ni.

A pakhatna ah chuan Pu Lalduhawma kha a thusawi ka'n chhang phawt anga. A ngaih pawimawh, a thenawmpa Pu Ruata chanchin kha. Hei hi a thlai kawnglaihin a tihchhiat sak thu a ni a, a khawngaihthlak angreng khawp a. Mahse, vawiinah hian kan tifel nghal ang tiin ka chhang thei dawn lova, paw ka ti viau a. Hei hi a latest position chu Revenue Department ah a ram hi eng ang chiah nge a tihchhiat exam tur a ni a. Chu chu Revenue Department in a en mek a ni tih ka'n sawi duh a. Kan Revenue Secretary pawh a awm a, a ngaihthlak dawn avangin a kal chak deuh turah ngai phawt ang. (Pu Lalduhawma : Pu Deputy Speaker, lawkin, chiang diak tawh tho si a, khatia han tih that tir leh kha engnge ni a awmzia ? Ava harsa tawh awm thudik zuk hmuhchhuah te pawh kha).

Pu Deputy Speaker, danin a phal ang leh a tul a tih angin a kal a kal a, Law Department ah te a kal a, Revenue ah te, hmun hran hranah. Amah pawhin a umzui nasa tawh a, hei hi chu final stage a hnai tawh turah i ngai phawt mai teh ang.

Tin, Industrial Growth Centre hi Zuangtui a ni emaw Luangmual a ni emaw Lenge a ni emaw tha taka kalpui zung zung hi kan duh a, siamthat zung zung pawh kan duh a. Mahse, Central sawrkar atanga grant pek a nih avang hian duh hun hunah kan hmu thei lova. Instalment in min pe a, kan han sa a, sak zawhna tur instalment hnihna a lokal hma hian a lo hlui hman tawh thin a, paw ka ti khawp mai. Chuvang chuan hei hi theihtawp chhuahin tan kan la a. Plot te pawh allotment pe thei turin kan thleng tawh a. Kan pek chhuah theih pawh kan inbeisei a ni.

Tin, Dr. Thangtea kha Pukpui a ram kan lak bigha 76.68 kha building infrastructure dahna turin 2005 khan Chief Minister in a lo hawng tawh a. MKVIB ho hianin office neiin tunah hian an awmchilh a, keipawhin ka va tlawh tawh a. Mahse, dan leh dun an neih avangin D.C. hnuai Management Committee din a ni a, an kutah a awm a, theihtawp chhuahin tan an la mek, plot allotment tur pawh an kheng mek a ni tih kan hrilh duh a ni.

Tin, member zahawm tak Pu Lianzuala kha, Govt. Undertaking PSU, tih chak nan management tha zawk kan neih theih nan Consultancy firm

te min rawih sak thei lawm ni tih kha, consultancy firm hi tha tam tak hi an awm a, a tha ber hriat hi chu a har khawp mai, tunah hian chumi tur chuan kan bawhzui mek a ni tih kan sawi duh a.

Pu Duhawma zawhna MIFCO hi, thei kan sawr, mahse kan hralh chhuak leh thei lova, Guwahati base Company nen Sorkar hmasa khan agreement an lo signed a, chutah chuan M.S. Green Cover Overseas, Guwahati nen 27.9.07 ah khan memorandum hi an signed a. Tichuan, engemawzat truck 3 khatin an phur thla in kan hria a, chutah chuan cheng 867510 man hi thawn anni a, chuta tang chuan kal kawng a chhia, motor a chhia tiin 30% hi min pe duh lova. Tunah hian nuai 672510 chu vawi tam tak lehkha kan pek pawhin min la rul duh lova, hei hi umzui mek a ni a. Chumi kan tih theih tak lovah chuan MIFCO hian tunge tha ang tih hi an dap a, a hralhna tur pawh min zawn sak tur leh tha zawka min process sak turin kan dap nasa a. Tichuan M/s Shimla Hills Offering Private Limited, SHOP an tih Shimla base te nen hian agreement 20.11.09 ah khan signed a ni a. Heng ho hian kan sapthei hi chu tha chu an ti a, mahse, kan lo process tawh, rei tak lo awm tawhte hi chu han tih leh ngaihna hi a vang hle mai a, a then chu damdawi nena treatment lo pek an ni a. Anni'n tha deuh a lo enkawl, fresh tak te kha an duh a. (Mahse, Pu Chairman i thusawi ka chhan lain Chair ah i lo awm hlauh a, tha deuhin min ngaihthlak sak dawn niin ka hria a). Sapthei hi engemaw zat hralh chhuahna tur leh test turin a keng thla a, mahse 50,000 ltrs. vel hi tunah hian min hralh zawh sak turin kan dawr mek a ni. Mahse, engnge a an dawn kan hre lova. Theihtawpin tan kan la mek a ni tih kha ka chhan theih tawk ni phawt mai se.

Awle, Pu Chairman, Industries hi ram economy siamtu pawimawh tak a ni a. Mizoram hi State naupang te kan ni a, tunhma khan he Department hian ngaihsak a hlawh vak thin lova, chuvangin, kan hnufum viau a ni tih hi chu kan pha lo. Amaherawhchu, tunah chuan Industries tel lovin a kal theih dawn loh tih leh hmasawna tak tak a awm thei dawn lo tih mipuite, kan MLA zahawm tak tak te'n min hriatpui a. Chuvangin nasa takin tan lak kan tum a. Industries Department lo, Agriculture te, Horticulture te hi thang viau mah ilangin, kan thlai leh thei rah thar te hi market atana processing kan tih loh chuan a ral mai dawn a. Chuvang chuan, hemi zawng zawng hi tih khawm a, development Department hrang hrang te nen tang khawm a, Mizoram a kan thil thar chhuah te process dan leh market nena thlunzawm tur hian nasa takin tan kan la a. Chumi atan chuan tunah hian theihtawp kan chhuah tan mek a ni tih hi ka'n sawi duh a.

Tin, food processing hi sorkar policy pawimawh tak a ni a, NLUP te kan han tan dawn a, thlai leh theirah engemaw zat kan han thar dawn a. Red oil palm ani emaw, sawhthing ani emaw, aieng ani emaw, thil dang dang pawh lo ni ta se, food processing a kan tih loh chuan a raw ringawt chuan kan hralh tak tak thei dawn lova. Chuvang chuan hemi atan hian food processing hi sorkar hian a ngaipawimawh a. Chumi avang chuan tih dan tur kawng hi kan dap a. Mizo hi thil chhinchhiah a han vawn rengah hian kan tha lova. Kum khami ah khan eng thei nge, engzatnge kan thar ti a, a number te nena vawn thlip thlep a nih loh avangin road map siamte hi a lo har khawp a. Chumi atan chuan

theihtawp chhuahin food processing hmalak dan tur ah hian road map buatsaih mek a ni tih kan sawi duh a. Food processing ah hian tanpuina Mizoram in mega food park tan Central sorkar in min pe a, chumi atan consultant te ruaiin expression of interest kan Chief Minister zahawm takin a impress avangin signed tawh a ni a. Union Minister of Food Processing Industries hnenah tunah hian a lehkha pawh a thawn mek nghe nghe a ni. Hemi atan hian crores 50 project tur a ni a, a thuphung chuan Central Minister in hei hi min pe tawh a ni. Chutiang bawkin Food Processing hnuaiiah hian kan vawk te, ar te process ve a, a tin siam te, a hygienic zawnga siamna turin tunah hian modern abattoir an ti a, Bung Bunglow bulah khuan kan din mek a, vawk tina lova han talh mai dan te, a sa pawh electric a hem ro mai tur te in kan han ti a, engemaw zat chu kan talh ve thin a, hmundanga vawksa rep ai chuan an lei duh viau a ni. Chutiang chuan Ar pawh tih kan tum mek a, hemi atan hian a cost hi crore 20-90 a ni a. Food Testing Laboratory pawh hi Central Scheme hmanga din turin hma kan la mek bawk a ni.

Pu Chairman, a dang pawimawh tak chu Tea Industries a ni a, Mizoram hi khawiah pawh thingpui a to tha a, a climate hian a ngeih bawk a, a ngeih ringawt pawh nilovin a aroma hi a tui bik in an hria a, Sikkim te, Darjeeling etc. te ai pawh hian tha zawkin an hria a, chuvangin thingpui Industries hi hmasawn tir kan tum a, Ngopa leh Biate ah hian tunah hian chhungkua 300 rualin an ching mek a. Ngopa ah te phei chuan a herna tur khawl te pawh dah sak a ni a. Chutiang bawkin Biate pawh chhungkaw engemaw zat an enkawl mek a ni tih hi he House hi ka hrilh duh a.

Tin, khaw dang 5 tunah hian Small Tea Growers atan kan thlang a. Chu chu Khawzawlah te, Baktawngah te, Saipumah te, Saiphai leh Bungthuamah te thingpui hi an ching mek a. Hemi atan hian a chi a tha bik tur te sawrkarin a ngaituah sak a. Heti hian an tih chuan anmahni pawh an intodelh turah kan ngai a. Hemi Small Tea Growers member te pawh hi Toklai hmunah hian Assam ah Toklai thingpui siamna hmunah hian training tir an ni a. Tunah tak pawh hian Pu Chairman, mi 20 Mizoram hmun hran hran atangin Tea Growers-te pawh a hmuna zuk zir turin Jorhat ah kan tir mek nghe nghe a ni. Hemi kan thingpui a that avang hian Tea Board of India – in an Vice Chairman arawn tir tawh a. Khilai kan bial thenkhat Baktawngte phei chu a va tlawh tawh a, a lungawi viau a ni. Chuvang chuan Guwahati Headquarter kal tlangin he mite tanpuina tur hian crore 4.5 recommend a ni a. Kan hmuh ngei pawh ka inbeisei a ni. Tin, Integrated Rural Road Map for tea development-te pawh hi siam a thain kan hria a. Kan variety thlan turte, plantation atanga intan a, ngun taka tih a ngaih avangin hma kan la mek bawk a ni tih ka sawi duh a.

Tin, chubakah infrastructure lamah hian kan chau hle a, hemi siam tur hian keimahni department chauh tih theih a ni lova, kal kawng thate a ngai a, electric tha te, tui tha te a lo ngai a, thil tam tak ah department te nena hmalak dun a ngaih avangin a hmun bik siam loh chuan a tih theih lohva. Chumi hmun bik siamna tur chuan hmun li (4) vel tunah hian kan thlang chhuak mek a. A pakhatna ah chuan Industrial Estate Zuangtui, tuna engemaw zat an inbun mekna hi a ni a, hna pawh an thawk mup mup a, tam tak chuan

in tlawh tawh pawh ka ring a, mi tam tak chuan intodelh nan, mahni inchawm nan pawh an hmang mek ani.

Tin, Industrial Centre Luangmual ramah zau tak kan nei a. Mahse an sawi ang khan kan pawisa hmuh hi instalment anih avangin duh angin kan enkawl thei thin lova. Tunah pawh hian in engemawzat kan sa a, plot pawh engemawzat kan siam mek a. Chumi atan chuan reilote ah hian plot te pawh kan sem chhuah mai kan beisei a ni. Chumi atan chuan area hi 311 acre a ni a, plot hi 28 a nei dawn a, workshed hi 7 a nei dawn a ni.

Pathumna ah chuan Export Promotion Industrial Park (EPIP) Lengte kan tih hi a ni a. Hei hi export promote na tur a kan ruahman bik a ni a. Area hi 1350 bigha a ni a, Plot 27 a awm dawn, hemi tur pawh hian plot khen mek a ni a. Reilote ah chuan semchhuah kan inbeisei a ni.

Chulo chu Bamboo Technology park, Sairangah kan nei a, Area hi 49 hectre a ni a, plot 10 a ni a. Mizoram Industrial area management Regulation control Act, 2008 hnuaiah heng Industrial Plot te hi Industrial unit te hnenah allotment pe turin hma kan la mek a ni.

Pu Chairman, Mizoram hi puantah lamah kan hming a thang tan a. India ram ringawt nilovin khawvelah pawh kan inphochhuak tan a. Kan themthiam ten thiam takin puan an tah a. Chumi atan chuan Handloom hi a hlawhtling ber zinga mi a ni. Tun hmalam chuan Manipur atangin puan alo lut thin a. Tunah chuan Manipur hian Mizoram puan hi an la lut tawh zawk a ni. Hemi atan hian Integrated Handloom Development Scheme (IHDS) hnuaiah cluster approach atan Development Commissioner Handloom atangin puantahtute tanpuina tun hnai mai khan nuai 52.45 kan hmu a. IHDS hnuaiah vek group approach tan khaw hrang hrang a puantah tute tanpui nan nuai 47.57 kan hmu tawh bawk a ni.

Tin, Health Insurance Scheme vang pawhin i ngaih pawimawh em em kha puantah tu 179 an register tawh a ni. Tin ten percent rebate scheme hnuaiah 2006-2007 inkara rebate dilna chu Central Ministry ah thehluh tawh a ni a, hmuh thuai kan in beisei a ni. Handloom leh Handicraft lama ti tha bik te chawimawina tur State award Scheme duan leh Notify tawh a ni a. Gazette a chhuah a nih ve leh hman theih a ni ang.

Pu Chairman, Bamboo base lo hi chuan Industry Mizoramah din tak tak a har a ni tih kan hria a. Chumi atan chuan Bamboo Base Industry hi tih hmasawmna turin nasa takin hma a la mek a. Kan mau neih te a hlawk thei ang bera sawngbawl kan tum bakah hlawkna tam ber ram leilung faten kan tel theih nan hma kan la ani. Bamboo Mahal System hi, Pu Chairman ti tawp turin Council of Ministers ngaihtuah turin tunah hian chhawp chhuah a ni a. Kan mau harlh chhuah hi forest in min hrethiam se Bamboo atanga Revenue siam tura Centre ah beisei an niin kei chuan ka hre lova. Amaherawhchu kan neih ve chhun, mau te hi tangkai thei ang ber a ram leilung faten kan lo sawngbawla a hlawkna nen kan tih chhuah hi a tulin kan hria a. Chuvangin mahal pawh hi tih

tawp tum mek a ni. Chu chu Cabinet-in an pawm chuan reilo te ah hian kan ti hlawhtling turah kan ngai a.

Tin Bamboo chip, a chip-a siam a hralh hi kan duh a. Chumi atan chuan Bamboo chipping siam tur hian cluster 9 kan thlang tawh a, chu chu, Chhingchhip te, Maubuang te, Tuirini te, Falkawn te, Dapchhuah te, Hortoki te, Tlungvel leh Bunghmun ah te tunah hian kan dah mek a. Hemi ti hlawhtling tur hian Land Settlement ah deposit ve a ngai a. Chumi atan chuan pakua ah hian pathum tihfel tawh a ni a. Paruk case hi tunah hian process mek a ni. Tin, tunah hian Agarbati Stick siam engemawzat kan awm a, Chumi atan chuan Metric tones 10 hi tunah hian a bul tan nan an rawn order tawh a ni. A bak pawh hi agarbati Stick lei duh tur company dang pawh hualsa reng an awm a ni tih hi, he House hi ka hrih duh a. Heng bakah hian Bamboo product hrang hrang siam chhuak turin hetiang lama tui mite tanpuina leh kaihhruaina hna hi department chuan a thawk reng a ni.

Industry hlawhtlinna tur chuan training centre din a ngai a. Training Centre hi kan nei nual a, pakhatna chu Knitting & Tailoring training centre Aizawl, Lunglei, Saiha leh Champhai mi 20/30 training turin, thlaruk course turah hian a kalpui mek a. Weaving Training Centre Aizawl, Lunglei leh Saiha ah pawh mi 20-25 tan training kum khat atan a kalpui mek a, tin Cane & Bamboo training turin Hnahthial, Diltlang leh Haulawng ah hian thlaruk chhung training turin mi 10 training tir bawk a, chutiang bawkin Rural Industrial Development Centre Aizawlah hian mi 20 vel training a kalpui mek bawk a, kum khat atan a ni. Chubakah EDP atan hian a chang chang chuan training hi a ti thin a ni.

Pu Chairman, Central Sorkar hnuaiia Scheme hrang hrang te tanpuina awm thei ang ang hmuh theih nan hmalak a ni a. Chumi atan chuan PMEGP hi i zawhna kan chhan hman loh kha, tun kum hnih chhung khan 2009-2010 ah khan mi 298 thlan a ni a. Amaherawhchu, bank lam panga sanction te pawmpuina te kan hmuh that loh avangin kan duh angin kan kalpui thei lova pawl kan ti viau a ni.

Pu Chairman, Oil and Gas dap chhuahna ah hian Mizoram hi mi tam takin an sawi thin a, Pathianin malsawmna tam tak lei hnuaiia a phum a ni tih hi an hmuh dan a ni a. Chumi atan chuan Oil & Gas hmuh chhuahna turin nasa takin a dap mek a. Chumi hma chuan keini hian kan quarrye tha zawka lo humhalh a, mipui tan a save na tur zawk te, tin, balu pawh hi chutiang bawkin a humhalh chho mek a. Chumi tur chuan tunah hian hma a la chho mek a ni. Pu Deputy Speaker, kan Industry hnuaiia hian PSU hi pathum pali kan nei a, mahse vanduai thlak takin profit hi kan nei thei lo hi pawl kanti khawp a. Tunah hian ZIDCO te ZOHANCO te MIFCO te MKVIB te kan nei a. A then chuan hlawh thla 3/4 la thei lo te pawh an awm a, pawl kanti khawp mai. Kum engmaw zat enkawl lohin a awm a, an mahni a sum dawnga intodelh tura beisei an nih lain staff lak vak vak te motor leite a awm deuh reng avangin tunah a Bankrupt deuh vek a ni. Sorkar lu a hai a, kal zel tur nge kal zel loh tur tih pawh ngaihtuah tham tak a ni a.

Staff tamtak an awm tawh a, tihtawp mai chi anih loh avangin Sorkar hian tunah hian engtin nge a chhan chhuah ang tiin kawng a dap mek a ni tih ka sawi duh a. Industry ah chuan Pu Deputy Speaker, NLUP kan ti tha dawn a hriat avangin kan thenawm ram hian insumdawn tawna turin min enthup ani tih hi ka sawi duh a. Trade & Commerce Minister pawh hman deuh khan Bangladesh ah te a zuk kal a, Bangladesh leh Burma te nen conference Berawtlang ah te kan nei tawh a, 8-9 January 2010 khan kan level an pui min encourage pui ten Kolkata ah te, Cambodia, Laos, Thailand, Vietnam, Bhutan, Nepal, Bangladesh, Burma ah te an Foreign Minister leh Ambassador zawng zawngte nen inhmuh khawmna kan nei a, tah chuan one to one talk te an nei a ni. Mizorama lo invest hi an chak a, engnge kan thawn chhuah ang tih te, Multimodel project-te saw lam ah te a lo awm dawn a, hetah Champhai ah sumdawn na a in hawng dawn a, Tlabungah a in hawng bawk dawn a, chuvangin thawn chhuah tur hi NLUP atangin nasa takin kan inbuatsaih a, tun atangin thawn chhuah tur hi kan in buatsaih mup mup angai ani. Mizoram hi a muanawm avangin lokal an chak em em ani tih kha Pu Deputy Speaker ka sawi duh a ni. Chu chu Industry Department nita se, a lo rei deuh palh pawn khawngaih in min ngaithiam ula.

Tunah chuan Tourism ah kan lut ang a. A sawi zawng zawng kha 16 vel in ni a. Ka lawm em em na chu Tourism Department hmalakna ah lawmthu in rawn sawi a. Tin, nimin piaha kan in kang ta pawl min tih pui thu te in rawn sawi a. In lawmthusawina ah khan lawmthu ka hrilh let leh duh che u a. Mizoram hi, ram muanawm a nihna chuan khawvel ah pawh hriat tan kan ni tawh a. India ram chhung atang pawhin tlawh an chak a. Tin, kan climate te hi a nuam a, mihring te hawihawmna hi ropui an ti a. Mizo tlawmngaihna te pawh hi hrepha tam tak an awm tawh a. Kan Driver te pawh hi hawihhawm an ti a. Hmun hran hran ah an kalkhawmna ah chuan hetiang harsatna hi Tourist te hian an tawh thin a. Hman deuh pawh Lok Sabha atang te Rajya Sabha atang te in zawhna a awm a. Mizoramah harsatna Tourist in an tawh em tih a ni a. Pakhatmah tawh an awm lo te hi lawmawm kan ti a.

Tin, kan hospitality te, kan smiling face reng reng te hian khual hi chu a hip ve a ni tih hi kan hriat tlan ka duh a. Amaherawh chu an hmuh tum ber hi engeni ang ? kan nihna chiah chiah min hmuh an duh a. Hman deuh ah Art & Culture in Cheraw kan ah World Record an siam a. Khatah khan Foreigner engemawzat an lo tel a ni. Enge kan culture tak tak ? engnge hmuh tur awm ? tih hi rawn zir an tum a. Khatah khan Taiwanist 10 an lo kal a. Zan li chaweipuina ah ka tel ve a. Mizoram hi nuam an ti em em a ni. Anni ho lo kal nachhan chu Industry ah bawk, nichina ka sawi loh pakhat belh ka duh a. Mizoram ah bamboo hi engtinngge kan develop theih ang tih hi an zir ber a ni a. China mite pawh an lo tel a. America mite, India mite pawh. Khang ho kha an Ambasadorte an nia. Ambassador tih kha a thiang si lova Taiwan chu representative, Economic Advised te an ni a. Helai kan culture, Tourism te, Industry ah te nasa takin hmasawn turin chance a awmin min hriatpui a. Chuvang chuan a lawmawm em em a. Chutiang chuan khawvel hmun hran hran atangin Tourist pawh (member thenkhatin an sawi kha) India Tourist te, Foreign Tourist te engemawzat hian min rawn tlawh tawh thin a ni. Mizo kan vanneihna

chu ngaih loh lamah hmeichhe ho vin ngai lo sela, hnamdang nei kan tam ve viau tawh a. A hran hran - Africa ramah emaw America ramah emaw khawiah emaw kan nei a. Mahse Mizo thatna chu an pasal te leh an fate hi Mizo tawng an thiam tir vek hi a ropui kan ti a. Chu chuan helai a rawn zin te hi an chak phahin ka hre thin a. Chumi quality kan neih te hi a tha, anniho through hian Mizoram hi an ti lar ve a ni tih kha ka sawi duh a.

Tin, Pu Duhoma'n nichin a zawhna Tourism consultancy chungchang kha a pawimawh kan ti a, consultancy hi a tha ber hmuh hi a harsa khawp a. Kan Sorkar hmasa khan pahnih/khat an lo ruai tawh a. Engmah hman tlak silovin tunah pawisa min thing tlut tlut a. Kan hmanng zawm duhlo a ni. Chutiang bawkin kan Commissioner, R.C Delhi ami pawh khan pakhat a rawn tir a. Officer pakhat kan zu tir a, hmuh tur a awm lova. International trade fair kan neih pawh khan Mizoram House bik tur kan han tih tir pawh khan a tichhe pawl an nih avangin kha kha chu ngaituah ah a tello hrim hrim a ni tih kha Pu Duha kha ka hrilh duh a. A tha hi tunah hian kan zawng mek a. Vietnam a experience nei te, America a nei mek te, Sikkim-ah pawh tourism a lo hlawhtlintir tawh firm te hi tunah kan dawr mek a. Reilote ah consultancy firm tha deuh kan neih kan inbeisei a ni.

Hei hmalakna engemawzat hi kan han chhawp ve a, Sorkar hmasa thil tih tam tak a awm a. Keini kum khat leh tlemah pawh scheme thar engemawzat hi hmuh belh kan nei a, kan member thenkhat te khan an sawi nual tawh a. Tunah chuan Tourist Lodge te, Highway Restaurant te, Resort te, Picnic spot enkawllai mek 41 kan nei a ni. Heng hmunah te hian revenue theih ang tawkin kan la ve a. 2008-2009 ah khan Rs 110,42,596/- kan la a, 2009-2010 ah khan nuai 119 leh sing 5 leh 433 lai revenue kan la ve a ni. Kan member thenkhatten an sawi tawh ang khan Tourist hi 2008-2009 ah hian Domestic ah 56793 kan nei a, foreigner kha 342 kan nei a. 2009-2010 tun February thlengin domestic 52271 kan nei a, foreigner hi 541 kan nei a ni.

Tunah scheme engemawzat kan kalpui mek a. Member thenkhatin an sawi ang khan, GAD atangin IB sak te emaw Circuit House sak te emaw hi an ti tawh si lova, Department hrang hrangin House an nei tawh si lova. Mizoram Sorkar hna thawkte, sumdawng te, thil tul tia zin reng reng te hian thlen in an mamawh a. Chumi thlen in tur chuan infrastructure hi kan lo siam ve a ngai si a. Theihtawp chhuahin Mizoram kiltinah kan siam mek a. Chumi atan chuan CSS hnuaih hian hna kal mek te kan nei a. A then chu kan neih tawh sa te a awm a. Champhai Tourist destination tan hian nuai 442.35 hi min pe a. Tunah hian nuai 355.53 chu min release sak tawh a ni.

Tin, Lunglei Circuit atan nuai 634 min pe a, nuai 507.20 chu min release sak tawh a. Tin, Tourist destination ah hian Reiek hi kan hman ber a ni a, siam that tir kan tum a, Beraw tlang khi kan nei mek a ni a, chumi atan chuan nuai 479.49 pawisa min pe a, tah chuan nuai 383.59 hi min pe tawh a ni. Chutiang chuan Tourist destination Chaltlang te, Chalfilh tlang sang laiah te khian lianpui mai kan sa a. Tunah hian kan zo tep tawh a. A boruak te a nuam a, MLA te pawh in in tlawh duh viau kan ring a ni. Chutiangin South-End

Tourist Circuit te, Tourist destination Sakawrdai te; tin, Tourist destination Kanhmun te, Eastern Tourist circuit ah te hian a vaiin nuai 6376.4 sanction kan hmu tawh a ni. Tunah hian project 10 ah hna kan thawk a, a in chu an zo deuh vek tawh a, electric wiring leh a then chu tui connection te a awm rihloh avangin hawn theih loh ani a, chungte chu nichin a an sawi nel nual, N. Vanlaiphai te, East Lungdar te kan sawichhuah duhna chhan chu ka bial ah a tel ve em tih kha in lo chhin chhiah duh dawn avangin kan sawi chhuak a ni. Pu Deputy Speaker, East Lungdar te, Farkawn te, Zokhawthar te, Hnahlan te, Tuipang te, Saiha Additional building te, Bualpui NG te, Vawmbuk te, Sangau te, Saitual te, Saitual hi a hlui thiatin a tharin kan sa a, Hrangchalkawn ah hian building dang kan belh a. Lawngtlai ah a hlui a chhe lutuk a a tharin kan din a, Paithar ah kan dah bawk a 'S' Vanlaiphai, Thingsulthliah, Darzo ah te tunah hian kan zo tawh a. Heng hi hawng thei mai tur din hmunah kan ding na a, sawi tawh ang khan electric wiring te a la awm lova, a then tui connection te ala awm lova, a harsa ber chu staff kan nei thei lo lai hi a ni a. Staff la turin Muster Roll ringawt hi a ngai a, tunah pawh 200 chuang kan nei a, M/R deuh vek an ni mai a. Tunah chuan regularize turin Finance te kan han nawr a, kan Chief Minister zahawm tak pawhin ngun takin min ngaihtuah sak mek a, a then phe chu over aged mai tur anni si a, kum 20 te, a aia tam te lo thawk tawh over age a M/R a pension mai tur te an ni a, an khawngaihthlak a, Sorkar pawhin chu chu a ngaihtuah mek a ni. Tin, chutiang bawkin CSS hnuaiah 2009-2010 ah hian, (hetah hian kan sawi hmasak duh chu 'i bial lam anih avangin i va ti tam ve', pawh min tih ka hlau a, mahse a tul si a). Kum engemawzat kha kan bial lam tih loh anih tak avang khan tunah chuan tih thar ve leh deuh hi a ngai a, nangni neilo pawh nakinah chuan kan la ti zel dawn tho a, chumi atan chuan Tourist Destination Burma Borderah Chakhangah khian 200.56 tunah min sanction sak tawh a. Ni-awh tlangah nuai 203.56 bawk, Chawngte-ah nuai 399.47, Palak Dil zau ber hi, khilailah Tourist Lodge pakhat mah a awm loh avangin, chutah chuan nuai 437.75.

Tin, nichina Pu Thawla nge sawi ka hre lova, kan khawpui Serkawnah pawh tunah hian sak kan tum a. Maubawk te, Zawnglingah te, chungah chuan nuaih 694.88 kan nei a. Beraw tlangah convention centre tunah hian sak kan tum mek bawk .

Tin, Institute of Hotel Management sakna leh dilna atan nuaih sangkhat kan hmu tawh a. Tunah hian Bung Bangla bulah hian in an sa a, an sa chho mek a. Tunah nuaih zali (400) an rawn release tawh a, chumi atan chuan administrative building te, Boys Dormitory leh Girls Dormitory te sak zawh tep tawh a ni a, kum 2011-ah chuan he institute hi hawn ngei kan tum a. Chutah chuan B.Sc in Hotel Management and administration degree course an zir dawn a, North East-a kan tlangval tam tak pawh hetah hian an rawn zir turah kan beisei a, hemi atan hian kum khat leh a chanve (1½) Diploma Course in Food Craft & Food production a tel bawk dawn a ni. Chumi atan chuan hma kan la tlut tlut a, min lo hriatpui lo palh ang tih ka hlau a, kan rawn sawi a nih chu.

Tin, Tourist te hipna tur hian adventure leh Sports ah hian, Aero Sports bul tan tumin Ministry ah fund a dil a. Engemaw zat chu Muthi leh Tuirial Air field te pawh khian thlawhna peka flying te pawh beih tawh a ni a. Hmuifang tlangah an en chhin tawh a. A tha riau dawnin an hria a. Hemi tan hian Rs 298.38 lakh kan hmu tawh a.

Tunah hian 2nd Installment kan nghak mek a, Thalaite tan Sports leh Training tha tak a nih kan ring a. Kan nula & tlangval tih tur hrelo te chhawk ngei in ka ring a ni.

Tin, Tourist hipna Festival siam a ngai thin a. Kan Festival pawimawh Chapchar Kut bakah Central Sorkar in Festival phuahchawp si, mahse Tourist hip nan siam turin pawisa min pe thin a. Kum 2009-2010 ah khan Chapchar Kut, Thalfavang kut leh Bamboo Festival sanction hmuh loh avangin kan la nei thei lova. Tunah hian Anthurium Festival erawh chu kan nei anih kha. Nuam kan ti viau a ni ang, Reiek khua pheih chu motor a khat tlat a, kan hlut em em te kha lawmawm kan ti a ni.

Pu C. RAMHLUNA : Pu Deputy Speaker, ka'n ding lawk ang a. Tourism ka sawi hman lova. Chhuanlung leh Niawhtlang Tourist Centre a dah kha a thlengtutur ka han ngaihtuah a, an tam lo ve em em a. A chhan chu a awm tawl ve mai mai ang tih a hlauhawm a. Chuvangin Niawhtlang emaw Chhuanlung emaw zawk kha chu khawhtlang Bungtlang velah a dah ve theih lawm ni ? A chhan chu sawlai saw a pawimawh ve dawn riau a. Multi-model road te a lo kal dawn a, min ngaihtuah sak thei ang em ?

Pu S. HIATO, MINISTER : Chhuanlungah kan dah lova Pu Deputy Speaker, Niawhtlang leh Chakhang zawk a ni. Tuna Lawngtlai 'W' bialtu sawi ang khan, a bialah pawh Bungtlangah pawh kan dah a a sanction kan hmu tawh a. A dang pawh kan ti zel turah ngai ila.

Tin Human Resources Development department atang hian hmalakna kan kalpui a. Chumi atan kumtin in thalai te training turin heng course ah te hian kan tir thin a. Tunah pawh kan tir mek ani. Three years degree course B.S.C Hospitality and Hotel administration hi seat 5 kan nei a. Gauhati ah leh Shillong ah an train mek a ni. Chutiang bawh in kum khat leh a chanve course food production seat 8 niin Shillong leh Gauhati ah training kan tir mek a, an zir mek a ni.

Pu NIRUPAM CHAKMA : Pu Deputy Speaker, point of clarification khawngaih in, Chawngte tourist destination atan proposed ani a. Nichina Minister sawi ang khan. Three crores 99 lakhs sanction ani a. Amaherawhchu pawisa tam zawk hi Bungtlang ah pek tur in rawtna an siam a, more than 2 crore, Chawngte destination sanction place kha chu 57 lakhs chauh ani. Chu chu a thlak thei lawm ni ?

Pu S. HIATO, MINISTER : Pu Deputy Speaker, Central Sorkar hi tourism development ah hian a thil phal khawp a. Tunah hian Pu Rinmawia kha a awm lova, a bial Kanhmun te pawh Lengpui ah kan sawn a. Chu mi atan chuan kan dil sak leh a, min pe mai dawn a. Chawngte chu Sub-Division Headquarter ani bawh a. A hlauthawn ang kha chu lo hlau lo sela, ka duh khawp mai.

Traffic police te, Airport duty te, taxi driver te leh thingpui dawr leh Hotel nei tute hnen ah hian khual zin mite lo dawr dan hawihhawmna leh thianghlimna in zirtir hun kan hmang bawh thin a ni. Kan hotel tam tak hi tourist ho te an lo kal a, fian leh thleng in tawm mai mai ei bang chhung lut leh mai mai an hmuh hian an chawl tha duh lo viau ani. Chuvang chuan chumi atan chuan training kan pe mek a. Zawi zawiin kan changkan chhoh pawh kan beisei ani.

Aizawl atang hian hnaivai chhuahna tur hi kan nei mang si lova, Reiek hi a tawh viau in kan hria a, darkar khat te, dar khat leh a chanve te tlante a ni a. Tin, a tlangchhip khi lawn chuan a lunglen thlak viau a, a inkarah khian ngaw engemawzat khi YMA leh V.C ten an humhalh a, khimi khi aquatourism turte pawn a tha lawm ni, Hmuifang nen hian tih hi member te ngaih pawimawh kha kan en mek a.

DEPUTY SPEAKER : Khuti lai ka bial Rawpuichhip ah khan ka rawn rawt tawh a. Khang kha in thilung ah lo awm ve ta se, khu lai khu mual tha deuh ani a.

Pu S. HIATO, MINISTER : Pu Deputy Speaker, hmun tha deuh chu min kawh hmuh tawh a, kan vawng reng a, a hun lo thlen dan tur kan hre lova. Tunah hian Berawtlang Resort leh Chaltlang Tourist Lodge hi chei that mek a ni a. A room te pawh kan chhuang ve viau tawh a ni. A chang chuan in nupui te hruai in va riak ve chhin ula, tun hma ai chuan nuam in ti deuh tawh in ka ring.

Reiek ah hian In te kan sa tha mek a, kan chei tha mek bawh a. Phuisui taka enkawl hi kan tum a. Tourist lo kal tan pawh han tlawh zung zung na tur remchang anih dawn avangin hei hi kan chei tha a. Chulo chu Hmuifangtlang tourist lodge hi in hmu ve nual tawh in ka ring a, a then chuan. A hmun a nuam a, va kal tawh chuan Shillong ram ava ang ve an ti a. Helai hi picnic spot atante a tha a, kan ngen duh chu P.W.D hian black topping an bei rei lutuk a. A luh lam hi an phal lo rei lutuk a. Rang takin min tih sak sela, black topping zo thuai sela chuan Aizawl atanga hetia weekend va hmanna tur pawha remchang tak ani a. A boruak a nuam si a, tunah hian a thar kan sak belh mek a, disco theque room tur te, Health care tih na tur, massage na tur thlengin kan ruahman a, christmas & Kumthar te pawh nuam taka hmanna turin kan chei mek ani.

Pu Thanzara sawi ang deuh khan mikhual lo duatna tur tlai lama dang hnawna tur kan nei lo erawh chu tourist kan duh angin kan la hip theih loh phah a, a pawl kan ti khawp a. Sorkarin tihdan a ngaihtuah turah ngai ang.

Ka rei lutuk ang tih ka hlau a. PHE ah kan lut ang a, Tui harsat thu hi in vaiin, Pu Deputy Chairman, in vaiin min hriatpuia, ka lawm a, kumin phe chu ruah a tla reng reng lo mai a, a thal rei si a. Thingtlang bialtu pawhin thingtlang khua a a tui kan lak thin, a hmaa tha taka an ngaih kha, a kang deuh vek mai a ni. Saiha khuaah pawh kan lakna thin hmun hnih chu a kang a, tunah hian an mangang em em a, chutiang chuan khaw tam tak hian harsatna an tawh mek a ni. Hei hi chu ngun taka min ngaihtuahpui, kan ngaihtuah tlan chu a ngai a. Dr Thangtea khan khu lamah scientist-ho a hmuhdan te kha min han hrilh a, khatiing deuh khan, kan theih ang ang hi chuan ramngaw hi humhalh turte a inzirtir tlan hi ava duhawm em, ava tul tawh em tih hi ka sawi duh a.

Thil dang ka sawitam hmian Phase-II hi a sawiloh theih thin si loh a, a then chuan Sorkar hmasa thil tih diklo pawh awm se sawi mai tur a lom, i hel ve deuh lutuk thin te min ti a, mahse sawisel lam ni lovin a awmdan chu engemaw zat report a ngai a. Engvangnge contractor hi a ban tak mai le tih leh inhaikuak chungchange pawh Pu Duha te pawh khan min han zawt a.

Hengah hian harsatna kan tawh hi chu in hre tlangpuiin ka hria a. Kan contractor hian hun kan tiam chhungin a zo thei lo tlat a, extension han siam sak leh pawh hian a zo thei bawh lova, extension vawi 3 kan han siam sak a, chu pawh chuan a la zo chuang lova, kan sawi thin ang khan September 2008 atang khan hna a thawk mumal tawh lova. Mipuiin tui kan mamawh si a, engtin nge kan tih ang tiin department te kan inrawn thin a, thurawn pawh tam tak miin min pe a ni. Tahchuan mi pakhat kha a pawimawh viau a, pawisa eng emaw zat pawh an seng tawh a, amah kan ngaihsak lo lam nilovin, a thawh zawm duh si loh chuan tih tur dang a awm lova. Warning te kan in pe a, a hun te kan in fix sak leh thin a. A thawh tak mai siloh chuan ban mai loh chu tih tur a awm lo a ni. Chuvang chuan nikum November ah khan kan han ban ta kha a ni a. Kan ban hnu ah khan, a chang chuan harsatna deuh te kan nei thin a. A khawl neih sa te engemawzat kha a awm si a, lak te an phallo lek lek thin a. Mahse a tlawmngai ta a, tunah chuan a khawl te pawh min pe kim a. Tunah hian Departmental in kan thawk ve ta mup mup mai a ni a, kan naute hi chhun zan zawmin an thawk tak tak a, an tha leh zung pawh nasa takin an seng a ni.

Inhriat angin hemi hi, a tirah Phase-II ah hian Tlawng atanga Tuikhuahtlang, Bawngkawn to Durtlang, Sihphir-Neihbawih pump leh thlitfin hna te hi thla 48 chhunga zo turin crore 99.32 man hna pek a ni a. A hna hi March 2004 a thawh zawh tura tih a ni phawt a, mahse a zo silova, kan extend leh a, 27.1.2006 thlenga zo turin chance pek leh a ni a. Mahse hei pawh hi a zo lova, 28.2.2009 thleng kan extend sak leh a ni. Chutichung pawn a thawkzawm tam si lova, a thawh tur zinga pawimawh tak tak jack well leh weir an tih, khuta Tlawng lui a tui kan pump chhuahna tur khuah hna te pakhat mah

thawh a nilova. Chumi thawh a nih loh avang chuan Phase-I ami kan ring ta a. Pu C. Rokhuma, kan environmentalist-te pawhin a an lo sawi fo thin Serlui 'A' lui atanga bawlhhlawh chi hrang hrang kan ei tel thin an tih te pawh pumpelh nan tunah hian Serlui chhak lamah Greater Aizawl Water Supply Scheme Phase-II atan weir leh Jackwell-te pawh siam mek a ni a, chumi tur chuan tunah hian hna kan tan tlut tlut a, Reiek kal thinte chuan, in zuk hmuh a min hmuhpui ka duh a, kan hnathawk tute pawh min zuk fuih sak ve turin ka beisei che u a ni. Serlui kanna tur atan leihlawn dawh a ngai a, chumi leihlawn dawh te pawh hna nasa takin kan thawk mek a ni tih hi kan sawi leh duh a. Nichin ah khan kum 2011-2012 daiha zo tur chuan ava hla awm ve kan ti a, kan nghakhlel tlang chu a ni a. Tin, 24 MLD hi engtikah nge kan pump chhuah ang tihte kha in zawt a, a zawh tak tak hi chu a distribution line te nena chhut veka pawisa kan hmuh theih chuan, 2012 kan ti kha a ni a, 24 MLD pump tur hi chuan tunah hian hna kan thawk mup mup a, kan inbeisei dan chuan ka sawi soal hi ka hlau viau a, mahse sawisual lo turah inngai phawt ila, tun kan budget session chhung hi chuan 24 MLD hi chu Tuikhuahtlangah kan ti lut ngei dawn e tih hi ka beisei dan a ni. 24 MLD a luh chuan tuna kan harsatna hi chu eng emaw chen hi chu min chhawk anga, mahse khaw thenawm Tuikhuahtlang atanga la thlun zawm loh tlem a zawng te kan la harsa rih dawn a. Tunah hian Falkawn lam chawmna tur pipe pawh engemaw zat thawh zawh tawh a ni a, Sihphir lamte, Durtlang lamte engemaw zat kan zo bawk. Kan sum mamawh kan hmuh theih chuan tuna kan hna hmabakte pawh hi beisei anga zawh theih ngei kan in ring a ni. "Water Supply & Sanitation ni mai kha" tih a awm a. Public Health Engineering kan ti bawk a. Lehlamah chuan Public Health hi hming phuahsa alo ni a. Chutah chuan sanitation kan ti tel bawk a ni. Kumin ah hian sanitation ah te khan kan ti tha viau a. Mizoramah khawthianghlim, ekin leh zunin nei tha India level a thlan a nih pawh hi khaw 20 min thlang ve a ni. Tunah hian a dang hmuh belh pawh kan inring a.

Tin, inhriat a tan Mizoram puma House Water Connection leh Revenue kan hmuh te hi ka sawi duh a. Ni 28.2.2010 thleng khan House Water Connection pek zawh tawh zat chu 49,663 ni in 4101 zet chu tun Sorkar kum chhung a pek an ni. Tin, House Water Connection fee leh tui phurhna atangin Vaibelchhe 6 nuai 5 leh sing 4 sang 1 leh 154 kan hmu tawh a ni.

Tin, thingtlang lam tui pek hi tan nasa takin kan la a, 2009-2010 chhung hian tui lakna, tlangram tui lakna gravity 93 nos leh lui tui pump chhoh na khaw 10 ah kan nei tawh a. Ruahtui dawn khawlina tur khaw 7 ah kan siam tawh bawk a. Khaw 14 tan tuikhur siam a ni tawh bawk a. Heng bakah tui hnianghnar pekna tur khaw 56 ah zawh fel a ni tawh ani. Tlangram tuilakna hi khaw 73 zet ah tih changtlun/tihpun hna hi thawh chhunzawm mek a ni a. Kum 2009-2010 chhung khan Government of India in Mizoram tan sum ruahman chu nuai 4840 atangin tunah hian nuai 3515.40 chu kan hmang tawh a ni. Tin, kan khaw pawimawh tak Sangau hi tui an harsa em em mai a, kuminah hian NEC atangin crore 4.88 min pekah hian nuai 35 hi first stage atan min sanction sak tawh a. Chutiang bawkin Lower Sakawrdai atan cheng nuai 133.72 Ministry of DoNER atangin min pe a. Heta tang hi chuan cheng nuai 41 singthum hi min pe chhuak tawh a ni.

Tin, khawpui lam kum 2001 chhiarpuih chuan Mizoram ah city pakhat leh khawlian zual (town) 22 awmin a tarlang a. Lawngtlai District Headquarter Lawngtlai hi khawlian zual zingah chhiar tel a nih chuan khawpui khawlian zat chu 23 zet kan ni tur a ni a. Heng khaw lian deuh zinga a te hi tuiin tur hnianghnar fully covered niin 14 te hi chu tui in tur la hnianghnar lo deuh, partially covered an ni. Kum 2009-2010 ah khan Greater Water Supply Scheme Phase-I chu tih changtlun a agreement tur leh Greater Serchhip Water Supply Scheme hi tih changtlun a augment turin UIDSSMT hnuaiah hnathawh a ni a. Central-in nuai 390.35, State atangin nuai 86.50 leh Central atangin nuai 309:42 te hi kan hmu a. Tunah hian Greater Aizawl Water Supply Scheme Phase-I tui pump-na khawl leh a pek chhuahna lam siam that hna hi, a khawl hi a hlui tawh a, siam that reng a ngai a. Kum 1988-a thawh zawh tawh a nih avangin tunah hian Greater Aizawl Water Supply Scheme Phase-II tui pumpna khawl leh a pek chhuahna lam siamthat hna hi JNNURM hnuaiah tangin Central Share Rs 78.41 lakhs chu pek chhuah tawh a ni. Kan State Sorkar atangin nuai 63.68 hi phase-II atan, nuai 496 hi Aizawl Water Supply Scheme hnaah tul bik tan min pe a, tin, nuai 100 hi 33 K.V overhead line phase-I siam nan bik min pe bawk a, Hei hi ka sawi chian leh duh deuh chu, electric khawl hmanga kan han tih nun khan power consumption sang lutuk tih hniamna turin khawl lei na tur hi min pe bawk a ni.

Tin, sanitation ka tih kha fai na lampang hian total sanitation campaign hna hi 2003-2004 atang khan din a ni a, P.H.E hian base-line survey-te awareness campaign te a thawk nghal a, District zawng zawng huam in total sanitation campaign in hma a la a 2009-2010 chhunga a hmalakna hrang hrangte chu pakhatna – B.P.L chhungkua tan ekin 3574 a siam a, Vantlang inthiarna tur hmun 89-ah a siam tawh a. Tin bawhlawh tuiril leh tui ril lo paihna turin hmun 8 ah a paihna a lo siam tawh a. Tin, Nirmal Gram Puraskar award hi khaw fai bik khaw 20 hnenah pek a ni, hemi atan hian nuai 481.83 2009-2010 chhung hian hman ani tawh a ni.

Pu Deputy Speaker, ka hrilh duh che u chu school tinah hian tui thianghlim naupang hovin in ve se kan ti a, khawl tha deuh mai, herh deuhhlekk chuan a nu zawng zawng thlifim thei nghal vek mai a. Chu chu staud alone kan ti a. Chumi atan chuan tunah hian 2009 khan programme a duang a. Tunah hian nuai 13.64 pawisa min pe tawh a. Khaw 68 school ah kan pe mek a. Mizoram pumpui hi hei hian khuh vek kan tum a ni.

Awle, Pu Deputy Speaker, ngun tak leh thahnemngai takin.

Dr. R. LALTHANGLIANA: Pu Deputy Speaker, i din lai lawk khan, i ti tawp mai dawnin ka hria a. Hemi kan Aizawl khawpui a tui sem chungchang (a routine) hi sawi zawk kha a tha-in ka hre deuh a. Veng thenkhatah thla 1 ah vawi khat ka hmu e ti te an awm a. Veng thenkhatah kar khatah vawikhat te te vawikhat bak hmu hi an awm mang lo niin ka hria a. A inthlau deuh zung mai lai hi en ran theih dan awm ta sela a tha awm mang e. Tin sikul ah hian Primary School leh Middle school angahte, midday meal-te cooked rice supreme

Court ina a insists tawh avang hian pek a lo ngai hi, tam tak ngai ang chi, khang angah khan engtingge ni hma kan lak tak zel tih kha hriat a chakawm in ka hria.

Pu S. HIATO, MINISTER : Pu Deputy Speaker, a pawimawh khawp a, tui sem hi a lo harsa a niang. Kan naute pawh hi kan in hrilh ngun viau a. A then pheii chu kan in sawn dawrh dawrh thin a. A then chu pawisa pocket money kan pek chuan kan hmu tam thei a tih te hi a chang in a ri thin a. A tu chiah nge ni tih hi report kan dawng tha hlei thei si lova. Kan inzawng kan inzawng thin a. Hetiang harsat zual lai pheii chuan a sem tha lo ho hi chu kan hotu te pawh hian lo dim miah lo ula, tu pawn lo sawipui mahse lo ngaithla suh u. In transfer loh pawhin lo ban in, lo suspend mai rawh u tih khawp hian kan invau ve reng chu a ni a. Chuti chung pawh chuan hei hi kan la thleng a ni. Chuvang chuan, ka ngen duh che u chu member zahawm tak tak leh official te pawh engemaw zat in la awm a, chanchinbu lam mite pawh in la awm a, tui sem tur kan neih ve chhun hi chu sem zai theih dan kawng min lo dap pui ula, an hre reng a an ti duhlo tih te kha chanchinbu ah ka hmu a, mahse a ni miahlo a a diklo a thawkte sem diklo te, pawisa lak vanga mi lo pe tam te hi chu in hriat chuan engpawh nise, thatna kan duh si a, tui in tur kan duh si a, in dimlo tlang ang u tih hi kan duh dan ani a. Chumi atan chuan nangni pawn min tanpui hi ka duh a ni.

Chutiang bawh in mid-day meal ah te pawh school tin tui semna ah te pawh theih ang tawh chuan an ti anga. Eng pawh nise a harsa tih chu min hriatpui ka duh a. Khawtin ah tunah tui a kang tawh a, sem a ngai tawh si a, chumi atan chuan motor a sem a ngai a, hemi atan nuai 150 chauh kan nei si a, khawtin deuh thaw ah tui sem turin min han beisei a, theitawp chhuah chuan tan kan la mek na a, duh ang in bial tu MLA te kha in khua te kan sem thei lo ang che u tih ka hlau va, engpawh nise kan House in min hriatthiampui anga mamawh tak tak ah erawh chuan in hrilhriat zel nise tih hi ka sawi duh a ni.

Tin, Pu Duha sawi Sakawrdaia Water connection 20 tih tawp tih te kha a awm na a, kan react vek seng lova, kha kha chu J.E pakhat in ama duhthu a a lo pek a, connection fees zawng zawng a la a, a fee zawng a khawn vek a chutianga a tih avang chuan kan buai ta a ni a, tunah amah pawh hi suspend chuan a dik si lova, thla tin Rs 6000/- a hlawh atangin kan cut ringawt mai a, Rural Bank ah te leh a dangah te pawisa alo la leh si a, a chhungte chawmna tur pawh neilo khawp hian a khawsa ve a ni, chu chu a chhan a ni tih kha chu min lo hriatpui loh chuan; A va sual ve, Sakawrdai ho a va hrem ve min ti palh ang tih ka hlau a ni, chu chu a dinhmun a ni a.

Tin, Pu Thangte-an Lunglei a an bleaching powder hi a rim a na lutuk a, hri pawh a keng tel ang tih ka hlau a ni a tih hi kan han exam tir a, nitin kan han test a, kan test na a chemist ten an hmuh dan ah chuan a tamlo hrim hrim a, a requirement pawh a thleng pha lo a ni, a rim erawh chu a na ve a, a rim khan hlauhawm a siam love tih kha ka sawi leh duh a.

Dr. R. LALTHANGLIANA : Ka sawi kha Lunglei lam a ni lova. Ka bial lam emaw in lo ti mai thei a, helampang zawk hi a nia. Lunglei lam kha kan biak pawh khan saw lam kha in lo buaipuitir chiam mai a, in ti tha a, in effective a a lawmawma, mahse ka sawina lai zawk chu Aizawl khawpuia bleaching powder zawk kha a ni. A lawmawm e, sawlam in lo ti reng reng kha,

Pu S. HIATO, MINISTER : Pu Deputy Speaker, eng pawh nise bleaching powder-te hi thil man to tak a ni a, tam deuh mai sen erawh hi chu ka inren ve viau a ni tih hi min hriatpui ka duh a. Mahse a tul ang ang chu a hman loh theih loh a, hemi avang hian hlauhawm a ni love tih ka sawi duh a, Pu Deputy Speaker.

Pu T.T. ZOTHANSANGA : Pu Deputy Speaker, pakhat chauh, tui tih thianghlim hna thawk tur khan a thiam bik ang chite kha han dah tel ve thei turin Recruitment Rules lamah khan effect dan a awm angem ?

Pu S. HIATO, MINISTER : Pu Deputy Speaker, kha kha ka re-act hman lova, tunah hian kan Recruitment rules-ah Bsc chemist tih a ni a, hemi hi a relevant tawk lova, chuangin Recruitment Rules siam tha turin kan bawhzui mek a ni. Khami kan bawhzui chuan a sawi ang chiah kha anrawn luh ve theih mai ka beisei a ni. Ka demand No. 25-na Water Supply & Sanitation vaibelchhe 98,27,49,000/- demand No 40-na Industries vaibelchhe 28,93,47,000/- leh demand No 43-na Tourism vaibelchhe 5,46,87,000/- Total vaibelchhe 132,67,83,000/- hi House zahawm tak hian min pawmpui turin karawn ngen e, ka lawm e.

DEPUTY SPEAKER : Aw le, Pu S. Hiato, Minister zahawm takin a demand te sawifiahin pass arawn dil a, Demand No 25-na Water Supply and Sanitation 98 crores 27 lakhs 49 thousand ; Demand No 40-na Industry 28 Crores, 93 lakhs, 47 thousand, Demand No 43-na Tourism 5 crores, 46 lakhs, 87 thousand. A vaiin 132, crores, 67 lakhs, 83 thousand te hi pass remti apiangin “Remti ti” ti ru le, rem ti lo in awm chuan “Remti lo” ti ru le. Remti lo an awm lo a, Pu S. Hiato Minister zahawm tak Demand 25-na Water Supply and Sanitation 98 crores 27 lakhs, 49 thousands Demand No 25-na Water Supply & Sanitation 98,27,49,000/- Demand 40-na Industries 28,93,47,000/- Demand No.43-na Tourism 5,46,87,000/- avaiin 132,67,83,000/- te chu Houe in lungruol takin a passed ta a ni.

Pu S. HIATO, MINISTER : Pu Deputy Speaker, ka lawm e.

DEPUTY SPEAKER : Aw le tunah chuan, vawin a kan tih tur kan Bussiness kan zo ta a. Kan chawl tawh ang a, natuk 26th March, 2010 zirtawpni zing dar 10:30 Am ah kan thukhawm leh dawn nia.

Sitting is adjourned at 7:10 P.m